






Early European Books. Copyright © 2012 ProQuest LLC.  
Images reproduced by courtesy of The Wellcome Trust, London.  
1110/D









Early European Books. Copyright © 2012 ProQuest LLC.  
Images reproduced by courtesy of The Wellcome Trust, London.  
11110/D





Early European Books. Copyright © 2012 ProQuest LLC.  
Images reproduced by courtesy of The Wellcome Trust, London.  
1110/D





Early European Books. Copyright © 2012 ProQuest LLC.  
Images reproduced by courtesy of The Wellcome Trust, London.  
1110/D



Barbarossa.

# Des in Schöne sind

## Warhaffte beschreibung des Le-

bens vnd der geschichten Keyser Friderichs

des ersten/ genant Barbarossa/ durch Johannem Adelphum

Stattarzet zu Schaffhausen/ erstmals in latin ver-

samlet / auß allen glaubwürdige geschriefften vñ

Historien & alte Chronicken / vñ aber yetz


und in Teütsche sprach verdolmetscht.

vnd von newem wider getruckt

vnd mitt fleiß corrigiert.









Dem wolgelereten Ersamen weisen Herren mei-  
ster Hansen Berster 8 stat Basel würdigen stattschreiber/Cantz-  
ler vnnnd Proconotarien. Encheut doctor Johannes adelphi  
Argentineñ. / stattschreiber zu Schaffhausen/ sein manig-  
faltigen fründlichen Gruß zc.



## Erwondern mag sich

des nicht wenig wolgelerter Weiser herr. Ewer ersamme  
weißheit/warumb ich ihr als unbekant/dise mein Mühsame arbeit/vor andern vil  
bekant fründt zu geschriben hette. Wan sie sich aber recht bedenckt (des mir nit  
zweiflet) sint sie auß alter Platonischer leer. Daß sein/der Tugent eigent schaffe  
vnd natur/das sie an sich zeucht/gleich dem Magneten/alles das zu tugent diener/  
vnd sie zu deren fürdern mag zc. Darumb als ich hert vernommen/durch mein  
lieben schwager Caspar schallern/wie Ewer ernsthaftige weißheit/erwa vnder-  
weilen/zü ergerlichkeit ihrer geschafft vnd arbeit/nach des weisen Catonis ler/für  
händen nimpt/ein glaubhaftige Hystori alter loblicher geschichten vnd hendel/da-  
rinnen sich zu erlustigen vnd ergezen. Hab ich gedacht ihr nichten füglichers auch  
kurzweiligers sein/weder das leben kaiser Friderichs des ersten/genannt Barba-  
rossa. Welches beschreibung ich/von hirtwegen/vil guter herren vñ freind hab vn-  
derstanden/auß dem Latein/zü teutsch zebringen. Wölcher beschreibung eine  
nach dem Poeten Virgilio/gar fleißig gerhon hatt/mein Besunderer günstiger  
lieber herr/doctor Johannes Ecke in latein/an den Bischoff von Aystet/die mir  
zu handt kommen ist/durch ein gute herren zu Schaffhausen/welcher ich bewegt  
vnd nach gefolgt/hab also an fahen sammeln/auß allen lateinischen Büchern/chro-  
nica vnd Historien/so mir darzu dienen möchten. Das läben vnd die Ritterliche  
thaten/des genannten loblichen Kysers. Vnnnd das namlich/auß der Chronica abe  
Dispringers/der vil darvon sagt/wiewol demütiger außlegung/vnnnd schlechts  
lateins. Demnach gab mir der hochwürdig herr/herr Michael Abt des gors-  
haus zu Schaffhausen/ein groß lateinisch Chronica/die Johannes Nauclerus/  
mit grosser müß vnd arbeit/meines bedunkens/hat gesamlet/doch fleißiger vnd  
etwas lieblicher da der Dispringer. Auß deren ich nit wenig gezogen. Dan Ca-  
bellicus vnd andere Supplementa.chronicarum/gond gar kurz hindurch. Vnd  
die Itali



## Vorred.

die Italianer/Blondus vnd Platina setzen allein was ihnen fñgt/vnd der Wallen glimpff ist/vñ nicht der frommen Teutsche. wie wol mir sagt/Gans von Carpen/ein from edel mensch. Bischoff Otto von Freysingen/hat auch vil hienon geschriben. das hab ich aber nicht mögen haben/bis da diß werck beschloffen was/vñ versaumbt mer darein zñsetzen/es wer sunst gar ein groß Büch worden/darumb so nem fñrgüt ein ieder liebhaber der geschribten/diß büch lesende/vnd in sunders ißr mein alter herr/des frñmlicher will vnd gunst/mir lieber ist/weder vil andere/mier vñnd gab. Darumb ich das ißr vor menglichen/dis mein arbeit/auff opfere/vñ gñtlichen ergib/der hoffnung/sie werde es nicht verschmahen noch verachten/sunder mit lieblichen augen/Angezicht/vnd gñtem willen annemen vnd empfangen/der meinung als es ist beschehen/das hertz des gebers recht erkennen/in sunders so ich wol vermerck/sie die Historien lieben. Vñnd das sie ein sunder neigung hat-zñdem grossen reuren Kei. Barbarossa-der billich soll geachtet werdē für ein lautern Claren weltspiegel/allen Fürsten vnd Herren. Auß dem zñ erkñnden vnd erlernen/ein rñmreich loblich regiment zñführen/Ritterlich kriegen/frñde machen/die hoffertigen straffen/der armen schonen/den weisen folgern/die gefangnen ledigen/vnd ander vil tugenten/die man von ihm hierinnen finder. Des haben fñrgüt/dan wo ich merers vnd bessers wñßt/wolt das on allen zweiffel nit sparen sunder trewlich volbringen/nach allem ewerem willen vnd gefallen. Doch so habe ich noch vnderhanden keiser augustum/der in kurtzer zeit auch lebendig erscheinē soll anfferden/vñ wid vñnd dem tod erston/durch alle land auß faren/wie vormals die Roßdiffer history/durch mich gereutschet/vnd anders mer/on not zñ melden/was dann harinn versaumet ist/das soll alda erfüllet werden. Ich hab auch erst in kurtzen tagen/den Christenlichen Riter/des fñrtrefflichen hochgelerten mans.

Erasmi Rotterdams/auf dem Latein zñ Teütsch gemacht/von birt wegen vnd angebung Beaty Rhenany. Weins in sunders lie-

ben Herren vñnd schülgesellen/Gott zñ Lob vnd

Eheren/der sey allweg mit eich. Da-

tumb im Schaffhausen/vff

Sant Johannes tag/des

Euangelisten. In dē

jar des Herren.

M. D. XX.

Finis.







Der Ursprung vnnnd an-  
fang kaiser friderichs des ersten/vn sei-  
ner eltern vnnnd geschlechts findestu am  
ersten Capittel. .f.

Von der erwölung vnd chur Barba-  
rosse zu einem Römischen König vnd  
Kaiser Capitulum. .ij.

Von den tugenten/sitten vnd geberde  
vnser kaiser friderichs. .iiij.

Aber von den tugenten des genannten  
vnser kaisers. .iiij.

Von dem erste Reichstag durch Kai-  
ser friderichen gehalten zu Hersburg  
in Sachsen gelegen. v.

Von zwitracht seinner freinde vmb  
das fürstentum Peiern. .vi.

Wer der erst Herzog vö Österreich  
gewesen ist. .viij.

Wie die Pfaltz on leibs erbe abstarb  
vnd ledig ward/vnd einem andern gelei-  
hen vnd übergeben. .viij.

Von den Ehfrawen vnd .v. Kinden  
vnser kaisers. .ix.

Bereitung vnd schickung zu dem Er-  
sten zug in Italien. .x.

Von dem ersten eingang.zug oder rei-  
sen des kaisers in Italien. .xi.

Von dem anfang des kriegs wider die  
von Heilande. .xiij.

Wie die statt Derton ist gewommē vn-  
zerstört worden. .xiiij.

Wie der Bapst den Kaiser grüß vnd  
ihn entpfienge. .xiiij.

Von den Römern/was sie von dem  
Kaiser begert haben. .xv.

Die Krönung K. friderichs. .xvj.

Von einem handel der Römer/der  
sich begab/in der Kröung. .xvij.

Wie vnnnd warumb/die stat Spolet  
von dem kaiser barbarossa ist umbkert  
vnd zerstört worden. .xviij.

Von einem betrugt deren von veron  
od Dietrichsbern/vnserm Kaiser Bar-  
barossa bewisen. .xix.

Wie Albericus der Hauptmann die  
Elaufe einhielt vnd sie kaiser friderich  
darnach gewan. .xx.

Was vnser kaiser volbracht/nach dē  
als er wider heim kam. .xxi.

Von der hochzeit kaiser Barbarosse  
mit frawen Beatrix des hertzogen von  
Burgundien dochter. .xxij.

Wie künig Willhelm von Sicilien in  
Apulien zohe/vnd das land den Griech-  
en abgewan. .xxiiij.

Was der Griechisch kaiser vnderstünd  
zūhandlen mit der lantschafft Apulien  
vnd andern sachen. .xxiiij.

Von des bapsts legaten vnd botschaf-  
ter/wie die übelempfangē wardē. .xxv.

Ein andere red von dem obgeschribē  
handel. .xxvi.

Wie das künigreich Nollen durch Kai-  
ser friderich ward eingenomen. .xxviij.

Von dem ersten künig auß Behem  
durch vnsern kaiser gemacht. .xxviij.

Von dem anhab der zwitracht zwis-  
schen dem bapst vnnnd vnserem kaiser  
Barbarossa. .xxix.

Ein Copey vnnnd abschrift der Epi-  
stel Bapst Adriani/zwischen vnserem  
kaiser friderich. .xxx.



## Das Register.

Auff welchen/brieff vnser Keyser Fri-  
derich/soll also geantwort haben/da liß  
vnd merck auff. xxxi.

Von dem andern zug/vnser Keyser  
Friderichs/inn Italien. xxxij.

Ursach des zugs/warumb er warde  
vnderstanden. xxxliij.

Wie vnd wann der Keyser in das landt  
kommen ist. xxxliij.

Von einer Ritterlichen that vnser  
Keyser Friderichs. xxxv.

Harde belegerung der stat Meiland  
von vnserem Keyser. xxxvj.

Wie sich die stat Meilandt hat ergeb-  
ben vñ wie es ihn ergieng. xxxvij.

Wie d Keyser Meiland hat ein genom-  
men/vnd daselbst ist eingeritten vnd  
entpfangen worden. xxxviii.

Wieder Keyser ein gemeinē landtag  
ließ auß ruffen/vnd da newe Satzung  
machte. xxxix.

Als die lombarder anfiengen wider  
des Keyseres gesatz zu handlen. xl.

Von allerhand sachen/die nach dem  
tag geschehen send. xli.

Von den borschaften/die der Keyser  
ans schickt/durch ganz Italien. xliij.

Von den Meiländern wie sie sich wi-  
der Abwurffen/gegen vnser Keyseres  
borschaften. xliij.

Von der stat Cuma wie sie ist einge-  
nommen worden/vnd die stat Cauda  
behalten ward. xliij.

Wie die Meiländer das schloß Tre-  
tum verbranten vnd gewonen. xlv.

Von alleney hendlen des Keyser vnd  
der stat Meiland/wie sie ihn wolten hon-  
vmb das leben brocht. xlvj.

Wie die von Crema vor dem Keyser  
verklagt werden/vnd die stat Barda  
gewonnen ward. xlvij.

Von der stat Meiland/wie sie ein gü-  
te schlafen entpfangen vnd wie er Cre-  
ma wolt belegen. xlvij.

Von dem volck das der Keyser het/vnd  
wie sie für Crema kommen seind. xlvij.

Von einem gespöt deren vñ Crema  
wider den Keyser gesungen. li.

Wie die stat Crema ist gewonnen wor-  
den vnd demnach gar zerstört. li.

Wie sich die von Crema haben auff-  
geben/vnd wie es ihnen also vnßäglich  
übel ergangen ist. liij.

Von einem bundt vnd Conspiratio  
so wider den Keyser gemacht ward/vnd  
der bapst ihn verbannt/vnd darnach  
starb der bapst an einer fliegen. liij.

Von dem genant en Bapst ein ander  
meinung dan vor. liiij.

Wie zwen Bapst erwölet wurden/vnd  
ein groß scisma vnd zwyung sich  
erhöbere. lv.

Von vnserm Keyser Friderich/wie er  
die zwittracht wolt hinlegen/vnd einen  
Bapst haben. lvj.

Von dem Keyser wie er in den ban ge-  
ton ward/von Bapst Alexandro/den  
er von Rohm verlagt. lvij.

Wie der Keyser wider vñ Rohm kam  
vnd sich mit den Burgern vom Mei-  
land schlug. lvij.

Wie vnser Keyser Friderich aber für  
Meiland zoh. liij.

Wie die stat Meilandt ist gewonnen  
vnd ein genommen worden/zü dem letz-  
ten mal/durch vnser Keyser f. lv.

Von den Meiländern/wie sie seind  
auf getrieben worden/vnd was schant-  
lichen Eyds sie hond müssen schwören  
vnd es ihn so übel ergieng. lvj.

Von den heiligen drey Königen/wie  
sie seind von Meiland gen Köln kommen  
vnd die heiligen zwen gebrüder Sane



# Das Register.

iii

Vernasius vnd Prochasius gen Brei-  
sach geführt seind worden. lxv.

Von zerrüttung vnd zerstörung der  
stat Meyland in grund vñ bodē. lxviij.

Wie der keiser gesiget vnd ein grossen  
triumph hielt in der stat Ticinū. lxviij.

Wie der keiser wider heim zohē in teut-  
sche landt/mit allen seinen fürsten vñnd  
herren vnd friden macht. lxv.

Von der straff wiß hertzog Heinrich  
von Sachsen vnd Peiern. lxvi.

Wie der keiser mit dem künig von f.  
handelt von der Bapst wegen. lxviij.

Wie Bapst Alexander wiß gen Rō-  
kam / vñnd ein Newer bundt gemacht  
ward wider den keiser. lxviij.

Der dritt zug Keiser friderichs / im  
das land Italien. lxix.

Von einer grossen schlacht / die die  
Rōmer verlorē durch die zwen bischöff  
von Meing vnd Cölen. lxix.

Ein ander meinung von der gemelte  
schlacht der zweier Bischoff. lxx.

Wie der keiser für Rohm zohē / vñnd  
den Bapst darauff veriaht. lxxij.

Wie die Rōmer dē keiser die stat auff-  
gaben / vñnd der tod vñnder das solt kam  
das der keiser wiß heim zohē. lxxij.

Von etlichen andern hendlen / die sich  
in mitter zeit begaben mit dem Bapst /  
vñnd den Rōmern. lxxiiij.

Was der keiser geton hat / nach dem  
er wider in teutsch landt kame. lxxv.

Von vil güttären vñnd gots gaben die  
der keiser gestiftet hatt. lxxvi.

Ein newer zūsatz vñnd auflegung der  
gemelten krieg ein wenig anders den hie  
vor stot / vñnd doch fast die selbige mei-  
nung mit den Meilendern vñnd andern

welschen Stetten mer. lxxviij.

Wie der hertzog von Sachsen vñnd  
Peiern / von dem keiser zohē / vñnd wie er  
der keiser ihn darnach so wol zalet mit  
einer billiche straff / als auch vor gesetz  
vñnd anzögt ist. lxxviij.

Wie man vñnd einen friden handelt  
im Italien. lxxix.

Von einer grossen schlacht der Mei-  
länder / wider keiser friderich. lxxx.

Von dē friden zwüschen dem Bapst  
vñ keiser auffgericht. lxxxj.

Wie der keiser wider in Italien zoch  
vñnd sein sun Otto von den Venedigern  
gefangen ward. lxxxij.

Wie der keiser auß dem bañ kam vñnd  
der friden mit dem Bapst beschlossen  
vñnd auffgericht warde. lxxxiiij.

Von der Venediger freyheit vñnd vil  
andern sachen mer. lxxxiiij.

Von einem Concillio das zu Rohm  
gehalten vñnd was darin gehandelt vñnd  
beschlossen ward / vñnd wie der Bapst  
ist gestorben. lxxxv.

Wie dē keiser wider in teutsche landt  
kam / vñnd was er da handler / mit seinen  
kinder iung vñnd alt. lxxxvi.

Wie vnser keisers sun hertzog Hein-  
rich / zu einem Rōmischen künig her-  
wölt ward. lxxxviij.

Von dem Eyd den die wälschen stett  
einem keiser von Rechts wegen zuchū  
schuldig seind. lxxxviij.

Wie der keiser seinem sun hochzeit  
hielt zu Meiland / vñnd er der keiser dar  
nach spazieret Durch ganz Italien  
vñnd wol entpfangē ward. lxxxix.

Von einem Reichstag / zu Nüren-  
bergt gehalten / vñnd was da für ein fri-  
den gemacht ist worden. xc.



## Das Register.

Als der Paps von dem Türckē ließ  
vß gon/was er der Christenheit abzug/  
vnd so vil zū leidt thāt. xci.

Wie sich die Christen Künig aller rü-  
sten den Türcken zū bekriegen/ vnd we-  
re sie waren. xcij.

Wie Keyser Friderich gen Constan-  
tinopel kam/ vnd demnach über meer  
den Soldan kriegt. xciii.

Wie vnser Keyser/ zwo großmächtig  
stett gewan/ Philomeniam vnd Ico-  
nium vnd den Türcken flüchtig macht. xciiii.

Von dem sterben vnd Kleglichen tod  
Keyser Friderichs Barbarossa xcv.

Wie es nach des Keyseris tod ergieng  
mit seinem volck/ vnd allen andern sa-  
chen. xcvi.

Wie die statt Accaron ward gewonē  
vnd Herzog Friderich starb/ vnd die  
Teimchen wider heim kamen. xcviij.

Wer nach Barbarossa Keyser ward/  
vnd wie es da ergieng. xcviij.

Aber von der statt Accaron wie sie  
gewonnen ist worden/ vnd die Türcken  
darauf vertriben. xcix.

Beschluß des diß wercks. von dem ge-  
lobten Land vnd der stat Hierusalem  
vnd filerley sachen. c.

Endt des Registers.

D. Sebastianus Brant.

In libro de Origine Bonorum Regum.

R

Keyser Friderich der erstgenant Barbarossus  
ist ein sollich man gewesen als etlich sagen/ das nach Keyser Karolo/ die welt keinen  
sein gleichen hat gehon. Als man aber vor der stat Alcon lag im Türckeyen/ da  
zohē er mit einem grossen zeug auß Teutschen landē/ durch Hungern Bulgariē  
vnd Thraten/ vnd kam gen Constantinopell/ den ermanet der Griechisch Keyser  
Isaac so er erst möcht/ über das Meer Bosphorum zū faren/ dan er forcht vnd ent-  
saz seinen gewalt. Da gewan Keyser Friderich die stat Philomeniam vñ den Tür-  
cken/ vnd kam gen Iconium/ da verderbt er das gang vmbliend land/ vñ brocht  
alle ding in seinen gewalt. Als er aber sich zū wäschē/ inn ein streng wasser gieng/  
vñ ergründet/ ist er ertruncken/ der Glorwürdig mensch/ eines sundern  
willens vnd hartzens/ zū überkommen dem Römischen reich  
die verlornē land/ da ward sein folck gen Antiochia  
geführt/ vnd einsteils durch frantzheit/ an-  
dersteils durch flucht zerrennet  
vnd gar zerteilet .zc.





# Der Ursprung vnd anfang

Keyser Friderichs des ersten. Auch

seiner eltern vñ loblichen geschlechts.

Altes herkommen. 2c.



**F**ridericus der erst Keyser / des namen genanne  
Barbarossa. Geboren von seinem vatter Friderich dem einögigen / ei  
nem großmechtigen durchleüchtigen Herzogen zu Schwaben. Aber  
von der mütter Judith / die da was ein tochter des schwarzen Herzog  
gen von Beyern / genant Welff. Vnd hienor was herr Friderich 8 alt ein anher  
oder großvatter Barbarosse gewesen / ein Graff vñ freyherz von höhestaffen.  
B Des



## Von dem Keyser

Des heyschafft nit weit gelegen vonn der statt Eimünd in Schwaben. Diser alte her/als er was oberster feldhauptman/Keyser Heinrichs des vierten/wider Herzog Rüdolff von Schwaben/der das regiment des Reichs an sich genommen het/ Darumb das er von etlichen Fürsten/wider Keyser Heinrich/Römischer König erwolt was / vmb des grösten banns willen / so wider den selben Keyser Heinrich von dem Papst was außgegeben. Welchen Herzogen Rüdolffen / zü letst doch Keyser Heinrich/hett mit streit überwunden bey Mörspurg in Sachsen gelegen. Da er das kriegsvolck/alles so er vermocht/het zu samē berufft/mit grosser mühe vnd arbeit. Darumb als Herzog Rüdolff daselbe/on leibes vnd mannes erben/erschlagen was. Da gab Keyser Heinrich dem genannten anherzen/Bratt Friderich dem eltern/das Herzogthumb Schwaben/vñ sagt oder macht ihn da durch das lehen. den ersten Herzogen in Schwaben/ des geschlechtes vnd stammens vñ Hohenstauffen. In dem iar des herren M. CCCvj. in dem Xxviii.

Welches alten anherzen treiw vnd glauben/tugend vnd erberkeit/ bey dem selben Keyser Heinrich/so groß was vnd hoch geachtet / das er ihm auch sein eigen dochter Agnes/darnach zü einem gemahel gab. Auß welcher er geboren hatt den genannten Herzog Friderich den einögigen/den vatter Barbarosse/vnd Cunraten seinen brüder. Darnach Keyser Heinrich das reich besasse. 2c.

## Von der erwölung vnd chur Barbarosse zü einem Keyser vnd Römischen König.

Das. ij. Capitel.

**D**arnach in dem iar des herren M. C. Liii. ward Herzog Friderich der jung/der darnach Barbarossa genant was/vnd ein Herzog von Schwaben. Keyser Cunraten des dritten brüders sun. Nach dem tod vnd abgang des genannten herren Cunraten/mit aller Fürsten willen/einheiliger Chur vnd wal/von den sibē Churfürsten des heiligen Römischen Reichs. Auß den Reichstag zü Frankfurc gehalten/gemeinlich zü Römischen König vnd Keyser erwolt vnd gekiehet. In dem zweyunddreissigsten iar seines alters.

Der ein vnd nünzigest/nach dem Keyser Augusto/das Reich empfabende. Regiert allda ein wenig minder dann vierzig iar. Vnd darnach als er der Fürsten treiw vnd eyd empfieng/ward er zü Ach/mit Königlichē würdigkeit gekrōnet vnd begabt. Dann als er zü dem Römischen König erwolt was/da zohē er als bald gen Ach/vnd nach gewonheit vnd altem loblichem herkommen vnd satzung der guldin bullen/empfieng er die Königlichē kron / dahin dann kommen waren gar schier aller teütscher Adel/mit etlichen Italiern vnd frantzosen / zübezeiten/was grossen hoffnung gannz Europa / von einem solichen jüngling empfangen hat/vnd wes sie sich trösten vnd zü ihm verschan.

## Von den tugenden/sitten vnd geberden Keyser Friderichs.

Das



**W**z rechter erbarer lenge vnd vermist sein gestalt  
des leibes vñ angesichtes mit dē gemüt vñ herze/erzögt vñd gab da für/  
ein angeborne steiffheit/der jaren seiner jugent. Also vnbeuweglich vñd  
ernsthafft was er/mit rotē har vñ rotem barr /darumb er dan Barba-  
rossa das ist der rotberdig Keyser genant ward hernach. von seinen feinden.

Aber was gaben des gemüts vñd glücks /er von Gott gehept hatt / nach der  
glaubhafften historien schreiber gschriffen/mag man wol erkennen von dem Po-  
eten Ligurino/dann also schreibet er von jm.

Mitt adel ist er wol begabt.

Von hochem blüt hat er gehabt.

Die Künig vnd die fürsten reich.

Zu elteren vnd vränen gleich.

Mit süßem gspräch vñ schöner gstat.

Weisem gemüt/vnd stettē gewalt.

Unteräger handt mit klügem rat.

Im krieg ein helt mit aller that.

Im freiden mäßig vnd tugemthafft.

Also was er mit aller krafft.

Von jaren iung/jm hertzen alt.

Fürsichtig weiß wie es gefalt.

Rechte lieb vñd starcker glaub.

Steiffheit des gemüts on allē raub

In bösem vnbeuweglich gar.

Mit zu erheben von der schar.

So es jm schon glücklich ergieng.

Nichts böses er da anfieng.

Des lobes was er begirig vast.

Die reichthumb teilt er auß on rast

Den bösen wz er grausam gnüg.

Den frummen milt vnd ganze rüg

Den hoch fertige schwer vñ vngesēpt

Zu vergebenleicht gar vnbehempt.

Den gerechte güt/den schelcken gram

War starck imzūfal gegen scham.

Das künfftige weiß/vnd wolbedocht

Das vergangne indenc wie er möcht

Der gütten gesell/der bösen feind.

In allen dingen gar geschwind.

Vnd hiebei magstdu wol mercken.

Was er für ein mensch sey gewesen

Als auch hienach weiter von jm

würt gescriben.

Das. iij. Capitel.

B ij

Aber



# Von dem Keyser Aber von den tugenten des genanten keisers

## Das. liij. Capitel.

**D**isen lobliche Fürsten hat gemein teütsch land zu einem beschirmer vñ vatter des vatterlands überkommen. In welchem etlich schreiber gedechtniß/die riliche handt gottes/ als ein hauffen aller gnaden vnd güttheit/ sich pflegt nicht wenig zu verwirdern. Dañ er was als Desprungensis spricht/ein man strenger wasfen/hohes gemütes/des krieges erfahren/starckes leibs/fürsichtigs rats/in volstreckung der geschefte/manlich/züsprechig/senfftmutig/den hoffertigen widerstendig subreiler vernunft/hoch groß verstants/fürtefflicher gedächtniß. Dañ welcher menschen angesicht oder person er cynist erkant oder sahe/die selben er auch nach langer verlauffner zeit/so sie wider zu im kamen erkant / vnd als bald grüßet er die mit namen/gleich wie ein anderer Demosthenes/vñ als ob sie täglich bey im gewonet hetten. Er was auch mitelmessiger statut doch mer lengin dañ kurzer voller brust/gar eines schönen angesichts rots barts vñd hares als gesagt ist/ Disem Keyser Friderich/ist vast das reich worden/darumb das Herzog Wolff seiner mütter brüder/vnd ander Fürsten der Teütschen nation/ihm zugehörten an der nechsten linien der sibschafft. Darumb auch in erliche/mer von schickung vñd ordnung seines vatters brüder Keiser Conraten/weder auß wal vnd chur der Fürsten/sprechen das reich vnd regiment empfangen haben. &c.

## Von dem ersten Reichstag durch Keiser Friderich zu Merßburg gehalten.

### Das. v. Capitel.

**K**eiser Friderich /nach dem empfangnen krö zu ach hat er ein gemeinen hoff auß gerufft zu Merßburg in Saven gelegen daselbst. Dañ auch der König von Denmarck genant Petrus die Künigliche kron von des Keyfers henden empfieng /der hatt da manschafft/treu vnd glauben gelobt vnd geschworen. Dann als Herzog Guido vñ Petrus/zanckten vñd z Künigreich von Denmarck/da satze er in disen reichstag zu Merßburg/vñ berufft sie beide für die stende des heiligen reichs. Welche er auch Allda einseilig macht vñ fridsam. Also das Herzog Guido/dz Fürstenthumb von dem Keiser empfieng zulehen mit dem baner. Vñ Künig Petrus dz Künigreich/mit dem schwert. Darnach in dem Brachmonat/fürren die Fürsten alle/wider zu iren landen. Zu der selben zeit zanckten auch ir zwē vñd das erzbistumb von Magdenburg/vñ da sie sich des nit mochtē vertragen in einseilikeit/da macht vnd satze er bald ein dritten Bischoff/wider sie beide /namlich Vintianum seinen cantzler. Dann ein soliche freiseit was Keiser Heinrich dē fierden von dem Papsst gegeben/das/wa zwen vñd ein bistumb zanckten /die der Keiser nicht mocht vertragen noch eins machen. So wer im zugelassen /eintwē einen auß inen/oder einen dritman zuerwölen/vnd den dem Papsst über antwortē vñd anzögen. Also geschach auch hie.

Don



# Barbarossa

## Vō zwitracht seiner freünd vmb̄s fürstenthūb̄ Beiern.

Das. vj. Capitel.

**E**swas auch dazmal ein grosse zwitracht/zwischen Herzog Heinrich von Saven dē jüngern vñ hofferligen/des scharzen Herzogen Heinrich vō Beiern sun vñ welffen seinē brūd etw̄s teils. Vñ zwischē heren Heinrich Jochsamer got Sant Lūpols sun/Marggraffen zū Ostereich and teils vmb̄ das fürstenthūb̄ Beiern zanc̄tē/dan̄enhar dē Keyser groß äḡstbarkeit erwuchs vñ entstunde/dan̄ sie warē beyd sein aller nechsten freünd. Dan̄ frauw Agnes Keiser Heinrichs des fierdē dochter/die da w̄z ein gmāel des altē graff Friderichs von hohenstauffen vn̄sers Keyser̄s Barbarossa grōsuatter vñ ersten Herzogen von schwabē des geschlechts/als ob gesagt ist. Als nun jr gemahel graff Friderich gestorbē was / vermāhelte sie sich da. S. Lūpolden/dem Marggraffen von Ostereich/von welchē sie vñd̄ andn. xvij̄ kindē geboren hat. Bischoff Otten von Freisingen vñd̄ Heinrich Jochsamer got von Ostereich seinē brüder d̄ die vätterliche land besaß/nach dem todt aller andn̄ k̄inden. Welchē der genant Herzog Heinrich vō Saven d̄ jünger vñ hofferliger anfach̄t vñ bekriegt/d̄ gestalt/als ob d̄z Herzogthūb̄ Beiern im zū stünde. Darumb d̄ sach wille/wurden zwischen dem genantē fürsten/vil rodt̄schleg volbracht vñ ganz Teītsch land bekümmert vñ betrieber/des kriegs vsach was. Als Keiser conrat d̄ da w̄z ein brūd̄des vat. barbarossa/zū rōmischē k̄ünig erwōlt w̄z / da w̄i d̄ stund im d̄ schwarz Herzog von Beirn d̄ elter. Darñb̄ so beraub̄t vñ ensatz̄t in Keiser Conrat des Herzogthumb̄s Beiern/vñ gab d̄z Herz Lūpoldē dē jūngern. Marggraff Lūpols des heiligen von Ostereichs sun/ d̄ mütter halb allein sein brūd̄ was. Aber er starb gar bald darnach / vñ verließ d̄z Fürstenthumb̄ Beiern seinē brūd̄ heinrich Jochsamer got/Dan̄enhar ist entsprūgē die auffrūr vñ d̄ groß vnwillē/dan̄ die k̄ind vermeinten jres vatters nit entgeltē/vñ wolten das erb vñ vatterland wiß habē/es wer gnūg an dē vatter gestrafft. Solichē zwitracht zū stillē/ward im nachgondē jar des herzē. m. c. lv. ein grōsser reichstag zū Regenspurg vffgesetzt/durch dē Keiser Barbarossa. Es w̄z aber Herzog Heinrich d̄ jünger vñ hofferliger/vn̄sers Keiser̄s Friderichs Barbarossa vatter. Darumb das sein vater d̄ schwarz Her Heinrich vō Beiern/w̄z ein brūd̄ frauw Judith/d̄ mütter Barbarosse/vō dē welffen vñ graffen von Alroiff hartkōmende/die da gestift̄t habē d̄z Closter Steingadē vñ Weingarten bey Raunspurg gelegen/da dan̄ ihr grebn̄iſſ w̄z. Aber Marggraff Heinrich Jochsamer got/w̄z dem Keiser Barbarossa auch verwāt gar naſe/in grōsser sipp̄schaft des blūtz/dan̄ er w̄z ein sun. S. Lūpoldē seins stieffvatters vō Ostereich. Deshalb er gar fast begert/jr beydein̄ heligvñ fridē zwischē jnen. Aber vil schreiber d̄ historien/wōllē Marggraff Heinrich Jochsamer got/nit sey ein sun. s. Lūpols vō Ostereich/sund̄ sein brūd̄ got weiß Es sey wie es wōll/so find̄ ich doch/das er sein dritter sun gewesen ist / d̄esgleichen schreiben jr vil/d̄z nit Herzog Heinrich d̄ jünger vō Saven/aber sein vatter herzog Heinrich d̄ elter / genāt d̄ schwarz Herzog vō Beiern vñ sein brūd̄ Welf mit marggraff Heinrich Jochsamer got / gekriegt habē d̄z doch falsch ist/d̄z clarlich schein̄ er. Wer es recht ab merck̄t/vñ d̄ jrt̄humb̄/kōmpt vō den vil mā̄ḡfaltē Heinrichen beid̄ seits/da sich die namē vnder eināder vermischen/vñ niemād wol daruſ mag.

Wer der erst Herzog von Ostereich gewesen ist.

Das. vij. Capitel.

B iij

Aber



## Von dem Keiser

**A**ber vnser Keyser Friderich Barbarossa mochte sie nicht eins machen/ jr zwittracht hinemen vnd niderlegen/ dan allein nach vil hendlen des fridens/ vnnnd langen tagen an dem elfften tag zu Regenspurg gehalten. Da sprach Keiser Friderich den friden vß zwischen jnen/mit rhat der Fürsten/ diser weiß/vñ stiller den krieg also/das Herzog Heinrich der jünger von Saven/wider anem das hertzogthum Beyern/dz auch vor sein vatter vnd großvatter geßet haben wiewol einzeitlang beraubt od entsetzt/als gesagt ist. Aber herz heinrich Jochsamer Gott von Ostereich als er vor der empfangung des hertzogthums/allein ein Marggraff genant was/solt hinfür in der Fürsten zal gesetzt werden. Welche würdigkeiten vnd güthet/ Keiser Friderich als bald jnen beiden verleihen vnd geben hat. Vnd also ist Herz Heinrich Jochsamer Gott/vß einem Marggraffen/der erst Herzog von Ostereich gemacht worden/durch vnsern Keiser Barbarossa. Welcher Marggraff Heinrich also dz Fürstenthumb Beiern/diser weiß hatt auff geben mitt siblen panern/deren fünff vnser Keiser Friderich/hat gegeben dem genanten Herzog Heinrich von Saxe dem jungen/vñ die andern zwey paner/hat er geben widerumb/Herzog Heinrich Jochsamer Gott vnd Ostereich vorgenant von dem hauß von Ostereich zu theilte/vß das es deßter grösser würde/vñ das auch der her von Saven indeneck were/der straff seiner elteren vnnnd vmb der sach willen/hatt er auß der Marggraffschafft Ostereich/ein Hertzogthumb gemacht. Deshalb so ist Marggraff Heinrich Jochsamer Gott/der erst hertzog vß Ostereich worden in dē jar des herren. M. C. lviij. Vnd also ist friden gemacht vnd die zwittracht nider gelegt/der krieg geendet vnd beschlossen/die groß waren vnd fürtrefflich/in teütschen landen wiewol vor lang oft vnnnd dick/in vil anderen tagen/versucht vnd angefangen als zu Würzburg Wormbs/Strassburg/Regenspurg/Speyr Voslar. Aber alles vmb sunst vñ vergebens dann da erschein diser nicht/da der ander/yezt aber erst/seindt sie dem Keyser gehorsam gewesen/wan sie herten gnüg mit einander geschimpffet. Aber Herzog welffen der ein brüder was der mütter Barbarossesraw Judithen/vnd ein brüder des Schwarzen Herzogen von Beiern gab Keyser Friderich/zü gür die Marggraffschafft in Tuscia/vnnnd das Hertzogthumb Spoleti/das Fürstenthumb Sardinie/vnd das ganz land der Bräffin Wechtildis/als hernach weiter beschriben würt auff das er sein hulde deßter vollkommenlicher erlanget/vnnnd jns auch etwas würde von seiner ansprach wegen. 2c.

## Wie die pfaltz on leibs erben abstarb vnd ledig ward/vnd einem andern geleißen.

### Das. viij. Capitel.

**E**s Hett auch der genant vnser Keiser Friderich Barbarossa/nach ein stieff brüder welcher sein brüder was/allein vatters halb/dā sein vater/als frawe Juditha die mütter Babarosse gestorben was/namim er ein andere frawe/von dem geschlecht der Braffen von Zweien brücken vñ Sarburg genant vß deren er geboren hat graff Conraten Darumb als diser zeit auch mit todt abgieng/Herzog Hermann/Pfalzgraff bey Rhein on leibs erbenm.

Da



## Barbarossa

r

Da gab vñ verleihe vnser Keiser Friderich die pfaltz/ seinem stieffbrüder Conra-  
ten. Als hernach stot in dem. xxj. capitel. Bar Klarichen vñnd vmb ander vsach  
willen/weder durch mangel des blütz. Welcher graff Conrat darnach biß zu end  
seines lebens zu Heidelberg seinen siz hielt/ ward aldo Pfaltzgraff bey Rhein ge-  
macht. Welcher dan auch die probstey des closters zu Neuwenburg bey Heydel-  
berg gelegen/ther verwandlen iñ ein frauen closter/ doch mit verwilligung des  
Abts von dem gotzhaus Loich/dem es mitt allem rechten zu gehört. Dis haben  
wir so vil weiter geschriben vff das künlich würd/wie die edlen vñnd durchleuchten  
Fürsten Teütscher nation/in der nechsten linien der sipschafft/vnserm Keiser Fri-  
derich/so nahen verwandt waren vñnd zu gehörten der auch fast gloriert/das er  
von dem Küniglichen stamen/deren von Waiblingen geboren wer/die als künlich  
ist vñnd offenbar/das sie von zweyfaltigen Küniglichen stämmen herkommen seind/  
als der Clodouier vñ Karolam/wie man dan liser in der Franzosen Cronica.

## Von den E frauen vñnd ieden kinden vnser Keisers Barbarossa.

Das. ix. Capitel.

**E** Shattim auch hienach selbs vermäheler vnser Kei-  
ser Friderich zu einem weib/diser zeit/frau Alhala/ein dochter Marg-  
graff diepolts vñ vogsparg/mit derē er dochnit volbracht noch beschlos-  
sen hat dē Eliche öffentliche kirchgang/darumb das sie ihm also nahe  
verwandt was. Desßhalben dan mit geistlichen rechten/zwischen beiden  
partzeien. Andem gericht oß versamlung so darumb zu Costantz was/  
die scheidung volbracht ist/vñnd als vsprungens so schreibt/das plurs halben allein  
das ein jrung was vñnd hindernus der Ee. Darumb als sie an dem gericht ge-  
scheiden waren/da vermäheler sich dar nach frau Alhala herren Dietzen/graf-  
fen von Rauenspurg. Aber kurtz darnach/da nam der Keiser Barbarossa/die  
dochter herren Reinalts/des edlen graffen von Burgundi/herren zu bisanz/einen  
fürtreffliche mächtigen graffen/welche genant ward frau Beatrix/oder als et-  
lich wollen Agnes /die einnige dochter was ires herren/vñnd ein erb aller seiner  
güter vñnd landtschafften. Von deren Keiser Barbarossa/geboren vñnd überkome-  
men hat fünf sün/die alle ein güt alter erlangt haben. Als Keiser Heinrich den  
sechstendes namens/der nach dem todt Barbarossa seines vatters/erwölet ward  
vñnd darnach Philippum auch Römisen künig. Item Conraten Herzogen zu  
franken. Friderich Herzogen auß Schwaben/der in belegerung der statt Ace-  
oder Accaron vñnd kommen ist/als hernach gesetzt würt an dem end dis Büchs/  
vñnd Otto graff zu Bisanz vñnd Burgundien. Er hatt auch gehabt ein dochter/  
genant frau Beatrix. Eprissin zu Quintelburg. Noch hatt er fier andere sün  
gehept/in der jugent abgestorben mit namen Reinalt/Wilhelm/vñ. ij. Friderich.  
Darnach als nū sein schweßer mit tod abgieng/da bracht vnser Keiser Friderich  
das land Burgundien/mit der hauptstatt Arelaten/in seinē gewalt/als hernach  
volget. Von welcher mechtigen reichen Gesteir/als man vns saget/fünff tausent  
reißiger künig /reglich seinem gewalt sich ergeben vñnd vnderwerffen. Ihm zu  
hoffreitende/von den Edlen herren allen/er allein hett zu gebieten/von dem land  
Burgundien.

Bers

B iij



Von dem Keyser  
Bereitung vnd schickung zu dem ersten zug  
in Italien.

Das .v. Capitel.

**D**arnach machte Barbarossa güten friden inn  
Franchreich vnd allen teütschen landen/in den ersten dreien jaren sei-  
nes regiments/nach der Erönung/mitt vil reichtragen als gesagt ist/  
an manchem end darumb baldende/die Fürsten züberüffende. Da-  
hüt dann auch vil edlen/auß Apulien/vnd Calabrien oft hin kamē/  
vnd nahin ritten/sich beklagende/wie sie von irem vatterland vertiben werent.  
Durch Rogerium den König von Sicilien/vnnd das vil irer freünd durch  
gefenckniß vnd mit dem schwert ertödet werent. Darumb so rüfften sie  
an die hilff des Keisers. Vnnd alda ward beschlossen/das nach zweien ja-  
ren/der Keyser/mit den stenden des heiligen reichs/solte in Italiam  
kommen vnd zu Rom/nach alter loblicher gewonheit gekrönet  
werden/vnd dann die Tiraney Rogory abstellen vnnd niederleg-  
en. Dann als er von der auslegung seines namens Friderich  
dz ist reich in fridē genant woz/da fleisse er sich vnder allen  
Teütschen Fürsten vorab aber aller meist/den friden  
alwegen zümachen vñ renewern/vff das er zuletzt  
auch zu bestriten dē gewalt d̄ welschen Italisch  
en ster vñ völker/möchte defter mächtiger  
vñ krefftiger anhangen/in wider ston  
vnd obligen als not was/vnnd  
du wol hernach solt ver-  
nehmen.



Hienach volget nun von dem elfften capitel.

Von dem ersten eingang vnd  
züg oder reisen vnfers Keisers Fri-  
derichs Barbarossa in  
Italien.

Das .vj. Capitel.

Nie



Wie der keiser erstmals in das welsch land zoch.



**D**arumb als die zwitracht all inn Teütschem landen waren hingenommen vnd nider geleyet/vnd die sachen oder hendel des reichs verordnet/vnd alle ding befridet vnd gestillet. Da sieng er an für sich zu nemmen den zug in Italien/vff das er auch da selbst die grossen vff rüre stiller. Vnd nach der alten gewonheit die Keiserliche kron/in dem Römischen kirchen/wol loblich empfieng vnd annemmen/die da zumal regiert bapst Adrianus der fiend. Im jar des Herren. M. C. liii. Darumb als im Römischen reich allenthalben alle ding geschickt vnd verordnet waren zu gutem frieden/da bracht vnser Keyser Friderich ein grosses volck vnd rüstung zusamen/vnd zohe in Italien allermeyst vmb der vsachen willen dan durch langes abwesen eines Keyseris/warē sy in hoffart kumen/vn in übermüt gefallē/verliessen sich da auff yhren gewalt vnd grosse macht/siengen also an ym widerstreben/Welche sache zuwenden vn zuuolbringe/zohe diser vnser großmechtiger Keyser erwan dick mit höres krafft fast wol gerüst inn Italia/welche er mit seinē überzug gezämet hat vn vnd sich bracht zuletzt mit grossen triuph vn lobwürdigkeyt/also dz er nit vnbillich gnät mag werdē d̄ hamer Italie od der schlegel welsches lands. Darff die Italier gspöche habē/dz sein namen Friderich wer d̄ sache vngleich/vn seinē hēdlen widerwertig/vn er siel weit vō seinē namen. Dan als er gemeinlich Fridericus genät würdt/so mā dz zu latein bringe/auf dē teütschē/heisset als vil als einer Reich ist an fridē/aber er wer kriegsreich vn dz fridē vnledig so hat er zugsagt dz sielt



## Barbarossa

hielt man von im gar für ein grossen eyd vñnd das steiff gehalten ward/mit dem bart/hat er vil grosser stett vñnd kerer / vñnd die ganz zerstöret vñnd verbrochen Darumb als er mit dem ersten zug in Italam zoge/mit den fürsten des reichs Da was hertzog Berthold von züringen der fenrich/ des vatter der freyburg im Bryßgaw gebawen hatt. Vñnd oberster feldthauptmann / was der streng hertzgraff Otto von wittelspach der pfaltzgraff inn Beyern gesetzt ward. Von welchem die pfaltzgraffen bey rhein vñnd hertzogen von Belern alle / vff den heütigen tag regierende/hat kommen seind vñnd geboren/oder iren nammen haben.

### Von anfang des kriegs wider die Meylender

Das. xij. Capitel.

**N**ach dem eingang des künigs Barbarosse in Italam warent die Meylender die ersten die von im begerten/dz der künig / in zü ließ vñnd gebe/gewalt vñnd oberkeit/über die stett vñnd herschafft Cumam vñ Laudam. Verhiessen im deshalb vil gelts zü geben. Aber als sye solliches/weder durch bitt nach mitt gelt mochten erlangen vñnd erwerben da fürten sie die künigliche Maiestat dreitag in der wüste vñnd einöde wilsloß vñnd bis das er doch zületzt/wider ire willen/gen Meyland kam mit höres krafft alles seines volcks/vñnd satz od schlug daselbst sein leger stat od wagenburg gar schier ein teitsche meil wegs von d stat Vñnd als sie daselbst dem kriegsuolck den marckt vñ zügang der brosiandt od narung abschlugent vñ verhietten. Da gebot d künig/das edel schloß Rosat bey Weiland gelegen/das .ccc c c. gewapnetter kriegsman in im her zü einer beschirmung/das man es solt einemen/vñ verbrenen. Des gleichen so lieffen seine diener vñ kriegsleit bis zü d porten d statt Weiland vñ wüden da vil vñ fiengē vil vñ also beidsēits allenthalbē/mancherley zwittracht vñ misshel sich erhübē vñnd entsprungē. Da kam des künigs zeug od volck/über das wasser gen Ticinū/gegen Maueria gelegen vñ besaß od nam daselbs in zwo brucken über dz wasser / mit gewalt/die sie vor herten besetzer. Welche er beide/nach überzug seines volcks vñnd des gantzen höres/ließ zerbrechen vñ zerstören. Darnach keret er vñnd drey schloß die ir warent/mit namen. Winiam. Baylardam vñ Trecam. Dañ als die Meyländer die mächtigsten vñ gewaltigsten waren wiß den keiser / da brachtē sie zü samen gar ein grosses volck/wiß vnsern Keyser Fridrich Barbarossa / welcher da ir hoffart vñ übermüt wolte zemen vñ mindē / zerstöret vñ zerbrach deshalb inn ganz Lombardien vil schloß vñ welche die stercksten waren die ob genantē. Vñnd als die geburt vnsern herren/das ist die Weinachten begangen waren/ da zugen sie durch Verzel vñ Laurin/über dz wasser Padum. Darnach da gewunnen vñ zerbrachen sie den grossen flecken vñ marckt genant Cayrum od Kayra/vñ die stat Als verbranten sie/mit dem feuer.

Wie die statt Dertona von Barbarossa gewunnen vñnd zerstöret ist worden.

Das. xliij. Capitel.

Darnach



**S**Arnach die stat Derdonam vō natur vñ kunst schier vnüberwindlich vnd noch vil künlicher zugewiesen/ haben sie die belegert/ vnd nach dreien tagen/ als die burg daselbs eingenomen was/ vnd nach vil stürm/ anlauff vnd todschleg hin vnd her bey derseits vollbracht/ da namen sie das Schloß auff/ das sich ergabe/ vnd zerbrachen die stat. Darumb mit grosser mühe vnd arbeit/ überwand er da die stat Derdonam/ die gar güt gefellig vnd gemein was/ mit den von Heyland. Zerstört da den schönen stolzen thurn/ den man sagt/ von dem sitenden Römischen König Tarquinio dem hochfertigen/ gebawen vnd auffgericht. Vnd als etlich sagen/ so hat sich das Schloß Derdone selbs willigklich auffgeben/ das sie auch von grund auff zerbrochen vnd zerrissen oder zerstört haben/ vnd der stat mauren vmbgeworffen/ vnd alles güt so darin was/ zu einer beüt geben/ dasselbig zu rauben vnd nehmen.

Aber Bispringensis schreibt also. In dem zug von Heyland fand der Keyser die vō Derdon ihm widerwertig. Welches Derdon ist gar ein grosser fleck in Lombardien/ durch welchen die Heyländer iren weg hetten gen Venaw. Vnd darumb so wollen sie/ das inen diß ort/ sey gleich als ein port des grossen mēres. Vnd das griff der Keyser im fürzug an/ vnd erobert es/ vnd macht es gleich der erden/ also das inen der Heyländer hilff nicht mocht erschiesen noch nützlich sein/ auff die sie fast gehofft hetten vnd gebocht. Aber die von Pasz/ auff das sie dem Keyser herrlich triumph machen/ haben sie sein Maiestat in ihr stat geladen/ vnd daselbst ist er gekrönt worden/ als gewonheit ist/ in grossen fröwen vnd mit grossem dienst d stat/ hat da gewonet dreÿ tag. Vnd darnach ist er fürgefahren/ vnd hat von andern stetten Italie empfangen vnd eingenomen/ was sie der Camern vnd fiscal des Reichs zuthun pflichtig vnd schuldig waren/ von steur vnd jährlich hinderlegten tributen.

Wie der Bapst den Keyser grüßet vnd empfalet.

Das xliij. Capitel.

**D**Arnach schlechts wegs vnd stracks fuß ist der Keyser durch Lombardy/ Alomany vñ Tusciam komen biß gen Sorera/ da ihm dan der Bapst Adrianus/ mit allen verwandten der heiligen Römischen kirchen/ frölichen entgegen ist komen. Wiewol etlich schreiben/ das er ihm biß gen Viterbi sey begegnet/ welcher Bapst ihm väterlich erboten hat die krönung/ weihung/ vñ bestetigung des Keyserthümb/ hat daselbst nicht on schwere grosse klag erzelt vnd anzeigt/ seine beschwerden vnd überlast/ so er von dem Römischen volck vnd Römern erlitten hat. Darzu ihm vil geklagt vnd gesagt/ von Bischoff Arnolt von Vuyen dem Keyser/ der die Römer vnderstünd zubringen vnd führen in ihr erste alte freÿheit/ das allein sie freÿen vollkommenlichen gewalt hetten/ die stat Rom zuregieren vnd besetzen/ vñ zu erwölen die Burgermeister vnd obersten regenten/ nach ire gefallē od willen. Also hat der bischoff Arnolt sie wiß den Bapst vñ Keyser zuthun gehertziger vñ gesterckt. Welcher bischoff Arnolt/ vorhin einest vō bapst Eugenio/ od als andere sagen/ vō Innocencio vertribē vñ verdampt vñ etlich artickel vñ irrungen so er hielte/ hat also vñ dem bapst Adriano widerumb angefangen/ das alt giff auffseñ. Welchen dan vnser K. Friderich nach gegeben vñ theil



## Von dem Keyser

verheil der geistlichen verbrant hat/ vnd seine aschen in die Tiber geworffen. Vnd also seind sie teglich mit einander gangen vnd bey einander gewont / vnd süsse gesprech gehalten/ frölichen biß gen Rom kommen.

## Von den Römern was sie von dem Keyser begeret haben. Das xv. Capitel.

**D**ie Römer seind demnach nicht weit von Rom dem Keyser bekommen vnd entgegen geritten/ den sie mit grossen hohen worten empfangen haben. Aber sie begerten/ das er inen zusagte vnd schwüre/ wie er das erhalten wolt / die alten freyheiten der statt Rom/ vnd sie darbey lassen bleiben/ vnd das er sie wolt beschirmen vor iren feinden/ vñ das er dem Römischen volck vil gelts wolt geben/ das sie ihm triumph machen. Des seind sie mit grossem vnwillen abtriben vnd in groß vngnad komen/ darumb das der Keyser vnbillich achtet/ das die vnderthonen solten von ihm ein eyd begeren oder fordern/ das einig wort vnd zusagen/ vast gnüg were/ das er inen geloben oder versprechen solt gelt zugeben/ was er nicht willig/ als ob er komen wer/ die Kron zu auffen. Welche doch d teütschen tugent/ krafft vñ macht/ mit dem schwert vnd blüt/ langest erobert vnd erlangt hat. Darumb so het er ein ratschlag mit dem Papsst gemacht also/ das der Keyser solt vorhin schicken gen Rom Bratt Oetben Pfaltzgrauen von Wittelspach/ mit viertausent zü roß vñnd füß/ dem dann Octauius des Papssts stathalter/ das schloß der engelburg auffhet/ vñ also nam er ein mit gewalt vnd auß rat des Papssts/ die grausam stat Rom. Welchem Herzog Otthen/ der Papsst vnd der Keyser/ auff dem füß also bald nachuolgten mit höres krafft. Ward also mit verwilligung aller geistlichen mit d Keyserlichen Kron gekrönt/ vnd empfing den seggen vñnd die weisung/ in dem vierden jar/ nach dem vnd er was außzogen von teütschen landen in massen wie hernach stat.

## Die krönung vnser Keyser Friderichs. Das xvij. Capitel.

**A**dem anndern tag nach dem einreiten / der da was der xxvij. des Monats Junij / da begab der Papsst Adrianus in sant Peters müenster/ vnsern Keyser Friderich / mit Keyserlicher Kronen/ dan als das ampt der heiligen Mess / würdiglich vñnd loblich durch den Papsst volbracht was/ da empfing vnser Keyser/ die kostlich edel Kron vor Samt Peters altar/ mit grosser fröyden vñnd frolocken aller stehenden des heiligen Reichs/ geistlichen vnd weltlichen Fürsten vnd herren. Wie herrlich/ zierlich/ vñnd mit was grossen pomp vñnd bracht/ sollichs ist zügangen/ mag ein yeder selbs wol ermessen/ bey einer vil mindern sache/ als einer hochzeit eines grossen Herren. Wer ist nun grösser aufferden in aller Christenheit/ dan vnser heiliger vatter der Papsst vñnd der lobwürdig Keyser / denen billich von göttlichem beuelch/ menglich sol vnderthenig gehorsam sein. .c.

## Von einem handel der Römer / der sich begab in der krönung des Keyfers.

Das xvij. Capitel.

Aber



**A**ber des keisers volck / het sich nidergelassen vnn  
gelegeret für Rhom / inn dem feld / inn wisen vnn matten / genant  
Pratum Neronianum / von Keyser Nero also geheissen daselbst sich  
erhebt hat / ein auffrühr / von den burgern der statt / wider vnsern Keyser  
friderich. Dann die Römer waren des gütten fridens der zweier obersten heup  
ter vngedultig / vnn mochten das nicht wol leiden / vnn bewegten ein aufflauff  
brachen damit gewalt auß / durch die port Adriani / mitt aller ihrer burger schafft  
der statt Rhom / vnn wider des Papssts wissen vnd willen / griffen sie die teütsche  
an / mit gewerter hand / des sie nit warnamen noch sich versahent / od den Römern  
solliche vertrauerten / welche da die bruck einmament. Harwiderumb wurden die  
Keyserischen Kriegsleut / von dem Keyser / als man das innen ward / als bald erma  
net vnn gehertztet oder gestercket brachten der Rhömer wol mer dann tausent  
vmb / die sie erschlugen / das vil von den obern der stat niderlagen / vnn auff dem  
platz todt bliben / die andern wurden verlagt / vnn jr drey hundert gefangen.  
Welche doch vnser Keyser friderich / von grosser bitt wegen des Papssts / hat frey  
ledig gelassen on einicherley straff oder schatzung / das er doch billich het mögen  
thün. Als es nun morgen tag ward / da kam der Papsst vñ der Keyser züsamen /  
zü Sant Johan lateran. Da er dann alle ding in seinen gewalt bracht. Vnd da  
gnadet der Keyser dem Papsst bey der statt Alba. Vnd ließ Sicilien diser zeit rü  
wen / vnd eilet wider inn Teütsche land zü kommen. Inn dem jar des Herzen  
M. C. lvj. als ich acht vngesährlich.

Dann als der Keyser die kron het erlangt vnn empfangen / sagt er im für wi  
der inn sein vatterland zü keren / dann er was eben lang auß gewesen vnn het vil  
erlitten mit Kriegen / vnd aber als er durch Tusciam vnd Florenz zohe im Aug  
sten / da kam die pestilenz vnn der sterbent vnder sein volck / das dan die gröste vr  
sach was seines wider kerens inn Teütsche land. Wiewol er die Römer jr verdien  
ten straff halb / noch nicht bezahlt het / das er inn künfftigem / zühin / doch behal  
ten het / inn tieffem Herzen verborgen vnd begraben. 2c.

**Wie vnn warumb die statt Spoletum von vnse  
rem Keyser Barbarossa ist vmb köret worden inn  
der heimsart von Rhom.**

Das xvliij. Capitel

**E**s nun in dem widerkeren auß Rhom der keyser  
von denen von Spoler hatt die tribut vnn schazgelt erfordert / als  
gewonheit ist des Keyser durch Italien / zü thünde / namlich daselbs  
acht hundert pfund oder marck golds. Da betrogen sie den keyser mit  
falscher münz. Darzü Guido den Brauen von Buerra / den der Keyser zü den  
stetten im Apulien geschickt het / da er wider köret vnn zü jnen kam / sich nichts ar  
ges gegen im verseyende / handt sie jhnn gefangen.

Vnn als sie der Keyser oft vnn dick geheissen hat / den gefangnen ledig lassen  
da wolten sie es nit thün / des ward der Keyser gentslich vnn nit vnbillich erzürn  
net / vnn sagt im für / die statt zü belegeren. So het aber Spoler hundert gütter  
E starcker



## Von dem Keiser

starker thürn/darauff sie sich verliessen/das sie also vest vnd wol verweert waren Darumb als er sich d̄ statt nebert/da zogen im die Spolitaner gewaltlich selbst entgegen/vnnd als sie mit den zeichen zu samen kamen/da ward ritterlichen gefochten. Als aber die Spolitaner wichen/da hieß der Keyser sein volck ihnen nach ziehen eyletz/auff das er mit sampt den burgeren der statt/keme vnder die portē das auch also geschehen ist. Vnd also ist die werlich starke statt Spoler/in sechs stunden gewonnen worden vnd ein genommen/vnd des Keisers volck ergeben zu plündern/die männer er schlagen/vn̄ das ander volck auß geriben/die heüser angezündet vnnd verbrandt/die mauren zerissen/die thürn geschleiff/vn̄ die statt also gar verwüstet vnnd verderbet. Es seindt aber vil der burger/in das schloß auff den berg geflohen/darauff dann gar ein herlicher Tempel vnd ein Bischofflicher sitz was/darab sie dan des Keisers volck vil leides thaten. Deshalb inen allen gelieber das schloß zūstürmen / vnd seind mit semlichem zorn vnd grimmen in das schloß gefallen/vnd es angriffen dann sie schon wüßten/das es voller gütz was gescheener vnd mechtig reich/vnd ein grosse beüt darinnen. So haben sie doch leüt vnnd gütmitt feür verbrandt von großem zorn/ Es das inen etwas möcht dauon werden/also hitzig seint sie gewesen im dem handel. Darumb so hat der Keyser an dem hinczug also/die widerspennig Statt Spoletum vmb löste/verbrandt/vnnd im grundt zerstört/dann er hat gar oft der Spoletaner freuel vnbillich vnd vnuersehnliche schwere anleüß vnd angriff/auch hochmüt da er gen Spolet komen ist vnd hat es mit gewalt gewonnen vnd erobert allein die kinder vnd weiber/auß befehl des Keyfers on verletzung/frey ledig lassen leben/sunst menigklich vertribē vnnd ertödt. 2c

## Von einem betruck deren von Veron oder

Dierrichsbern dem Keyser bewisen.

Das. xix. Capitel.

**D**arnach als er durch ganz Italiē vnd Combar dien vil widerspennige hat bezwungen vnd gehorsam gemacht / ist er kommen gen Veron oder Dierrichsbern genant Vnd als die von d̄ statt von alter gewonheit dem Keyser ein bruck machen solten/über das wasser genant die ersch. Da haben sie die mit list betrug vn̄ auffatz/ gar mit schwachen vnnd dünnen britten gemacht / auff das sie deßer Ee zerbreche von der velle vnd last des Keyfers volck/also zu ertricken. Darzu haben sie vil burger heimlich gelegt / zu warten gynseit der brucken/die den theil des Keyfers volcks das hinüber die brucken kommen wird / solten den erst darnider legen vnnd schenden. Aber der Keyser ward von allē dem betruck d̄ stat Verona/ vff in zū gerichtet vnd wisen vn̄ gewarnet/hert solich schalckheit grōßlich für vbel/vn̄ fand im rat/dz er mit sampt dem Pfaltzgrauen Otto vn̄ andern fürsten/solte über das wasser schiffen oder faren / vn̄ einwenig seiner diener über die brucken schicken/vnd darnach die verborgnen burger / all erstechen vn̄ vmb bringen / als auch geschah. Welcher handel vil zwiracht vn̄ auffwirt/zwischen dem Keyser vn̄ denen von Verona gemacht hat. Darumb als der Keyser mit nachfolgung seines volcks/geen Bern komen wz/vn̄ ein theil des zeitgts/ mit zu samen gebunden schiffen über das wasser die ersch hat lassen füren/da waren erlich enge weg oder strassen/die Combardien



barder Clausen/hiessen/des bergs Valerni/da selbs als vrspringer/schreibt/haben die von Veron/oben auff der ebne des bergs/gelegt etliche böse büben die dem Keyser ihm fürzug/mit steinen ab dem berg gelassen vñd geworffen/solten vmbbringen vñd hindern. Aber der Keyser der gar ein klüger ernsthafter erfarnner was/vñd ein erkander oder güter aufspeher aller ding/berüfft vñd nam zu ihm/etlich erfarn ynseß des lands/die er mit miet vñd gaben darzu bracht/das sie die diener vñd des Keyser volck/durch sollich eng weg vñd strassen/so kaum ein nem menschen möglich was zu wandlen oder durch gon/auf geführt haben / vñd bracht auff die höhe des genannten bergs/darab sie dan fielen/in die selbigen vereborzen übel thäter vñd bösen menschen/vñd brachten sie in die flucht / deren wol sechs hundert seind gefangen worden/ die alle billich rechte straff empfangen haben vñd ertödt worden/als sie verdient hetten vñd würdig waren /wie dan hernach volget nach vil klarer. &c.

Wie Alberticus der hauptman die Clausen hielt  
vñd sie der Keyser wider gewan.

Das. xx. Capitel.

**E**s aber vnser Keyser Friderich ietzt wider was in das gebürg komen/da was ein edelman mit namen Alberticus/ ein burger zu Verona oder Dieterichsbern /mit etlichen Kriegs leuten der nam das schloß ein/durch verwiligung der burger/das dann lag auff aller höhe des bergs/vñd verhütet also/das die Keyserischen/nicht mochten fürkomen. Dan vñs die stat des selben orts/oder wegs vñ fürgangs/ gar eng vñd beschloßten was/also man es noch wol sieht/da mochten sie mit leichtre stein wurff od. abfall der felsen/die fürgonden hindern vñ verhalten. Darüb so schickte der Keyser zu ihnen Isaac vñ Carsaban von Dieterichsbern/ die dem Keyser nach treuw vñ hold waren/mit ihnen zu reden. Aber der edelman Alberticus wolt sie nicht vñ begeren nit verwilligen/ es gebedant ein yeder reyfiger da sein baniger / vñ das der Keyser sich löset mit grosser sum gelts. Darumb als yetzt ein theil des Keyser zeig was fürkomen/vñ hindurch gezogen/da hinde vñd yetzt er den Keyser mit dem andern theil des volcks/vñ verschlug die clausen des bergs an dem ort /da dan zu beiden seiten des wegs/ein gäßer abgeschliffner hoher fels oder berg ist/ gleich als ein steinen maur/in aller höhe auffzogen/verlegt alda den weg/vñ treuwet mit ihm zu fechten oder streiten. Aber vnser Keyser Barbarossa/ ein man großes hertzens/ vermeint es wer gar ein schantliche sache/das ein Keyser mit solchen büben/solt den pact/od ein solche rachtung auff nemen vñ eingon/vñ stund still mit dem theil dz volcks so er noch bey ihm het /vñ bereitet oder rüstet sich mit ihnen zuschlaße. Dan es bedunckt den Keyser ein vnbillicher handel sein/dz er noch souil grosses hertzliches siges vñ triumphs/an d thür vñ vorschopff des vatterlands/das ist an d eingang Teitscher land sich erst soit erkauften vñ ledigen/von schantliche strassen reübee der doch so wenig was. Darumb so nam er ein bedencknuß daruff / vñd gab dem Pfalzgrauen Otto von Weitelspach /zwey hundert keyfiger zu/gar wol gerüst mit lauteren seilen vñ spießen od langen/dan mit sie mit grosser miet vñd arbeit/er dem andern helffende/komen seind auff die höhe des bergs. Vñd herr Otto von Weitelspach der elter Herzog Ludwigs vatter/ der darnach im Peiern re-  
C ij giert



## Von dem Keiser

giert/nam von des Keyfers volck etlich güt außersessen diener/vnnd vmbreit das thal/mitt einem güten wegweiser/das es die feind nit wüßten/vnnd kam also steigend auff den berg. Vnd als bald gab er den Keyserischen da vnden an dem weg ligende/ein wortzeichen/das sie gütacht solten haben auff die feind/griff sie da an mit grossen geschrey/vnd bracht sie inn die flucht das sie über den berg ab sielen. Vñ an dem dritten tag/steckt er das baner vß mit grossen erhepte schall/vñ warff die stein wider den hauptman Albrecht/mit grossen anlauff in angriffende/vnd die feind überfallen/deren ein theil vmbbracht/vnd schier all erödtet. Vnd fieng zwölff von inen/die die fürnemmpsten waren dis handels/namlich den hauptman Albrecht mitt andern elffen. Welche alle dem Keyser überantwort. Wider welche Keyserliche Maiestat/das vrtheil gab des strickes oder galgens/das man sie solt auffhencken/aufgenommen einen/den man eret/darumb das er ein frantzos was/vnd von den von Dietrichsbern berufft oder angenommen /doch vnwissender sach/dz er wider den Keyser sein solt oder in verhindern seins wegs oder fürnemmens. Ward also mit solchem geding lebendig gelassen/wann er ander sein mitt gesellen des bösen handels/mit eigener hand/wolt hencken/das er vnuerzogenlich thet/vnd da sie nun also gehenckt waren/biß an den einingen frantzosen/die andern künipfer. Da zohe der Keyser in teütsche land/durch das thal Trient/mit grossen freuden/sich vnd lob/dan mit achtzig tausent kriegs leuten/hat er alle seine feind/diser fart überwunden vñ vertiben. Darnach kam er in Germanien/mit grosser glori vñ würdigkeit als ein triumphierender loblicher Keiser.

Was vnser Keiser Friderich nach dem vnd er wid  
inn Teütsche land kam/volbracht. 2c





## Wie der keyser einen tag hielt.

Das. xxj. Capitel.

**E**s nun der keyser Barbarossa widerumb in teitsche land kam. Da ließ er als bald beruffen ein reichstag/oder ein versammlung der fürsten zu Regenspurg/vnd auß schreiben/vn vernam vnnnd merckte daselbs ein zwittracht/zwischen Herz Arnolt erzbischoff zu Menez/vnd her Herman pfaltzgrauen bey Rhein. Darumb satze er inen ein tag zu Worms/auff die weinachten. Auch so hat daselbst/der Bischoff von Veron oder Dietrichsbern /mitt Isaac vnnnd Carsabano/den burgern der stat Veron/widerumb des keyfers huld vn gnad erworben/doch mit dem geding das sie der kammer des reichs/ein genante sum gelts zallen vnd legen solten/vnnnd des keyfers künfftigen zeig nachuolgten gegen Weilandt. Aber zu Worms/da verhort er die sach von dem handel/des pfaltzgrauen vnnnd Bischoffs von Menez Welche in abwesen des keyfers/sich vndereinander mitt brand vn krieg verderbeten. Vnd demnach beyde partzey/vnrecht haben/erfunden wurden. Da strafte er den Bischoff von Menez/mit einer sum gelts. Aber Hertzog Herman den pfaltzgrauen/mit zehen grauen seins anhangs/zwang er zu fuß/wol ein halb meil mitten durch die stat Worms vnd durch alles volck hinauß ein hundert zu tragen auff der achselen. Welches zu der zeit ein groffe schand was dem adel. Vnd vil andere edlen/vonden auffindig/wie sie geraubet vn brant schazet heten/die wurden mit dem schwert gerichtet/vnd ir schlösser vnd heüser zerbrochen. Vnd als darnach der pfaltzgraff dem keyser widerumb widerspenig was vnnnd vngheorsam/da beraubt er in gar des fürstenthumbs vnd der pfaltzen. Vn g ab dz seine eingen stieffbrüder graff Conratten von Zweienbrucken/frey ledig vn los. Welches sum/ein einige dochter verlassen hat/ mit nammen Agnes /die darnach Hertzog Otte von Beyer vernähelt ward/ des kints kind von dem wir yetzt oft gesagt haben Dahar dan die pfaltz/dem Hertzogen von Beyer zu gefügt ward/vmb welcher vrsach willen/nach bis auff den heütigen tag /sie ihnen /zu schreiben/den tittel beyder herschaften. Vnd diser vertrag vn einung/ist geschehen in dem jar des herre. M. C. C. XX. viij. Vnd durch keyser Friderich den andern bestetiget. Etliche schreiben das diß leben/sey geschehen/ee das der keyser in Italiam zohet/vnd nit durch straff willen/sunder durch absterben on leibs erben/pfaltzgraff Hermans. Als dan hievor hie gemelt ist in dem. viij. Capitel.

## Von der hochzeit Barbarossa mit frauw Beatrix

des graffen von Burgundien dochter.

Das. xxij. Capitel.

**N**u da dißeding also waren befridet vnd nider gelegt/da hielt keyser Friderich hochzeit mit seiner gemahel/die er als ob stot/im vor langem het vernähelt/ vn das geschach zu Würzburg. Da dann alle die fürsten vn herren/sampt dem adel vn knechten versamlet/dem keyser ire hilff vn beistand/haben zu gesagt wider die griechen/die dan mit falschen brieffen/vnd des keyfers namen geschriben/kömen warē in Apulien. vnd haten das land eingenomē Als aber die Apulier/den betreüig d'griechen inen wurden/da vertriben sie die gar/mitt gewalt auß allen stetten vnnnd schlugen ir vil zu todt. Desßhalb so ließ der keyser/dē

C iij fürgeno.



## Von dem Keiser

fürgenommenen krieg fallen vñ erligent. Vnd als daselbst zu Würtzburg schier aller fürsten botschaffter waren namlich des Königs von Engellant/ Hispanien/ Frankreich/ Denmarck/ Hungern/ vnd ander fürsten/ Herren vnd stör od länd/ bleib doch der Keiser nit lang da/ vnd nam im für seiner frauen land zu besichtigen Burgundien. Darumb so ritten im entgegen allenthalben/ die edlen vñ obersten des lands/ von Burgundi vnd Bisanz/ mit grossen bracht vnd herligkeit/ vnd erbotten im billich Er. Vnd als daselbst ein grosser zwitracht was/ zwischen seinem schweßer Reinolt oder Reginald/ grauen von Bisanz. Vnd graff Bechtolden von Züringen/ der doch sich schreibt ein herzog von Burgundi.

Vnd was diß die ursach des zankes. König Rüdolff von Arlaren/ der schickt vñ übergab die kron seines reichs Arlaren/ Keyser Conraten wilant/ vnser Barbarossa vorfaren. Vnd aber das reich Arlaren/ hat in im Saphoren/ Schweizerland/ Burgundi/ vnd das Delphinat. Welche land alle/ darnach/ geben seind/ im namen eines fürstenthumbs/ Herzog Wilhelmen/ seines suns sun. Vnd als d gestarb da empfieng graff Reinolt das fürstenthumb/ er wolt aber Keyser Lothario/ nicht vnderwürfflich sein/ das ward er verrüfft als ein vngesorsamer wißspeniger/ vñ des fürstenthumbs ensetzt. Vnd das ward gegeben graff Conrat von Züringen/ der dann schier das ganz landgraff Reynalts eynam. Deshalb so waren schier teglich großkrieg vnd auffrur/ zwischen innen/ da was eben dz selb leben zwischen graff Bechtolden vnd Reynalten wie vor. Dann es waren fünf fürsten des namens von Züringen. Darumb so ward ein concordy vnd vertrag zwischen inen gemacht/ durch vnsern Keyser Friderich/ das graff Bechtold solt behalten alle land/ bis zu sant Bernharts berg vnd gen Hebenam/ das ist Benff die andern land/ solten graff Reynalten züston. Also ward der krieg/ auch gerichte vnd friden gemacht/ durch vnseren Keyser Friderich Barbarossa.

## Von des Pabsts legaten vnd Botschafften/ wie

die übel empfangen wurden bey vnserm Keyser Friderich.

Das. xxij. Capitel.

**D**arnach in dem iar des heren. M. C. L. vi. wolte der bischoff von Cosan/ in einer Appelation sach gen Rhom reitten/ der ward auff der straß von des Keisers volck beraubt/ geschlagen vnd übel gehandelt vnd dazü gefencklich angenommen vnd gehalten. Den Bischoff zu ledigen schickt der Papsst gen Bisanz/ da dan der Keyser dazumal hoffet/ Herr Rolandt seinen Cantzler/ vnd heren Bernhart ein Cardinal/ die dan mit dem Keyser/ von des pabstes wegen/ solten alles das reden vnd handeln/ was not wer vnd den bösen handel diser sach antreffen. Welche als sie zu dem Keyser komen/ gaben sie im am ersten des Pabsts brieff/ die gar schwer vñ scharpff waren/ als die Copey vnd abgeschrifft auß weist/ so hernach stot in dem. xxx. capitel. Wiewol du vñ nit gleich noch billich hast geantwurt nach gehalten/ so reüwet vñ doch nit/ wann du schon größere güter von vnseren henden empfangen herest weder du hast. Welche wort den Keyser oder auch alle fürsten/ also bewegt vnd zornig gemacht haben/ das sie sich kaum haben enthalten/ das sie die legaten nit hand geschendt/ vnd handt an sie gelegt. Dazü einer der gesanten botten/ das obgeschriben wore zu bestättigen/ gleich als ob er für dem Papsst redet. Antwurt dem Keyser vnd den fürsten also Wann nun der Keyser/ nicht von dem Papsst das Keyserthumb hat/ von wem hat er es dan. Gleicherweiß als ob der Keyser das reich in mans lehen weiß/ empfangen oder angenommen



oder angenommen hette. Von welchen Worten/Her Otto pfalzgraff von weytelspach der das Keyserlich Schwert trug oder hielt in seinen henden. Zohet das selbig auß vnd lieff wider den Cardinal also das er kaum durch den Keyser gehept vnd abgezogen ward/das er nit als bald den Cardinal vmbbracht vnd erstechte oder errödt. Darnach wurden sie mit vil leidens vnd schmach gehandelt/bekümmert vnd vō dē Keyser getribē/vnd geheysen y elenz die landstraß/schlecht wider gen Rom feren/vñ das sie lügen/vñ kein betlerer noch schatzung vff richten/mitt aplas geben vñ andern brüeffen. Dñ als sie nun gen Rom kamē/da klagten sie dem Papsst die schmach so inen wz beweisen/vñ das sie kñ dē todt empfloßē weren/vñ mit dē leben daruō kōmen. Da gegen der Keyser/clagt dē teütschen fürsten/die vnbillicheit vñ das anziehen/so d bapst vnd die Römer dem reich gethon hettē/vnd rüfset sich das laster vnd schmach/zū rechnen vnd zū straffen mit aller macht.

Ein andere red oð meinung vō dem ob geschriben  
bösen handel Das. xxiiij. Capitel.

**D**ector Rēce beschreibt den handel also. Als vñ der Keyser Friderich/wz in d stat Crisopolis/an dem end des Burgundier lang gelegē/da kamē zū im /vñ andern fürsten vñ herzē Zwen Cardinal/legaten des stils vō Rom/mit namen Bernhardus vñ Rolandus d darnach bapst ward/vñ den nammen Alexander empfing Die clagten vor dē Keyser wie das d bischoff von Engellant als er gen Rom wolt reyen wie er da in teütsche landen/beraubt were worden vñ vnmenshlich übel gehandelt. Welches laster die Keyserlich Maiesstat/nach nit gestrafft het/nach die übel thäterer angenommen/so man doch die wol wüß. Darumb so ermahnen sie den Keyser das er eindenc were/d güt hat von dē bapst empfangen/vnd d Keyserlichen Kronen/auch d eyds pflicht/der kirchen gethon. Das er soliche reüber/nit vol würdiger wol verdienet straff straffere. Von welche Worten/d Keyser erzürnet ward/vnd verneint/das er nicht von dē bapst hette. Sunder allen gewalt/allein bekante er sich/von den Eurfürsten haben/vnd nicht darüß das zū Rom wer ein tafel/darin Keyser Rocharius gemalt was/Ende vor dem bapst zū Rom/die Kron empfangende die bapst Adrianus/vñ dem Keyser Friderich hat zū gesagt vñ versprochen da er bey im was/wie das er die selbig tafel/wolt hinweg thun vñ abtrocken. Als aber die legaten wolten ire wort beschirmen vnd handhaben/wie dz der Keyser allein den gewalt von dem bapst empfangen het/ Da vnderstund sie Hertzog Otto von Weytelspach/mit bösem schwert anzū greiffen /er wer dan von den bey stonde Herren enthalten worden. Doch so wurden sie von dē Keyser gelassen mit geleit/des gedings vnd mit einem abscheid/das sie weder anff die rechte oð auff die lincke seiten/ab kōren solten oder weichen neben auß/sunder den rechten weg gen Rom reitten/vnd an keinem ort zwo nacht bleibene. Dan der Keyser fand bey inen/als erlich schreiben/vil versigelter brüeff/doch vngeschriben/vnd ler von büchstaben/da von man achte/das ein grosser betrug vñ list darhinder leg verborzen nit vnbillich. Vnd deßhalb/seindt sie gefangen worden/vnd angenommen in gefensknis/welche/doch alle/von Hertzog Heinrich von Bayern vñ Sagen/wider erlediget worden seind vñ auß gelassen. 2c.



Von dem Keyser  
Wie das künigreich Polen durch vnsern Keyser  
Friderich ward eingenommen.

Das-xxvij. Capitel

**Z**uden Zeiten kam zu vnserem Keyser Friderich der elter brüder des Königs von Polen/vnd clagt von seinem brüd/ das er nit allein des Königreichs/sunder auch des Fürstenthums/ beraubt het vnd entsetzt. Es het aber der König von Polen/zü einē gemahel/ Frauw Bertrud die da was ein Schwester vnseres Keyser vatter/von Herzog Leupolt von Ostereich geboren. Darumb so zoge der Keyser in Polen/mit gewapneter hand/ sampt Herzog Heinrichen von Ostereich/vnnd zerstörte alles das/mit feur vnd gewözen/also das die Polacken allenthalben flohen/vnd schier verzweyffelten. Da er gab sich der König von Polen in den gewalt vnd gnad des Keyser/welcher an dem ersten gestrafft ward/vm zwey mal tausent marck silbers dem Keyser zugeben/vnd fier hundert marck des Keyser hauptleuten vñ obersten dienern/vnd drey tausent marck/allein zeüg vnd volck außzuteilen. Zü dem andern/das er sich zü Magdeburg solt stellen vor dem Keyser an dem rechten/zü antworten der clag seines brüders. Zü dem dritten das er dem Keyser soltnachfolgen in eigner person/mit einem zeüg/in Lombardien vnd Heyland. Alsward das gelt bezalt vnd über antwort/vnnd alle andere ding mit dem eyd vnd bürgschafften versicheret vnd also hat der Keyser gehandelt wid den König von Polen/vn zwingen vnd trungen/das er sich im hatt ergeben/vnnd den zinspfening/so yetzt durch etlich zal jar nit bezalt ist/het er wider auffgericht/vñ also hat er die zwitrachten/so in dem reich waren/zwischen den Fürsten vnnd Herren/gestillet vnd hingelegt. Vnd als der Keyser von Crisopel zohe/kam er in Sayen wiewol König Ludwig von Frankreich/ yetzt von Paryß auß geritten was/mit im red zühaltten. Als er aber gen Magdeburg kam/ vnd fand das der König vñ Polen/sein glauben vnnd eyd gebrochen het vnnd nit gehalten. Sazt er ein tag gen Regenspurg/ von des handels wegen. Daselbst auch beklagt sich Barsa der König von Ungern/von seinē brüd Steffan dem jüngern/das er in mit listen vñ betruck/vnderstünd in das Ungerisch reich zü komen. Da entschuldiget sich Steffanus/vor den Fürsten vnd stenden des reichs also/das in sein brüder Barsa/vn billich vnd wider recht/von dem reich ungern/in das ellend geriben/allein darüß das er der Her were/vnd herschen möchte mit gewalt/darumb betrug er ihn/seins väterlichen erbs/vnd hielt im das vor. Vnd nach vil verhörung/mochten die parthey vor dem reich nit vertragen noch concordiert werden/ward also angestellt vnd auff geschlagen.

Von dem ersten König von Böhem  
durch vnsern Keyser gemacht

Das-xxviij. Capitel.

**I**n dem selbigē tag zü Regenspurg/ward Herzog Ladislaus vñ Böhē/zü einē erstē König/durch vnsern Keyser Friderich gemacht vñ erhöhet vñ seiner herliche thaten willē vñ ritterliche hendel/so er volbracht yn Barbarossa/



Barbarossa/mit Königlichcr wüdigkeit vnd kronen/gab im da den küniglichen namen/vnd den zepter/als sie dam vorhin allein / fürsten waren oder Hertzogen der schwab auch da/dem kaiser nachzufolgen/in dem andern nechsten zug gen Mey land vnd Lombardien/von dem hernach geschriben stor. Es seind auch dahin kō men des Königs von Denmark borschafften vnd Ambasiaten/der neüwlich erwölt was/denen der kaiser jrer bitt verwilligt/doch mit dem geding/das d̄ neüw künig/in fierzig tagen den nechsten so er wider auß Lombardien kem/solt zū im kōmen vnd das reich empfangen/vnd schweren den eid der treüwe vnd des glaubē dem heiligen reich zūhaltende als ander künig. Darnach in dem jar des herzen. M. C. L. vij. verließ vnser kaiser Friderich die fürsten/ vnd gab in vrlaub zeglichem wider in sein land zū faren/ vnd er aber sieget sich gen kaysers lautheren/ da er dann der kirchen vnd spitalen/vil gaben vnd güts/gesetzt vnd gestiftt hatt. Welches zū volstrecken/macht er zū ein verweser vnd treüwen verseher / Bischoff Herman von Brixen.

Von dem anhab der zwittracht zwüschen dem  
Bapst vnd dem kaiser Barbarossa.

Das. xxix. Capitel.

**I**n diser zeit als auch vorgemelt ist/richtet der bapst vil sachen zū/wider vnsern kaiser Friderich. Vmb des willen das er seine legatē nit wol empfangen het/vñ beweger die teütschen Bischöff/vñ die geistlichen wider den kaiser. Vor welchen sich doch der kaiser wol entschuldiget/wie dan ob gsagt ist. Vnd mit disen anfangen/vnd vmb der vsach willen hūb die groß feindschaft an/zwüschen dem Bapst Adriano vnd dem kaiser Barbarossa. Dan der bapst clagt sich/wie er von im verlassen/wer/über sein eid vnd zūsagen/das er im mit hohen worten het gethon/in der zeit seiner krōnung/im zū helfen vnd beistandt zū thun wider künig Wilhelm von Sicilien/der im also trang thet mit krieg/ das er kaum sicher zū Rom war. Also würde er gekessigt über seinen willen / das d̄ kaiser wol het mögen wenden vnd abstellen/da er mit dem volck zū Rom wz/er für aber in teütsche land/vnd ließ in stecken. Dagegen sagt der kaiser vil andere ding vnd vorab die krōnung des selbigen künig Wilhelms/die im der bapst het gethō on verwilligung des kaysers/vnd kam die sach so weit/das der kaiser keinen legatē mer von Rom / ließ in teütsche landt kōmen/nach in das ganz Reich/er hetre in dan selbst berufft oder besteller zū kōmen. Er ließ auch niemandt durch ein Appelation gen Rom lauffen vnd da wöllen rechten/es wer warumb es wolt. Aber die fürsten fürchten vñ besorgten / das etwan ein wider will vnd künfftiger zand/zwüschen dē reich vnd der briessterschaft erwachsen würd d̄ die ganz gemein der cristen vnd sunderlich Teütscher land vnd des Rōmischen reichs / möchre verwirren vnd zū vneinigheit bringen. Lieffent mit dem Bapst Adriano reden / durch den Bischoff von Babenberg vnd andere/das er den kaiser mit mitleren vnd sanfftern brieffen grüßt/vnd mit andern borschafften/zū entschuldigen der vorderen legaten merckliche hoffart vnd übermüt Da munder bapst vernam/wie des kaysers borschafften/namlich sein Canzler/vnd hertzog Otto pfalzgraff/in Italien kōmen weren/vnd diehendel vnd geschafft des reichs/gewaltlich üben/

vnd ver



## Von dem Keyser

vnd verordneten/dan sie hielten vil tag vnd versamlung/mit etlichen Bischoffen vnd fürsten des landes. stund also im sorgen/der Keyser würde hernach kommen da verwilliget der Bapst irem gütten rat vñ anbringen d fürsten/vñ mit demütiger bit beruffen/mit erlichem grüß/durch geschickte legatē/entschuldiget er sich der wort so die andern legaten hetten auß gelassen vor dem Keyser. Vñ also durch mittel vñ zwüschentrettung der fürsten hatt er den Keyser begütiget/vñ wider zū güttem willen bracht. Ich find geschriben in d Cronica Naucleri/ das diser vertrag vñ versünung/zū Augspurg sei geschehen/da dan der Bapst sein gnad vnd gütten willen/durch geschribene brieff im hatt zū gesendet. Vnd dem lauter fast gleich/das ich funden hab geschriben im dem closter Hirßauw. Speirer bistumb von wort zū wort/als hernach volgt. Dan der Bapst hat zū dem erzürnten Keyser ein solliche epistel vnd sendbrieff geschickt also lautende.

Ein copen abgschriefft der epistel / Bapst Adriani zū  
vnserm Keyser Friderich/genant Barbarossa.

Das-xxx. Capitel

**A**drianus Bischoff ein knecht der knecht Gottes  
Friderico dem Römischen Keyser/heil vñ bápstlichen seggen. Das götlich gesatz als es denē die ire elteren eren/langs lebē verheisset/als auch denen/die vatter vnd mütter übel reden/vol streckt es/das vñtheil des todts. Wir werdent aber gelet durch die stim der warheit/das ein yeder der sich erhöcht/würt gedemütiget. Darumb lieber sun in dem herren / über dein weißheit verwundt wir nit wenig/das du Sant Peter vñ d Römischē Kirchen/nit geacht noch gesehen würt/solche reuerenz anthim soltest. Dan in den briuen zū vñs gesant/sit setzest du deinen namen dem vnsern/ im dem da du in fallest/die masen d vngbürllichkeit/vñ das ich nit sag der hoffart/über müts vñ eigē lobes. Was soll ich dan sagen/ von der treiw vnd glauben Sant Peter/vnd vñs von dir versprochen/zū gesagt vnd geschworen/wie du die haltest/ so du von denen die gottes seind/vnd alle sün des obersten/als den bischoffen/erforderst manschafft vñ scharzung/heishest treiw vnd eid/vñ ire geweihten hend/verheissetu mit deinen henden/vnd bist vñs gar widerwertig wordē. Vñgleich den Cardinelen vñ vnsern seiten auß gesant/beschlüffestu nit allein die Kirchen. sunder auch die stōt deins reichs. Darumb so bekere dich/besser dich/ raten wir dir dan so du von vñs verdient hast die weißung vñ die kron/annimpst die vngelihen ding/das du nit verliere die geluhen/dan wir fürchten vnd sorgen deines adels. Gott sey mitt dir.

Auff welchen brieff vnser Keyser Friderich also ge  
antwort soll haben.

Das-xxxj. Capitel

**F**riderich von Gottes gnaden Römischer Keyser  
semper augustus wünschet Adriano d christenlichen Kirche Bischoff/ allē dē anzū hangē/dz Jesus gethon vñ gelet hat. Das gesatz d gerechtigkeit gibt yedem wid was sein ist/dan wir ziehē nit ab vnsern eltern/dan wir in disem reich billich eer beweise ja vñ den vnsern eltern habē wir die würdigkeit des reichs vñ die krō ēpfangē  
Dit



Ist nicht also / das zu den zeiten des Keyfers Constantini / Papst Siluester funden ward / etwas gar wenigis Küniglicher freyheit habende. Aber auß gütigkeit des Keyfers nachlassung / ist die freyheit der kirchen geben / vñnd der friden wider bracht / vñnd alles das Küniglicher freyheit / das eüwer Bapstumb / besitzten funden würt / das hatt er von gaben der Fürsten. Darumb so wir dem Rhömischen Bischoff schreiben / so setzen wir von recht vñnd altem hartkommen / vnsern namen vor / vñnd nach der regel der gerechtigkeit / lassen wir ihm das nach / so er vnß schreibt. Lesent die jar Bücher / vñnd ob jr das gelesen vergessen haben / wir dann da sagen / würt daselbst funden

Aber von denen die Vort züston durch anemung der weise / vñnd die vnser regalia oder freyheit haben / wazumb wolten wir von denen creiü vñnd glauben / vñ Künigliche eydts pflicht nicht fordern. So der / der vnser vñnd stifter ist / von dem Küniglichen menschen / nichten hat genomē / sunder alle eüwer güter meniglichem mittheilet / der für sich vñnd Sant Peter / den zins dem Kiser bezahlt hatt / vñnd eüch da ein exempel / das jr auch also thetten.

Erlernet eüch sprechende / lernen von mir / dann ich bin mit vñnd demütig in hertzen. Darumb so lassen sie vnß antweder die regalia vñnd freyheiten / oder ob sie das ihnen nützlich achten / so bezalen sie gott was gotes ist / vñnd dem Keyser waz des Keyfers ist. Eüweren Cardinalen / seind auch billich die kirchen beschlossen / vñnd die stett nicht offen / dann wir sehen sie mit prediger / aber beraber / mit stifter des fridens / aber hinneiner des gelts / mit widerbringer der welt / aber vñner selliche samler des golds.

Wann wir sie aber sehen / wie sie die kirch erfordert / friden bringen / das vñnverlande erleuchten vñnd beyston / der armen henden / inn billichet des rechten / so wellen wir jnn nit verzeihen nach vor halten / sie mit notdürfftigem sold vñnd narung zü versen vñnd enthalten. Ir fallen aber nicht in die müst masen der demüt / die da ist ein hütlerin der tugent vñnd eüwer semfft mütigkeit / so jr solliche klag von mir / die geistlichkeit nit vast dienen den weltlichen personen fürhalten.

Darumb so versehe sich eüwer vetterlichkeit / vff das nicht sie solliche bewegt / dz wir vnbillich vñnd vnwürdig scherzen / das sie dan denen ein lezung oder ein strauch stein dar lege / die gleich als zü einem obent regen / eüwerem münde / ire oren eylen auff zürichten vñnd zülösen.

Dann wir mögent ye kein antwort geben / auff das so wir hören vñnd vernemen / vorab auch so wir sehen / das verworffenlich thier der hoffart / vff gestigen sein biß auff Sant Peters stül. Damit jr nun dem friden der kirchen allweg wol fürsehen. So müssen lang wol leben.

Don





Von dem Keyser  
Von dem andern zuge vnsero Keisers Friderichs  
im Italien. 2c.

Das. xxxij. Capitel



**I**n dem iar des Herren . M . C . L . viij .  
Nach ob geschribenen hendlen allen / hat sich Keyser Friderich genant  
Barbarossa widerumb gerüst zükummen im Italien / das dan mit  
grossen zwitterachtigkeiten wider einander erhitziget was / vnd im vn-  
einigkeit gar verirret / dann die Weylender fiengen wider an dem Keyser züwider-  
streben / vnd schickten sich im zü widerstan / mit aller macht / vnd berüfften zü je-  
zer hilff / vil stett in Lombardien / die sich zü ihnen verbunden namlich Briyen ge-  
nant Pessu / vnd Placenz vnd ander vil meer. Darzū die zerbrochen stett  
Verona / bauweten sie wider mit herlichen mauren. Desgleichen die stat Ruma  
vnd Lauda / vnd andere wartten vnd schirmstett des Keyfers / zerbrochen / sye  
zū schmach dem reich. Darumb in dem gleytzen des genannten iars. Ward des  
Keyfers volck alles versamlet / auff dem Lechfeld zwüsche Dlm vñ Augspurg  
vñ schickt der Keyser vor im hin Herzog Otten von Weyttelspach Pfaltzgrauen  
vnd



vnd Reginaldum sein Canzler der darnach Bischoff zu Cöllen ward / die dan solten einnehmen vnd verslagen oder besigen mitt gewalt / die Clausen vnd eingang des gebürge. Vnd als er in Lyguriam kam / da gewann er das schloß Rirola / vnd als die von Rauena / mit hilff der griechen / im tranweren / vnd erzeygten etwas feindschafft / hatt er sie mitt gewalt vertriben vnd die griechen vnd crucht / vnd graff Wilhelm ein hauptman des Krieges gefangen / den hat er auff d burger bitt / widerledig gelassen.

## Ursach des zugs / warumb er ward vnderstanden.

### Das xxxij. Capitel.

**D**rspringensis in seiner Cronica der schreibet also wie das die von Cremona vnd Paser / dem Keiser / seit dem ersten zug / gar treulich seind angehangen / desgleichen die von Landa vnd Kuma / seinen gebotten willig vnd vnderthenig gehorsam vnd darumb so bewegten das ganz Lombardy wider sie vil empfige Krieg vnd auffrur / dann die Heylander als sie stolz hof fertig vnd übermütig leüt waren / was jr gewonheit sunderlich zu widerstreben / den Keysern die auß Schwaben bürtig waren. Aber denen die von Saye waren / den stünden sie andechtiger bey mitt grossen anhang. Darumb das der Keyser Lotharius das vrtheil für sie geben hat / wider die von Cremona / dan als sie übermütig leüt seind / wie vor stot / so pflegen sie einzünemen vnd zu besigen irer nachbahren anstöß / vnd was sie deren land mögen abziehen. vnd vnder iren gwalt bringen / das thunt sie. Darumb wider des Keyseris gebot haben sie die statt Derton / so er hatt zerstört widerumb gebawen mitt starcken mauren / vnd das vil böser was dann das / so haben sie das vertriben volck der stat Derton burger / die sie vor gen Kuma vnd Landa / geschickt haben zu verachtung des reichs vnd des Keyseris / ganz vnd gar verjagt vnd ländt ömig gemacht außgeriben. Vnd sunst andere mee beüre / habend sie zerbrochen / darzu Paser vnd Nauerra / gar herliche stöck zu schmach des genannten reichs / haben sie auch vnderstanden zu bes Kriegen / inn abwesen des Keyseris / gleicherweiß als ob sie das theil vnd stück lands des reichs nach vnd nach / gar irem gewalt wolten vnderwerffen vnd ansich ziehen. Welches zu volbringen / haben sie schier alle stett in Lombardy willig gesept vnd hilfflich. Dann die von Placenz haben die von Cremona vnbillich enthalten vnd hindertriben / von beistant vnd gewonlicher hilff / der genannten stett / vnd hand ihnen den weg vnderlauffen. vnd gantzlich abgeschlagen / zu inn zu kommen füglich / oder schier. Desgleichen Brixia genant Preffa / hett sich den selbigen Mailändern zu gefügt / mitt allem irem volck. Durch welcher hilff vnd berstande haben / vnmenschliche laster zu volbringen / vnd haben das zu dem theil volbracht / vnd auch gethon. Dann Ingenal / vnd andere stett in deren von Paser / die der genannten stett schirm waren / vnd auffenthalt / haben sie inn grundt zerstört vnd zerissen. Aber Cremona gar ein herliche statt / hat sich für die Keyserliche Mayestat / wider die von Heyland / die da ganz verachtet waren des Römischen reichs dapferlich vnd redlich geleigt / vnd widerstanden / so vil sie möcht / vnd hatt mitt grossen gewalt vnd freffen / erwan vil güter stett in deren von Heyland / vmbkeret vnd eyngenommen / vnd iren vil gefangen / vnd inn band vnd ketten an  
D gelegt.



## Von dem Keyser

gelegt. Diß vnd andere stück vnd übelthar der Meyländer/haben bewegt vnsern Keyser Friderich zu dem andern mal zuziehen in das land/vnnd es zubekriegen/vermeint also/iren zwittrachten vnd vneinigkeiten zuhilff zukommen/vnnd Friden machen/sie zuuereinen. 2c.

## Wie der Keyser ist in das Land kommen.

Das. xxxliij. Capitel.

**D**arumb ein soliches ordenlich vnd füglich zūvol bringen/hat der Keyser zu der selbigen zeit gen Cremona geschickt/die obgenanten zwen gerüwen diener vnd beystender des reichs/ herr Reinolden sein Cantzler/erzbischoff zu Cölen/vnd mit im herr Otthens pfalzgrauen von Witelspach vß Bayern/gar zwen klüg Fürsten. Welche von denen von Cremona/sampt herren Obrecht irem bischoff/mit allem volck der stat/gar herlichen seind empfangen worden. In mitter zeit/dieweyl vnnd der Keyser sein zukunfft ein wenig verzöhe. Darumb so haben die von Cremona/von anderen Lombarder vil vnbillichs erlitten vnd grosse scheltwort/vnd das noch böser ist/auch wider den Keyser selbs/haben sie vßgossen vil schandlicher böser scheltwort vnd laster/die vnwürdig seind zuerzelen oder zureden. Vnd habend also angefangen die vß Meyland/ein theil des landes der Lombarder/inen zūnderwerffen durch Snalfagum dem tirannen von Meyland. Darumb so hat der Keyser ein grosse zal volcks mit im bracht in Italam/vnd ire land widerumb begert/mit dem versmilteren zeüg/als vor stat/vß dem Lechfeld/vnnd ist nachkommen hertzog Otthens vñ seinem Cantzler/vnd als des volcks gar ein grosse zal oder menig was/über dreyßig tusent männer/die nit wol mit einander ziehen möchten/da brach ein teil des volcks durch frül/vñ zoch ein teil vß Trient/aber der Keyser mit dem Künig von Böhem/mit dem er zoch vß Francken/mit hertzog Friderich vß Schwaben seinem fründ/vnnd mit dem Hertzogen von Zeringen kam gezogen über sant Bernharts berg/bis in das eben land Lombardien. Nam da als bald ein die stat Brixiam genant Pressa. die der Meyländer gesel was. Welche sich mit grossen güte von im erlöste. Namlich sechzig tusent marck silbers. Dañ als da ein vorgeger vnnd oberster feldhauptman was/der künig von Ungern gar ein strenger herr/der nun nützlich von vnserm Keyser/als vor stat. mit küniglicher kron vñ würdigkeit erhöhet vnd begabt was/der belegeret die von Brixien/vnd bracht sie vnder sich/vnnd volgt im nach hertzog Friderich von Schwaben/künig Conrads sun. Vnnd nach den allen/vnser Keyser Barbarossa nehet sich der legerstat. Darumb so wurden die von Brixien oder Pressa/mit angst vnnd not erschreckt/von solchem grossen volck/vnd versprachend vnd schwören oder gelobten dem Keyser gehorsam zusein/was er inen gebiete. 2c

Von einer



Von einer ritterlichen that vnser  
Keyser Friderichs. 2c.

Das xxxv. Capitel.

**D**arnach schlug der Keyser sein zelt vnd leger/ zu dem wasser genant Albdna oder Padus/ daselbsthin dan erlich Meyländer/ gensit dem wasser/ wider den Keyser vil geschrey vnd schandeliche scheltwort wurffen mit grossen geschrey. Vmb der schmach willen/ der Keyser seine kriegslut hieß alle rüsten zu dem streit. Vnd aber er selbs/ nach dem vnd er was freyes gnuets/ vnd leichtfertig oder ring/ sich zuüberfuren/ hat er kein schiff/ noch furt des wassers gesucht/ sunder mit einem hülztribut oder baum/ hat er sich über den fluss eylands bracht/ durch hilff der spieß vnd stangen/ vnd mit wenig knechten/ die im nachfolgten/ ist er wider die feind getreten. Welche erschrecken fast von seiner gegenwärtigkeit vnd zükunfft/ vnd namen die flucht vnd flohen bis in der Meyländer schloß/ genant Tretium. Daselbst 8 manlich ritterlich Keyser/ kum mit zehen knechten/ die im nachfolgten/ stach er die stang/ daran sein wapen vnd baner was/ in die porten vñ thor des schlosses/ darein die efeind geflohen waren. da dan alsbald vff dem fuß aller sein züg hernach kam/ vnd demnach er gaben sich an sein gnad/ die erschrocken forchtsamen burger/ die er doch gnediglich annam/ wie er wolt. Aber vnser Keyser/ als er milt vnd sciffmütig was/ nach seiner küniglichen gütigkeit/ hat er wöllen/ das weib vnd kind solten behalten werden/ vnd aber was raubs oder güts in dem schloß funden würd/ das solt vnder sein volck geteylt sein. Demnach besatz vnser Keyser das schloß mit seinen eignen dienern/ vnd ließ die andern abziehen frey ledig vñ los. Vnd er zoch für bas bis in die stat Lauda/ daselbst er dan den burgern zu Lauda/ vff dem berg Buesion/ an dem wasser des bads gelegen/ mit einem küniglichen baner/ bezügte hat ein herliche stat zūbauen. Verstand wie das vnser Keyser Friderich Barbarossa/ den burgern zu Lauda anzeigt hat/ ein blat vnd ort beschriben/ da sie ein newe stat mochten zūrichten/ vff einem hübel/ by dem fluss des bads gelegen/ da zu beiden seiten des hüfels oder bergs seind fuchte wasserpfitzen/ vnd tieffe graben. Welcher hübel oder berg/ von alter gewonheit der Lombarder/ genant ist der berg Buezionum/ gar vnmüglich zūgewinnen oder zūbestreiten.

Belegerung der stat Meyland.

Das xxxvj. Capitel.

**N**ach dem macht sich der Keyser vff/ gen Melegantium genant Melegan/ da er lang wartet der Meyländer zalung vnd tribut/ so sie ierlich zutun dem reich pflichtig waren. Aber als sie solichs verzogen/ verachten/ vnd nit thun wolten. Da berufft er zusamen allenthalben sein volck/ getheilt in ganz Lombardien/ zu denen kament auch die vñ Craymona mit dreißig tausent knechten/ vnd mit irem bischoff Obrecht. Desgleichen die von Pasi vñ Nauerra/ siegten sich herzu/ mit einem wolgerüstten schönen hauffen. Darumb

D ij als nun



## Von dem Keyser

als nun das volck alles zusamen kam / vnd der Keyser die knechte bey im versamlet / macht er sich vff zu den mawren der stat Meyland / sie zubekriegen vnd belegern vff alle ort. Welche Meyländer vff solichs / mit einem fast grossen volck / auß der stat wider den Keyser zogen / zu dem streit / vnd da ward ritterlich gefochten / also das die Meyländer die flucht namen / wider hinder sich in jr stat zukomen. Da folgten ihnen nach die von Cremona gar manlichen mit vil andern Lombarder / vnd als die von Meyland sich irer stat neberten / da wanten sie die roß widerumb vnd fiengen an vff ein neues zustreiten. Da gestünd des Keyfers volck / vnd ward ein güt weil hinder sich getrieben von den Meyländern / da das der Keyser ersahe. der dem krieg wol truwet / vnd das sich die schlacht also weiler vnd endert vff beiden seiten / also das verzo er / verzo dise ohlagent. Da brach er selbs ein mit eigner person / als halde gewaltiglich wider die feind / vnd zwange sie sterbender not / mit zorn vñ wütende / wider in jr stat mawren zükeren. Nach solcher schlacht vnd kriegs glori / ließ er die vorstat zu Meyland anzündē / also das allein da blib der eing thurn / den man spricht / das in die Römer haben gebuwen / bey der Rom porten / welcher thurn gar fast hoch was / vff vier seulen gesetzt / von dem statgraben gelegen ein wenig mee dan ein steinwurf / welcher biß zu der thür / was gar fest vnd starck / mit quadersteinen erbuwen gar wol vnd höflichen / vnd er was erfüllet mit starcken männern / zuuerhütung der stat vnd strassen / von welchem hernach weiter gesagt wirt. 2c.

### Wie sich die stat Meyland ergeben hat.

#### Das. xxxvij. Capitel.

**N**ach vmbgab der Keyser die stat mit allem seinem volck / gar mit langem krieg sie allenthalben zubelegern / angstigen vnd nöten. Darzu ließ er enthaupten der Meyländer künig / den sie hetten vffgeworffen / mit namen Statius / der gefangen was worden / vñ name in der Römer thurn od bogen / hievor gemeldet / sampt dem schloß / nicht fere von Meyland gelegen. mit vil andern vmbliegenden castellen vnd fleckē. Dan als er vor der Romporten / sein zelt vñ legerstat her lassen schlafen oder vffrichten / vnd alle andere ort mit der belegerung / klüglich vnd füglich her verseyt vnd bewart nach notturfft vnd aller geschicklichkeit. Vnd da wenig tag verschine / vñ die feind in der stat verschlossen waren also hart. Da schickt er seine diener / den genannten thurn züstürmen vnd zubekriegen. Vnd als die männer so oben in dē thurn waren / hetten gesehen / wie seine seülen wurden vffgehawen / vnd zerbrochen mit hamern vnd zangen / vnd andern eyßen bückeln / wurden sie erschreckt / vnd fiengen sich an übel zufürchten / vñ erbotten sich dem Keyser den thurn zuergeben. Denen gab der Keyser das leben durch erlicher herren fürbitt willen / vnd ließ sie an einem seil vñ der höhe herab steigen / vñ vnuerlezt irer leib / wider in die stat gonen. Vnd als bald vñ des Keyfers gebot / stigen die tütschen vff den thurn / mit den bläfern vnd busonen oder thumeten / vnd ward da gemacht allenthalben in des Keyfers leger / ein groß laut geschrey vnd gethön von allermenschlich. Von welchem vnuersehenlichem geschrey / seind die verschlossen burger der stat Meyland gar fast erschrocken / vnd haben an zñzweifeln / was sie thün wölten / oder wahn sie sich ferē solten vmb hilff vnd rat. Vnd berüfften ire burger alle zusamen / vnd begerten friden



friden von dem Keyser vnd nament zu irem rat/die fürsten des Keyfers/ mit namenden künig vñ Böhem/ Herzog Lüpold von Osterreich/herren friderich erzbischoff zu Eölen/vnd herr Einhart bischoff zu Bamberg. Es was auch dabey herr Reinald/des Keyfers Cangler vnd herzog Ercho der Pfalzgrau. Die fürsten vnd herren alle waren mitler beyder seits/vñnd güt ratsfründ/die sagten dem Keyser deren von Meyland grosse vnderwürfflichkeit vnd gehorsame/des gleichen herwider/deuen von Meyland des Keyfers billiche gebot vnd annützung. Dañ als die Meyländer der schweren vñnd harten belegerung müd waren/vñnd von herr Guido irem burger berede/das sie sich an den Keyser solten lassen/vñnd sich ergeben an sein gnad/doch mit dem geding vñnd vorbehaltung/das sie die stet Lauda vñnd Crema dem Reich lassen solten/vñnd dem Keyser in barem gelt gebē neüntausent marck silbers/vñnd darzu bürgen auff dreyhundert/von den allerbesten herren vñnd burgern kinder in dem gantzen land.

**Wie der Keyser Meyland hat eingenommen/vñnd**  
da selbst ist eingeritten vñnd empfangen worden. 2c.

Das. xxxviii. Capitel.

**B**leibt als die burger den rat funden/das sie sich vñnd alles das ir/in des Keyfers gwalt vñ willen ergaben/habē sie blosseschwert auff ire hals vñnd achseln genomen. vñnd creütz vñnd andere zeichen vñnd vorgetragen/barfuß vñ mit blossen hembdlin/sich zu des Keyfers füßsen erbärmlich nidergelegt vñnd demütiglich auffgeben. Welchen Meyländern der Keyser/von wegen der fürsten bitte/also bewegt/das leben zugesagt. Vñ also die/die vorhin boshaftig waren/seind demütig vñnd vnderthenig worden. Darumb nach küniglicher gwonheit/ist er milt/fridsam vñnd begütiget worden. Vñnd als der friden also beschlossen vñnd gemacht was/da kamen alle Meyländer jung vñnd alt/dem Keyser mit schöner hüpscher ordnung entgegen gangen/als er wolt einreiten. Namlich an dem ersten 8 bischoff mit allen geistlichen prelaten vñnd priestern/auff das kostlichst gezieret/als ob er wolt über altar gen. Darnach alle edlen vñnd rats herren/mit blossen füßen vñnd schwerten auff iren armen tragende. Darzu etlich von der gemein/waren zügerüst/die herren arme schlechte kleider an/vñ grosse Ketten an den halsen. Vñnd als nun die obern vñnd regenten alle ständ für den Keyser kamend/da sielend sie nider auff ir angesicht/vñnd begerten gnad vñnd barmherzigkeit. Da inen nun die articel des fridens wurden fürgelesen. Da schwüren sie auff des Keyfers wort vñnd versprachen solichs zühalten/vñnd ließen alle gefangne ledig. Vñnd versprachen auch alle jar/six erwölten regenten vñnd obersten burgermeisters bestetigung/von dem Keyser oder seinem hauptman vñnd fürweser in Italien/zü reichen empfangen vñnd begeren. Also kam der Keyser gen Meyland in die stat/die er belegert het/vñnd ließ sie wider kommen zü ir ersten freyheit vñnd würdigkeit/im jar des M. C. Lviij.

Vñnd nach solchem triumph vñ sig/auff vnser frauen tag der geburt/ist der Keyser da zü kirchen gangen/mit Keyserlicher kron kostlich geziert/vñnd bey im der künig von Böhem/des gleichen gekrönt/vñnd alle andere fürsten vñnd herren/seind auch mit im gangen/yeder nach seinem stat vñnd würdigkeit/in rechtes loblicher

D iij ordnung.



## Von dem Keyser

ordnung. Vnd da ist ein lob vnd freud worden/ biß in himmel/mit allen dem/das  
freud vnd frölichkeit machen mocht. Vnd gab man da pfand vñ bürge/dadurch  
alle hoffnung/zuwiderstreben oder sich abzuwerffen/entnomen ist allen Lombar-  
dern. Deshalb alle stet vnd castel oder flecken in ganz Lombardien seind durch  
zogen worden vñd eingenommen von dem Keyser / die auch bürgschafft gaben/  
das sie wolten sein gerechtigkeit halten vñd handhaben. In mitler zeit nam der  
Pfaltzgraue Orcho von Witelspach genant / die stat Ferrar eine / die im gaben  
vierzig der allerbesten bürge vnd pfandschilling/vñ richtet da die stat Laudam  
wider auff zūbauen. Aber der Keyser ließ sein volck vñd den zeig allen ligen in  
dem feld bey Wodon/vñd demnach zogen die König von Ungern vnd Böhern wi-  
der helm in ihr land/sampt dem Herzogen von Osterreich / dem von Beringen  
vnd dem bischoff von Mentz. Vñd der Keyser zerbrach in mitler zeit denen von  
Dietrichsbern vil castel vnd flecken/mit verderbung irer güter/acker vnd feldes/  
als sie wol verdienet hetten.

Wie der Keyser ein gemeinen landtag ließ auß-  
rücken/vñd neüwe satzung der recht macht. 2c.

Das. xxxix. Capitel.

**N**ach dem nun als vnser Keyser Friderich  
die nechsten sterlin vñd döffer alle her erobert vnd eingenommen.  
Wolt er auch wider in ein rechte ordnung bringen/alles das von den  
Weyländern/was bößlich vñ vnrecht auffgericht vnd gesetzt. Dar-  
umb zū widerbringung des rechten/ ließ er ein grossen reichshoff vñ  
landgericht/ein Reichstag aufschreiben oder aufreissen zū Rongalien/allen her-  
ren vnd sterren in Italien vnd Lombardien/zūkomen für sich vnd alle fürsten/  
die noch zūgegen waren. Da selbst er dan vil lehenrecht vnd neüwe statuten. Dan  
gewonheit was der Lombarder/das sie ihrerecht zū Rongalien/genant Runtal/  
soltten suchen vnd erfordern/vñd ire iustitia am selben ort/ von dem Keyser empfa-  
hen oder annemen/was er dan auffsatzt / zūhalten. Vñd ward von dem Keyser  
ernstlich gebotten/das von yeder stat auß Italien/ solten dazin geschickt werden/  
weise kluge leut/edel vñd vnedel/sampt allen den / die etwas groß zurechtferrigen  
hetten/vñd gern zū recht komen wolten. Als sie nun zūsamen kamen/auff den be-  
stimpften tag nam der Keyser zū im/die weisen vnd edlen männer vnd fieng an al-  
le hendel vnd sachen zūerhören. Am ersten der armen/darnach der edlen/zū letst  
der stet. Vñd nach dem sagt er auff/den pact des fridens/wie ihn dann die für-  
sten in teitsch land pflegen zūhalten. Vñd auff das niemand dawider zuthun oß  
etwas vnderstünd/satz er ein bann oder geltstraff dor auff. Also wa ein stat/die ge-  
setzten recht des fridens brech vnd übertret/die solten geben hundert marck golds.  
Aber ein Marggraue fünffzig marck. Ein Braue vierzig. Ein capitaneer vñd  
Edelman oder ein andrer Hauptman oder halßherz zweenzig marck. Vñd ander  
gemein burger vnd edlen zehen marck. Also absteigende biß auff dreü marck gol-  
des/nach dem vñd s. ch dann aus yeden vermügen erstreckt/solt man dem Keyser  
als bald



## Barbarossa

xxij

als bald vnnertzogenlich/on alle gnad bezalen vnnnd überanewürten. Vnnnd ob yemand das nit möchte bezalen/der solt vorhin mit harten rütschlegen vnnnd gefencknuß/da heimant da er wonet/ lang übel gepeiniget vñ geschlagen werden/vnd dar nach fünff jar auß dem land verbotten. Vnd sunst ander vil vernünfftiger gesatz hat er daselbs ihn gemacht vnd auffgericht nach der weisen männer von allen enden rat vnd meinung. Vnder welchen auch das eins gewesen ist/ gar hoch verboten/das man die lehen nit solt on recht oder vnbillichen solt verkauffen vnnnd ver-ganten. Er hat auch richter gemacht in allen stetten der Lombarder/die von wegen vnd namen des Keyfers/die obgeschribnen fäll vnd büßen empfaßen solten/vnd denen also gewalt geschehe/güt recht geben vnd gebalten. 2c.

### Wie die Lombarder anfiengen wider des Keyfers gesatz zühandlen. 2c.

#### Das xl. Capitel.

**D**ennach hūben die Lombarder an zūmurne:  
len vnnnd reden wider die newen satzungen des Keyfers/dann es ist  
nit jr gewonheit/freuel oder büßen geben/sunder allein/das sie nach  
dem Römischen rechten oder gesatz/solten gnüg thūndenen die scha-  
den empfangen hetten/vnd dem vnbillich geschehen wer/ oder gelitten hetten/nach  
dem vnd sie dann schwören möchten/solchen schaden zūeiden. Von welchem gelt/  
der Richter/ allein den zweinzigsten teil oder mūder nimpt/nach dem vnd im dan  
das recht erkennet vnd zūgibt. Also thūnd sie gnüg für die schaden vnnnd raub/nach  
jrer gewonheit/vnd das wolten sie ee halten/dann des Keyfers new gesatz/das sie  
schwer dunckt/sich mit zweyen zurichten.

Es schreibt auch Oetho Frisingensis/der wol zūgegen mocht sein/das der Key-  
ser/von den Landsfürsten vnd weisen erfaren leuten der recht/fleißlich gefragt vnd  
erfürht hat/mit was rechten die stāt in Italien/dem Römischen reich vnderwürf-  
lich werend/vnd was sie zūthū schuldig seiend.

Da ward von jnen allen/mit gemeinem vrtheil erkennet/vnnnd sprachen zū recht/  
das alle freyheit/als münzen/zöll/schifferten/würdigkeiten vnnnd oberkeiten aller  
richter vnd rāt/bestetigung/für lon/rathseiser vnd richterster vnd heiser/von alten  
auffgesetzt/def gleichen schatzung zū nocturfft des Reichs / ihm erlau-  
bet weren/vnnnd das solt man verkünden durch ganz Itali-  
en/darauff ward der recht hoff entschlagen vnd ge-  
endet/also das menglich wider  
heim ritte.

### Von aller hand sachen die nach dem tag geschehen seiend.

#### Das xli. Capitel.

D iij



## Von dem Keyser



**A**ls nun der hoff ein end hett / hüb vnnsere Keyser  
 Friderich an / auß väterlicher begirde / heimfuchen vnd zübesichtige /  
 alle die stet in Lombardien. Vñ als er durch menig castel vñ stat was  
 geritten / kam er zü lezt zü der stat Alst / vnd die von Alst verliessen sich  
 auff den schirm vnd trost eins neuwen schloß / das sy an der stat gebawen herten /  
 vnd hübten an sich wider .hn zu setzen. Aber er gewan die stat bald / vñnd alles was  
 in der rindmauren was begriffen / demnach machte er sich an das vnüberwindlich  
 schloß / welches / wie wol es auff einem hohen felsen lag / vnd het gar ein engen schma  
 len zügang oder weg / so gewan es doch vnser Keyser Barbarossa gewaltiglich  
 in kurtzen tagen / vnd zemet also das hochfertig volck. Darnach ließ er die gefang  
 nen burger von Alst / von 3 weiber bitt / auß barmhertzigkeit williglich ledig. Nach  
 dem für er fürbaß in die landschafften Scurij vnd Martesij / die auch an die Mey  
 länder stießen vñ nahend gelegen waren / da bessert vnd bruxet er vil stätlin vñ neu  
 we schloß / auß denen er der Meyländer abfallen vñnd ableiuff möcht vertreiben  
 vnd abtilgen gar leichtiglich. Darnach als die statt Cremona / dem Keyser  
 vnderworffen / vonn denen zü Placenz / veyert vñnd angefochten ward / daruff  
 ten sie an des Keyfers hilff vñnd beystand. Als aber die vonn Placenz / forch  
 ten des Keyfers zorn vñnd gewalt / da begerten sie gnad / welche sie erlangten / aber  
 doch mit grossen gelt. In dise weiß / das sie die mauren vnd thürn der statt Pla  
 cenz



centz solten abbrechen vnn̄d umbwerffen darzū die grāben die sie von sorg wegen des Keyfers vffgericht vnd gemacht hetten/ widerumb solten vfffüllen vnn̄d verwerffen. Desgleichen die stat Janua genant Jenow / kam auch wider zū des Keyfers hulden vnd gnaden/dan̄ als sie vor her gehindert vnd vffgehalten die legaten vnd botschafften/mußt sie geben tusent marck silbers/ vnd darzū versprechen/ fre angefangnen mauern/nit vffbuwen noch weiter vffrichten/darmit sie dem Keyser deßter weniger möchten widerston. 2c.

## Von den botschafften die der Keyser aufschickt durch ganz Italien.

### Das xliij. Capitel.

**N**ach den dingen allen sucht der Keyser ein winterleger zū Alba/vñ schickt da vil botschafften vß/ die vß Etzelsijs vnd Campanis/solten Keyser recht vnd schatzgelt oder tribut fordern/vnd die potestat vnd gewaltigen / oder obern in setzen/in namen des Keyfers/setzen vñ besterigen. Desgleichen gab er dem iungen Welfen die graffschafft Wechtildis/daruon zum theil obgesagt ist vor langem. Es kamen auch zū dem Keyser vil legaten vnd botschafften/ als die ambasiaten des Keyfers von Constantinopel/die von Ungern/die vß Engeland/ vnd des künigs von Frankreichs. Auch so starben vil fürsten auß teütschen landen/vnd in des Keyfers leger/ deren einer was bischoff Ottho von Freysingen einzgelerter man/des Keyfers vatters brüder/ des gleichen herr Friderich erzbischoff zū Cölen/an des stat herr Reinald/des Keyfers Canzler gesetzt ward. Welcher Canzler sampt dem Pfaltzgrafen Ottho von Wittelspach/vnn̄d andern grafen vnn̄d herzen/allenthalben / aufgesandt wurden durch Italien/des Keyfers gebot vnd hendel zūuerschaffen/als sie nun auch gen Wyerland kamen. vnn̄d daselbst die burger berüffen/vnd inen da des Keyfers satzung/ gebot vnd vrtseyl/ zū Rorkalien gemacht oder auffgericht/ vnd gegeben durch alle landsherzen/als vor stat/ eröffneten vnd für hūbent. Da waren die burger solicher gesatz vnd neuwem gebot vngewon/vnd nit willig anzünem/ siengen das an zuuerachten/ vnd trieben die botschaffter mit schanden von iñ/ vnd siengen an mit aller macht/on vnderlaß dem Keyser zūwiderstreben vnd vngheorsam werden/dauon vil übelß entsprungen ist/ als hernach weiter wirt geschriben. Es schreibt auch Ligurinus / das vil lüt kein zweifel gehebt haben/sol man anderst glauben vß der heiligkeit/das bapst Aldrianus/ir widerbellen vnd vngheorsame gar fast hab gestiftet vnn̄d gemert/der vrsach. Als der Keyser hinweg nam sein gerechtigkeit/so in der stet schatzkammer waren/vnd die stet vnn̄d castel alle auffgethon/ das gelt überantwort. Da fieng der Bapst an den alten haß/er erloschen was lange zeit/ wider ernüwern/ durch bößer vnglückstifter/die da sagten/es solt dem Bapst zugehören / der wer rechter herr in Italien. Der dann von dem Keyser aufgab / er were ein vngerechter man/ grausam/hochfertig/vnd im vndanckbar/nem sich des obersten gwalts an/vnn̄d das einem Keyser nit zūstünd noch erlaubt wer / legaten vnn̄d botschafften gen Rom



## Von dem Keyser

Rom zuschicken/der bapst het es dan verwilliget vñ züglassen/vnd das er nit solt die castell vnd sterlin des bapstes/zwingen mit samlung der schatzung oder reichs steur vfflegen/dan allein so er erst ansacht zü Rom regieren/vñ die kron des reichs tragen. Darnach solt er sich massen/der kirchen güt vñ sant Peters erbfalls. Wa er das nit thet/solt er billich nit ein keyser/aber ein kirchenrauber genant werden/das man die ding alle mag an tag bringen vnd dar thün oder probieren mit vrsachen die gnüg weren. Aber vnser keyser friderich/der dan vnderstünd vnd wolt/die fürgehebrē handel zünichten machen vnd verwerffen/sich verantwortē. Sagt dagegen die flag / von dem zerbrochen friden / den der bapst nit gehalten het / vnd doch mit im eingangen/das er kein bündnuß oder einung wolte machen oder eingon/mit dem künig von Sicilien Rogerio/noch auch nit/ mit der kriechen fürstē/ on des keyfers willen vnd wissen. Darzū so wer er bereit recht zünemen nach aller weisen vrtail vnd meinung/ auff die obgeschribnen stuck vnd flag des bapsts. Da diß der bapst abschlag vñ nit thün wolt/da wolt sich der keyser nit me erbieten/ noch im entgegen gon/ließ auch also hangen.

## Wie sich die von Meyland wider abwurffen gegen des keyfers botschaft zc.

Das. xliij. Capitel.

**D**arnach zü der selben zeit/ in dem iar nach der geburt Christi M. C. liij. da schickt der Bapst zü denen von Meyland/das sie solten von dem keyser fallen/vñ im nit gehorsam sein/das sie nit vngern theten/vß vrsach kurtz vor angezeigt. Vnd deshalb als der keyser schickt zü ihnen/herz Reginaldum sein canzler erzbischoff zü Cölen/vnd den pfaltzgraffen herz Otten von Wittelspach / vnd graff Bözwein / das sie denen von Meyland solten verkünden vnd sagen/des keyfers gebot vnd willen als vor stat. Sunderlich was vff dem tag zü Ronkalien erkant was / das inen nit wol gefiel. zc. Da nun Reginaldus vnd die andern herren in die stat kamen / da ward das volck schwerlich über sie bewegt/vnd wolten sie erröden/doch so wurdē sie durch hilff herre Guidonis bladracensis/mit flucht dauon bracht/das sie kaum seind entlauffen/vnd vngelezt zü dem keyser kommen. Da nun diß der keyser vernam/da citiert vnd berüfft er die Weiländer / mit dreyen gebot brieffen vnd manungen für in vnd andere fürsten zükommen/ sich züuerantworten. Solliche gebot des keyfers haben sie verachtet / vnd seind zü dem andern mal also offentliche feind des Römischen reichs/ erkant vnd vßgerüfft oder declariert worden. Deshalb so hat der keyser alle teütschen fürsten berüfft vnd beschickt zükomen in den Combarder krieg/mit aller rüstung/als sich gebürt.

## Wie die stat Coma ist eingenommen worden vnd Lauda behalten.

Das. xliij. Capitel.

Als aber



**A**Es aber die von Cuma der Meyländer gesellen waren/vnd güt nachburen/ vnd der Keyser für sahe vnnnd erkant/das im in dem künfftigen krieg/ vil nutz von der stat Cuma kommen od werden möcht/vnd wol dienen zū allen sachen. Da nam er sein offerle sen knecht vnd diener alle zū im/ vnd mit dem ersten anlauff / nam er ein/ Cuma vnd den ganzen see. Welche vff des Keyseris wort/im glauben schwüren/vnd dem nach im stetigs trülich anhiengen/dañ als er dāhin kam/vnd vernam/wie jr burger vertriben waren/durch die Meyländer von jren eigen heüseren vnd wonunge/ da berüfft er sie wider zū kommen in jr stat mit Keyserlichem gebot vnd freisheit. Vnd er kam nit ee von dānen/bis das er deren von Cuma zwitracht/mit den Insulaner niederlegt vnd stiller/dañ in dem Cumer see lag ein Insel vnd ein schloß darin. Insula genant/ das yetz ganz vergangen ist / das thet denen von Cuma grossen trang an vñ vil leidens. Darumb ob der stat Cuma bauwer der Keyser gar ein fest schloß mit mauren vnd thüren wol versorgt / das die rütschen Patre- relum hießen. darein legt er die rütschen knecht/zū ein zusatz vnd hilff der stat/da durch er möcht der Meyländer anlauf widerston vnd sy betriegen. Darnach als er wolt gen Cremona reiten/ vnnnd kommen was bis zū dem schloß Lucaris/ da ward im entbotten vñ verkünt/wie die bosshafften Meyländer mit grossem hauf fen/zū roß vnd süß ziehen wölten auff die stat Lauda/sie zū betriegen/auff das sie die nütwen erbawen zinnen oder mauren vmbkörtē/vnd die burger die da wo- neten/eintweder tödten oder in gefenschnust brechen. Da diß der Keyser vernam/ da eilet er dapfferlich zū hilff der nütwen stat/ die er dān mit greben vnnnd schütten/ auch mit gütē mauren hat lassen festen. Vnd in welchem werck die von Cremona/Pasy vnd Nauerra grosse hilff thetē/ dān die erst gebawen stat het er mit grossen priuilegien vnd freiheden begabt vñ gezieret/damit sie deßter baß möchte fürkommen.

### Wie die Meyländer das schloß Tretin verbranten vnd gewonnen.

#### Das xlv. Capitel.

**D**arnach inn der heyligen wochen vor Ofteren/ zohe der Keyser in die statt Mantua/ vnnnd came nach dem fest der Oftern gen Bonony/vnd als er daselbst der iuristen vnnnd schrifftwey- ser/oder recht geleerten rat het/gab er den sentenz vñ urtheil wider die Meyländer/die vnghehorsam waren. Also das ire güter/solten jnen ge- nommen werden/vnd die personen in dienstbarkeit bracht / vnnnd die ganz stat in grund verderbt vnd vmbkört werden. Da diß die Meyländer inen wurden/saz- ten sie jnen für/gar ernstlichen das schloß Treticum/das die Keyserischen verhö- ren/mit gwalt zusfirmen vñ zuerobern/welches sie auch gethon habē. Vñ was sie da für walhen funden/ schlugen sie tod/ vnnnd fiengen vierzig rütscher/zerbrachen die mauren/vnd verbranten das ganz schloß mit grossem feür. Also wurden die Meyländer



## Von dem Keyser

Weyländer meinedig vnd widerspenig oder ungehorsam den Keiserischen gebotten vnd satzungen/ verstopft vnd verheret in irem übermüt kamen mit grosser rüstung für das genant schloß Treccum/vnd griffen es an/mit den instrumenten vnd werffzeig damit man die stein vnd direct hinein würfft / zu verderbniß der eynewoner vnd wider die porten des schloß/sie zu zerbrechen/vnd also vnuersehender sacht/namen sie das schloß eyn. Vnd da das geschrey außbrach von den Weyländern da hieß schier ganz Lombardy an widerstreben vnd ungehorsam zusein den Keiserischen gebotten vnd satzungen.

Deßhalb ließ der Keyser Barbarossa/allenthalben volck zusamen beruffen/vnd kret wider die Weyländer/gar nahen zu der statt/vnd greiff sie da an/vnd zu dem theil verbrandt er ire fruchten auff dem feld/in dem brachmonat/so sie schier zeitig seint/ließ sie abschneiden vnd den pferden vnderstrawen.

Er ließ auch den baumen die rinden abschellen/vnd die reben aufziehen/vnd thet ihnen da grossen schaden/als sie dann wol verdienet hetten/mitt irer vnereu vnd mißglauben. Dann der Keyser was gar erzürnt von der Weyländer handlung wegen vnd wolt nit warten der Teütschen Fürsten zu künfft/mit irem volck auß teütschen landen/wie er ihnen dann het zu geschriben zukommen.

Nam allen seinen zeitig zusamen was er vermocht/doch so ließ er ein hilff vnd zusatz zu Lauda vnd Cremona/vnd kam inn der Weyländer feld vnd verderbt da alles/das nit feüwor vnd eyssen/was er an kam. Hieß die reben abhawen/die beünent östen vnd verbot vnd verlegt alle strassen/hendel vnd kauffmanschaft / wer zu ihnen wolt/vnd ir aller stercksten vnd festen castel/nam er mit gewalt eyn/oder dz sie sich int selbst ergaben/aufgenommen zwey / die inn der Weyländer glauben bliben/dahin man nit wol kumen mocht/vnd nit zu weg lagen.

## Von allerley hendel des Keyser

vnd der Weyländer.

Das. xlvj. Capitel.

**N**ach an dem andern tag nach d offart vnsero herren an dem morgen sie vor tag / fiel der Keyser inn das starcke feste schloß Sancti Johannes/vnd nam das nit macht ein/vnder schling da vil Weyländer mit listen/also das sich die Keyserischen an dem ersten annamen zu fliehen/vnd die von Weyland eylten ihnen nach vnd wurden hindogogen/vnd also vornen vnd hinten angreifen/zü berden seiten.

Deßgleichen der Marggraff von Ancona/genant Branerius vnd Herz Dalins/bischoff von Mantua/legten nider wol fünffzig reysiger knechte der Weyländer/die einen raub von Lauda triben wolten. Vnd die Keyserischen die noch zu Cremona waren/erschlugen mit dem schwert vnzig reysiger vnd drey hundert fußknechte/die inn dem feld zu Cremona umschweiffen.

Vnd also vnser Keyser Frederich/die landtschafften der Weyländer/hat fast zerstört vnd umb löret allenthalben ire nachbawen vnd anstößer / da macht er sich gen Lauda



gen Lauda/dann er was nit wol zū süß/vnd krank an einem arm/das er den gli-  
dern wolt rat thū/vnd da auch erwarten der teütschen fürsten zūkunft auß teü-  
tschen landen. Des wurden die Wepländ innen/vñ da sie ihm mit gewalt nit mocht  
ten obligen/vnderstanden sie das mit bühereyen vñ trügnuß zuwegen zubringen/  
richteten zū ein gar starcken man / der nam sich narrey an vñnd gauckelreding / ein  
spilman/dañ er was ein schalksonar/vnd da niemant etwas böses dacht noch ver-  
argwohet auff in/da erwüsch er den Keyser bey einer nacht/vñnd wolt in vnder-  
standen haben in das wasser zuwerffen/zū einem fenster hinaus. Aber der Keyser  
erwüsch die saul in der zelten / oder als ich acht/die saul der fenster daran er sich  
hüb mit gewalt/vnd mit grossem gschrey vnd rüffen/bis er erweckt seine diener vñ  
kammerhüter. Als die nun herzū kamen/gebort er inen/das sie den verräter als bald  
da hinaus wurffen/da er den Keyser wolt haben aufgeworffen. Es seind auch be-  
stellt worden etlich brenner / die die stat Lauda mit feüer solten anzündt haben.  
Aber der erst ward ergriffen an der that vñ frischem handel/der offnet die andern  
all seine gesellen/das sie also mit einander verbrant wurden mit eignem feüer.  
Desgleichen ist ein vergiftter fromer auß Arabien / von den Wepländern zuge-  
richt worden/der dan dem Keyser bracht. zaum/ring/halsband/sporen/Endpff. 2c.  
alles also subtil vergiftet/wañ der Keyser solichs allein mit der hand anrürt/solt er  
als bald sterben vnd vmbkōmen von dem giff. Des ward der K. gewarnt/dañ d  
jauberer het nur ein aug/dabey mocht er in deßer baß erkennen. Vnd als er nun  
in des Keyser hof kame/ward er als bald in die gfncknuß gelegt/vñnd mit kei-  
ner pein oder zichtigung/mocht er darzū bracht werden noch gezwungē/das er das  
übel wolt bekennen/das doch am tag lag/vnd durch erfarnuß erkündet glaublichē.  
Noch die stifter solicher übelthat wolte angeben/sind veracht soliche marter all.  
Vnd dabey tröwet er dem Keyser/wa er etwas schwers wider in wolt vnderstōn/  
zūvolbringen durch auffziehung der vergicht oder pein vnd marter/so wolt er den  
Keyser/allein mit worten vnd sagen/vmbbringen vnd sterben machen. Welche ding  
alle vnser Keyser/als üppige verloren reding verachtet/ließ ihm die zung außreis-  
sen/das er nit mee kund reden/vnd mit glüenden zangen in seiten zerrē/vnd auff  
hencken an ein galgen. 2c.

Wie die von Crema von dem Keyser verklagt  
wurden/vnd Garda gewonnen.

Das. xlvij. Capitel.

**D**ieweil nun vnser Keyser Friderich zū Lauda  
was/da kamen zū ihm die von Crema/vnd erzälten ihm die vnbil-  
lichkeit vnd schmach/so die Burger von Crema/wider des Keysero sa-  
zung vñnd erkantnuß theten. Dañ als zū Ronkallen der Keyser mit  
recht gesprochen vñnd zū vtheil erkant hat/das die von Crema/solten zerbrechen  
die mauren eins schloß/das sie zū nachteil deren von Crema vnd Lauda hetten  
auffgericht/vñ den ablauff der wasser/den sie auch semlicher maß hetten eingefas-  
set/solten kōmen lassen in gemein/vnd außfließen nach seiner eigen art vnd natur/  
vñnd nach alter loblicher gewonheit/das wolten die von Crema nit thū/auß dē  
sem rat der Wepländer vñnd Bizier von Pressa / die inen hilff hetten zugesagt/  
E wider



## Von dem Keyser

woß die vō Cremona. Darüb alsß R. solche klag derē vō Cremona vernam vñ  
verhört het/da fand er ein rat/die widerspenigen Cremer/mit höres krafft/zübe-  
kriegen vñ zü überziehen. Da nun solche zü Lauda an des Keyfers hoff vñ leger-  
stat gehandelt ward/kam zü dem Keyser auß teütschem land frau Beatrix/sein  
celich gemahel/mit einem grossen zeüg der Fürsten vñ herren/gar herzlich vñnd  
wol gerüft/desgleichen Herzog Heinrich von Sachsen sein fründ /mit vil volcks/  
welche mit einander brachten zü dem Keyser ob zwey tausent reysiger/ etlich sage/  
zweinzigtausent/ich geschweig des andern süßvolcks on zal. Dife gewunnen am für  
zug das wider spennig sterlin Garda/vñd plünderten es/vñnd zünnten es an häuer-  
brennen/dañ als sie jr leger schlugen bey Garda dem starcken schloß/da tñeten die  
Knecht auß dem sterlin Pesena/beiden hören vil schaden. Darumb so wurden die  
teütschen erzürnet/vñ zerbrachē das sterlin. Darnach als des Keyfers volck kam/  
da zerstörten sie es erst von grund auff gar.

Wie die von Weiland ein güte schlappen ent-  
pfingen von dem Keyser/vñd wie er Crema  
wolt belegern.

**S**

Das xlviii. Capitel.

In mütler zeit kam dem Keyser für/ das die vonn  
Pafy wolten mit einem züg außziehen wider die Meyländer/darumb das sie ihñ  
jr land vñ lüt verderbt hetten. Darumb auß rat Herzog Bechtolds von Zeringe-  
en/machte sich der Keyser in der nacht auff/vñd in mitlem wald vñd weg/zwischen  
Pafy vñd Meyland/legt er sich heimlich verborzen/mit vil seiner diener auff das  
wartspil. Vñd verkündet da denen vō Pafy/das sy redlich solten sich neßern zü d  
stat Meyland/vñd ein raub da holen/od jnen das sihe nemen/so wollet sie verhö-  
ten. Da sienun das volbrachten vñd tñeten/da seind die vō Meyland auß d stat ge-  
brochen vñ zü der porten außgelauffen/vñ haben ihñ nachgeylt mit aller macht.  
Da ward ritterlich gefochten vñ manlich gestricke in mancherley weg des glücks  
beysein/von morgen an biß mittentag. Vñnd als die von Pafy /renzo schlagens  
müd waren/gedachten sie zufliehen. Soliche not ward dem Keyser verkündet/der  
im wald verschlagen was/vñd er hñt sich als bald auff mit den teütschen/von sei-  
nem heimlichen waldleger/vñ gab das paner dem Herzogen von Zeringen/vñ vn-  
uerseßender sach/fiel er an die feind/vñ schlug sie in die flucht. In welchem streit  
von der Meyländer burger meer dann dreißhundert seind gefangen worden/durch  
die Keyserischen/vñnd bey sechshundert erschlagen /deren cörper/ettwa manchen  
tag auff dem feld lagen/erbermlich vnuergraben/von den thieren vñ föglen zer-  
rissen vñd erzert/biß das der Keyser hinweg zoch/vñd sie da mit grosser klag vñnd  
weinen der ganzen stat/begraben wurden vñd bestet/vñnd vil der cörper wider  
in die stat gefürt. Nach dem fert sich der Keyser mitt seinem volck /zubelegern  
die stat Crema/vñ führt da mit ihñ die gefangnen Meyländer/die er dañ zeigt sei-  
nen güten freunden vñd günnern macht ihñen damit grosse fröwd/vñ widerumb  
groß hertzleid den feinden. Da kam zü ihñ hertz Euelso/mit einer grossen versam-  
lung der teütschen vñd Italianer/die ließ der Keyser alle ligen vñd bleiben/zü der  
belegung



belegerung der stat Crema/dann Crema was gar ein starcke veste stat/hat in begriff seiner weite wol ein welsche meil/mit grossen gräben vnnnd wasserflüssen/vnd tieffen mosigen böden/vnd mit vast starcken mauren/allenthalben wol verwart. Darumb so hofften die von Meyland/das ein solich ort/wol möcht des Keyseris gebotten widerstou vnd seine krieg/so es also fest were vnd mechtig/wol erbaue.

Was volcks der Keyser hett/vnd wie sie für Crema kommen seind/vnd da empfangen worden.

Das. xliij. Capitel.



**D**ennach zohe der Keyser auß zuempfangen sein gemahel frauw Beatrix/vnd hertzog Heinrich von Sachsen vnd Peieren/mit irem volck/die er alle gar erlich empfieng/vn mit den teütschen thet er aber ein streiff zü dem andern mal zünerderben der Meyländer feld vnd früchten/mit abhawen der baum vnnnd anderem/was züthün was/vnd jnen schaden bringen mocht/die sterlin vn vmblicgenden flecken alle/zü zerbrechen vnd zerstören. Dennach als das volck alles züsamen kam/da ward des Keyseris zeig gezalt auff hundert mal tausent streichbarer männer/dan da was Hertzog Cünrat von Schwaben/sein brüder/vnd Welff seiner müter brüder/der

E ij über



## Von dem Keyser

über ander seine reichthumb vnd vermögen/ allein auß der Graffschafft Wechtildis/ her ob zweytauſent reißiger in dem feld. Des gleichen der Künig von Böhmen sein enckle/ vnd der Hertzog von Osterreich/ vñ der Keyser ſelbs mit ſeinem volck/ von dem hertzogen von Sachſen vnd Peyer/ vñ mit ſeiner gemahel ritterschafft die alle zu dem ſchimpff kommen waren. Mit welcher Fürſten rat/ er das volck alles theilt/ in zwey leger/ mit dem einen die ſtat Meyland zu belegen/ mit dem andern Crema/ die deren von Cremona feind waren/ als ſie vor geſagt iſt. Dann die von Cremona/ herten dem Keyſer vmb der ſach willen geben anderhalb hundert pfund ſilbers. Darumb ſo ſchickt der Keyſer denen von Cremona ſierhundert reißiger zu einem zuſatz/ welche ſie ihm wider zuſagten zuſchicken/ in der rechten Meyländer belegerung. Darzu verordnet er drey edler Fürſten/ die das ganz hōr vor Crema ſolten ſieren vnd regieren/ namllich Hertzog Conraten ſein brüder/ den Pfalzgrauen am Rein/ vnd Hertzog Berchtold von Zeringen vnd Graff Conraten von Baſel/ die alle gemeinlich verſamlet/ mit hilff der ſtat Cremona/ eilerten zu belegerung der ſtat Crema. Da zogen ihn herauß entgegen zu dem ſtreit die von der ſtat Crema/ vnd tröſtet ſich der Meyländer vnd Buxier hilff/ deren knecht ſie gar vil bey ihm herten. Da ward redlich gefochten/ vnd jr vil zu beider ſeiten idergelegt vnd gefangen. Doch zu lezt wurden die von Crema/ getrieben vnd gezwungen/ wider in ihr ſtat mauren zu fliehen/ vñ ſich da mit den porten verſchließen vñ verholwercken. Da wurden ſie noch vil herter belegert/ dann die von Cremona trieben ſie zu einem thor ein/ vnd die Fürſten zu dem andern.

## Von einem geſpött deren von Crema wider den Keyſer geſungen.

### Das I. Capitel.

**D**al der Keyſer vernam/ wie die von Crema ein widerſtand theten gegen den ſeinen/ da kam er zu ihnen in die belegerung/ vnd vnderwegen wurden ihm überantwort ſechzig von Placentz/ von den Meyländern aufgehebt vnd gefangen/ deren einer was des Biſchoffs enckle. Vnd da ſie ſich verſieffen mit groſſem gelt zu löſen vnd ledigen/ vnd der Keyſer von ihnen vernam/ den betrug vnd liſt deren von Placentz/ von welchen auch obgeſagt iſt/ da lies er ſie alle hengen/ vnd berüſt oder manet die von Placentz/ vor ihm zu erſcheinen auff deren ſag/ vnd ſich verantwurtten/ als ſie aber mit kamen/ wurden ſie auch feind des Reichs geſprochen/ aufgeſchriben/ geurteilt/ erkeñt vnd erklert. Aber auff das er die ſtat Crema/ recht ordenlich kriegt/ mit auß eignem gewalt od fürnemen/ da legt er ſich auff die geſetzten ſtatuten vnd geſchriben recht/ vnd ließ von ihnen fordern/ den obgemelten pact vnd vertrag mit denen von Cremona gemacht zu Roncalien. Aber ſie verließen vnd tröſten ſich auff jr ſtarck ſchloß/ darumb das vormals Keyſer Lotharius mit aller ſeiner macht daran erlag/ vnd was nit ſo kün/ das ſelbig ſchloß zu belegen. Deßgleichen hofften ſie auff der Meyländer vnd Buxier hilff/ vnd also auß übermüt/ widerſprachen ſie des Keyſers gebotten ſie zuuerachten/ vnd die weiber machten dānz auff den offen gaſſen/ vnd  
ſungen



sungen diß gefang. Wie vor zeyten ist geschehen. Keyser Rocharis also muß ich rehen. Diser Keyser Friderich. Dann er auch da muß weichen glich.

Vnd mit schanden ziehen ab. Darumb trab fürbaß lieber Knab.

Diß gesang het den Keyser größlich mühen / vnd sieng an die von Crema noch harter zubelegern / das sie gar niendert mochten außkommen / vnd het inen grossen zwang vnd trang / wiewol er den sturm vmbsonst vnderstünd. Dann er ließ gegenhüren zurichten / vnd stalt also darauff lebendig die gefangnen Cremer auß der statt / vermeint also / wie hernach auch gesagt wirt / die Burger in den mauren / solten da irer Burger schonen / aber sie waren inen hart vnd gram / vñ wolten irer nit schonen. Sunder es ward fürwar gesagt / zu einer sunndern gedechtnuß ewigklich / das ein sun seinem vatter hab gerüfft / das er ihn nit mit steinen also wolt zu tod werffen. Dem antwort der hart vatter / er were dem vatterland meer schuldig weder dem sun vñnd als er da an dem thurn hieng / villeicht in einem Korb oder an der mauren klebet / warff er ihn mit steinen zutod. Da nun die von Meyland saßen / wie der Keyser zuschaffen het mit der belegerung zu Crema / vnderstünd en sie das Castel Manerbum auff einem andern ort nit weit von Crema gelegen / zu bekriegen / ob sie den Keyser da möchten abwenden. Aber graff Hozwein / ward von dem Keyser mit erlichen teütschen Kriegseütren dahin gesend / vnd versamlet ein sundern zusatz mit vil reysigen / die er daselbst zubauff bracht / vnd mit leichtem angriff vnd spiegelstechen / hiet er die Meyländer so lang auff / biß noch fünffhundert reysiger zu ihm kamen / vñ dem Keyser außgeschickt / da die Meyländer sie ersaßen / vermeinten sie der Keyser volgte inen nach / kamen sie in die flucht / vñ wurden ihr ein theil gefangen von Meyland / vñnd zu süß bey tausent erschlagen vñnd vmbbracht durch die Keyserischen. Etlich schreiben das in dem anlauff / annderhalbshundert seyen erstochen worden / vnd sechshundert gefangen vnd errenckt in dem wasser.

Wie die statt Crema ist gewonnen worden /  
vnd demnach gar zerstört. &c.

Das. li. Capitel.

**N**ach sollichen handeln allen da lag der Keyser noch starck vor Crema / dann sie waren behärig in dem widerstand / darumb das sie meinten / das volck solt abziehen / oder erliegen / vnd die belegerung zertrennen / vmb der keltre willen / die vnterdentlich was / sunderlich zu der zeit des jars / dann es was der Monath Februarius / genant Hornung / im jar des herren M. C. Lxx. Vñnd das der Keyser vngedultig wurd / von wegen der langen belegerung / vñ das ihm nöter wergen Meyland zukommen / als auch was / darumb mit gantzger macht vñnd allem volck / vnderstünd er vor zubelegern vñnd gewinnen die statt Crema. Deshalb so fiirt er darzu die blockheuser / die thürn / den stoßzeüg / vñ alle instrument vñ Kriegswaffen die zu dem sturm dienen / sampt den leutern ließ er an die mauren schlagen. Da ward den ganzen tag mit allen krefften gefochten ritterlich zu beyden seiten / vnd kamend vil leut vmb allenthalben / deren man übel mangel vñnd begeret vñnuerklagt. Da gewonnen die Keyserischen den eingang der außeren statt / dann al

E iij so da



## Von dem Keyser

so/da der Keyser erzürnet was/griff er die sache gar ernstlich an/vñ rüst sich zu stürmen das schloß/vñ ließ ringweiß umbher zu allen seiten/den stürmzig an die mauer richten/dero mancherley waren/die grosse stein hinein wurffen/vñ ande böß gestänck. Welche das schloß on vnderlaß ängstigten/vñ an dem ort/das ihñ vñ den zeigmeistern am fügtlichsten vñ geschicksten daucht sein/ließ er einen hülzenthurn auffrichten/durch die zimerleut vñ werckmeister/vñ vil grosser starcker hagen vñ zangen/die zu umbzeren dienten/ließ er alles darauff stellen. Dese gleichen die gräben füllen mit holz/erden/vñ allem andern/wie das genant mag werden/darauff man die muren künd erreichen vñ angreifen.

Da nun solichs wol ordenlich was zugericht vñ gerüst/da ließ er die pfandschilling vñ Burger/deren von der stat/die sie ihm vor geben hetten/ja ire kinder selbst vñ enklen/die allerbesten vñ namhafftsten geschlecht von der stat/in hülzenthurn köb hengen/die er an dem auffgerichtenthurn gemacht hett/vñ schüß also den thurn oder das blockhaus/zñ der stat vñ dem schloß hintreiben oder füren. Da waren die vmmiltten vnbarhertzigen Cremer/vergessen aller gerechtigkeit vñ natürlicher bündniß oder fründtschaft. Vñd wurffen auß dem schloß vñ der stat/groß stein mit werffstetig/schlencken vñ andern instrumenten/brachten alda die iren/erbarmlich vñ grausamlich selbst vmb das leben. Vñd als sie dauon sich noch nit wolten entsetzen/da ließ der Keyser etlich gefangen vom Crema/auff aller thurns höhe/vor iren augen auffhengen an galgen. Dese gleichen sie auch theten als die im ellend vñ iamer ligen/vñ vmb sich greiffen/wütend wie vnfinnige hund/nit grosser verzweiflung/liessend auch tetliche Keyserischen/zñ schmach dem Keyser/hengen auff iren muren/da sie auch den galgen auffrichteten. In den leuffen fieng Hertzog Heinrich von Meyern/zehen reisiger Burger von Meyland/die er dem Keyser überantwort/die wurden auch alle als bald da vor irem angesicht gehencket/wie vor stat/dan der Keyser was in zorn bewegt/vom solichem anreizen vñ vnbillicher grosser schmach/die sie ihm erzeigten. 26.

### Wie sich die von Crema hond auffgeben/ vñd wie übel es inen ist ergangen.

**D**as liij. Capitel.  
Nach solichen grausamlichen thaten vñ henden allen/da man die rüstung zu dem sturm het zugericht/vñ an gefangen die muren zustürmen/fiengen die armen burger an zuuerzweifeln/vñ ebutten sich die stat auffzugeben/allein das man sie bey leben ließ/dann der sturm weret die ganze nacht. Desehalb sie/an ferer irer beschirmung vñ wöze kein hoffnung meer hetten. Begerten ein red zñhalten mit Hertzog Heinrich von Sachsen vñ dem Patriarchen von Aquilegien. Mit denen sie von dem friden handelten/theren dar vnschuld ires irthums/vñd das sie in den krieg weren kommen/darüb das sie mit den Meyländern weren in bündniß/vñd allein auff das sie sich vor der Cremoner gwalt möchten beschirmen. Nicht das sie also hart wider die Keyserliche maiestat weren. Da ließ inen der Keyser zu/nach dem dann er ein miltzer barhertziger Fürst was/das sie von der stat vñ dem land/mit weib vñ kinden gon



gon solten/ vnd nichten jres gûtes mit jnen hinweg tragen/ dann allein soult als ein yeder auff der achßlen einest ertragen möcht/ das ließ man jnen zu. Desgleichen die Weyländer vnd Buzier/ die zu einem zusatz bey jnen waren/ ließ er abziehen vnuerlegt/ doch das sie ire roß vnd gewör alle hinder ihñ lieffen. Also ward die concordi vmd der vertrag auffgericht vmd zugelassen durch den Keyser/ damit alle Kriegshilff der Weyländer vnd deren von Pressa/ wird nider gelegt vnd jnen entnommen. Welche armen zusatzer also embloßt wurden/ vnd abzogen von jren waffen vnd gewör/ vnd allem den das sie hetten. Vnd allein des lebens von dem Keyser gefreuet/ gesichert vnd zugelassen/ solten also wider heim keren. Vnd des gleichen auch alle Burger von Crema/ solten aufziehen vomm der stat/ deren auff xx tausent waren/ vnd das jnen nic meer erlaubt wer von dem Keyser/ mit jnen zumein/ einem yeden soult er auff ein mal auch ertragen künde am rugken. Demnach ward die stat des Keyfers volck geben/ zutheilen/ zuplündern vnd zubeuten. Darnach alle die thürn vnd mawren zerbrochen vnd vmbgerissen/ die heuser alle angezündt vnd verbrant/ vnd die stat Crema in grund vmbkert vnd zerstört. Von welchem sig vnd überwinden der Keyser frölich ward/ vnd eylet gen Paff/ da machet er ein grossen triumphi vnd fröwdenspil.

Wie ein groß ellend diß was / zerrüttung einer solchen mechtigen stadt vnd  
schlosses/aber die vntreithen Walhen haben es wol tausentfaltig verdient. Diß  
geschach in dem jar des Herren M. C. Lx. in dem Mertzen.

Wie ein bund vnd conſpiration wider den  
Keyſer gemacht ward/vnd der Papſt ihn  
verbannt/vnd darnach ſtarb der  
Papſt an einer ſiegen.

Das. liij. Capitel.

**T**rittel zeit obgemelter händel/ als da schreibe  
Johannes Scriptorus von Cremona/ auß welches glaublichen schrift  
ten/ wir diß nachgond (das wir sagen wollen) gezogen haben. Ist wider  
unsern Keyser Friderich Barbarossa/ ein grosser bund vnnnd conspira-  
tion gemacht worden. In welcher verbindung/ sich schier zusamen verpflicht ha-  
ben vnd überein kommen seind/ der meere teil aller Cardinal des stils vō Rom/  
des gleichen König Wilhelmin von Sicilien/ vnnnd gar bey alle stet in Italien/ mit  
vil gewaltigen vnnnd mechtigen herzen des lands. Vnnnd ward da geben ein grosse  
sum geltres/ dem Papst Adriano/ das er den Keyser solt in hañ thün. Vnd dabey  
sagt vnd bezeuigt auch der genant schreiber von Cremona/ das er von glaubwü-  
rigen warhafften leuten gehöret hab/ geistlich vnd weltlich von Meyland vnd Bri-  
gien/ die bey der bündnuß gewesen seind/ vnnnd vernommen/ das die conspiration  
mit dem Papst Adriano/ also fest sey mit eyden bestetiget vnd zugesagt worden/  
das keiner von dem andern weichen möcht/ noch des Keyserers huld vnd gnad such-  
en oder annehmen/ sie verwilligten dann alle darein/ also das es inen allen gemein-  
lich lieb were/ vnnnd das sich keiner solte von dem andern scheiden oder trennen wie  
es gieng. Vnd ob der Papst stürbe/ so solten sie ein andern wölen vō der zal deren  
Cardinal/ die in diser bündnuß weren.

E iij Aber



## Von dem Keyser

Aber got schickt es anders/vnd forr die sach vmb auff ein andern weg. Dasi er hat gesprochen durch den mund Dauids des prophten. Sie werden ihn verfluchen/aber du wirst ihn segnen. Welche wider mich auffstond / werden geschendet/aber dein diener wird sich frewen/ Welcher wort artickel drey/in disem handel/klarlich seind erfüllet/dann den ersten artickel von dem verfluchen oder segnen des Keyser/wollen wir got beuelhen/was es krafft oder vnkrafft habe. Das annder wird kündlich auß den zwey nachgeenden stucken. Dann das erst ist nit von got kommen/sunder von dem teufel/das der Bapst hat gelt genomen vnd den Keyser verbanet. Auff das nun solichs erfüllet wird/das David sagt. Welche wider mich auffstond die werden geschmecht. So hat es sich also begeben/da der genant Bapst Adrianus/zü Anagnia den ban verkündt vñ ließ außgon über den Keyser. Ober wenig stunden vnd tag darnach/wolt der Bapst außgon spacieren/mit seinen dienern/sich zuerholen vnd erlustigen oder erlüfften/vnd als er da kam zü einem lustigen brunnen/da schepffet er des wassers ein trunct/vnd als bald/da kam ihm ein flieg oder mucken in den hals oder mund/ vnd hieng sich also hart vnd fest an sein kelen/inwendig in hals oder schlund / das sie mit keiner kunst noch hilff aller meister/gelupffet oder von damen bracht mocht werden / biß er den geist auffgab/vnd gestorben was. Also schreibt der Cremonensis / vnd auch ander meer historien schreiber. 2c.

## Von dem genannten Bapst ein andere meinung.

### Das. liij. Capitel.

**A**Bbas Vrspringensis in seiner Cronica schreibt von dem genannten Bapst also auff ein andern sinn. Aber so die Italianer/die ich hab mögen lesen/von solichem kein beschreibung thünd/vnd Johannes Flaxboriensis vnd andere/von Bapst Adriano vil erlich vnd erbers sagen / vnd in sunders diser Johannes/ sagt / er hab es von dem Bapst selbs gehört/das er gesprochen hat/das niemand arbeitfelig ist weder ein Bapst. Vnd das er bekant habe oder erfahren/vnd in dem stül/sonit ellends vnd leiden funden/das alle bitterkeit seines vergangnen lebens/zurrechnē gegen dem gegenwürtigen/sey ihm ein fröwd vnd seligkeit gewesen/vnd hab darzū geredt/ wer das Bapstumb begert/vnd nit in brüderlicher liebe vnd blüt stig/der sey Roland nachkommen in dem todschlag/vnd nit sant Peter/die schäfflin züweiden. Dis vnd andere wort/machen mich zweyfelv/was ich sagen oder glauben sol/ von dem genannten Bapst/dann wir schreiben oft historien vnd verlauffne sachen/vnderweilen meer auß neigung des willens so wir zü einem tragen / weder auß liebe der warheit. Aber das darff ich wol darzū setze/das Platina schreibe/wie das Bapst Adrianus/sey ein frummer redlicher man gewesen/der der kirchen güt vnd erb schafft hat gemert/vnd vil güts gethon der Christenheit/dañ auß geheiß Bapsts Eugenij seins vorfaren / dieweil er noch ein Cardinal was / her er das künigreich Noruegien/mit predigen vnd güten vnderweisungen/mit güten exemplen vñ vortgang/zü Christlichem glauben bracht. Demnach ist er gestorben. 2c

Wie zwey



Wie zwen Bapst erwölt wurden/ vnd ein  
groß scisma vnd zweyung sich erhöhe. 2c.

Das. lv. Capitel.

**D**al der Bapst nun verscheyden was/ da erwölet  
schie der ganz vnd meerer teil aller Cardinal/ herr Roland des alten  
Bapsts Canzler. Ein offnen feind des ganzen Römischen Reichs/  
von dem oben gesagt ist/ wie er des Bapsts legat was zü dem Keyser/  
vnd schier erstochen/ durch Herzog Erthen Pfalzgrauen von Wittelsbach/ dem  
vnd teütscher nation zü schmach geschach dise wal. Aber Guido Cremensis. Jo  
hannes sancti Martini. Imarus cuthulanus. Bischoff vnd Cardinal durch hilf  
vnd beystand des obersten regenten yu Rom/ vnd alles volck vnd Ritterschafft/  
in gegenwürtigkeit des hohen meisters vnd secretarien in dem palast. Vnd der  
Dechan sampt den Chorherzen in sant Peters münster zü Rom/ vnderschreiben  
sich der wal/ herr Octavian/ der darnach Victor genent ward.

Also haben die Cardinal angefangen zwitrechtig sein/ in erwölung des Bap-  
stes/ dann ire mein wölten den Octavianum/ gar ein geistlichen bewerten man in  
allen sachen. Das widertheil wölet herr Roland/ des Keyfers Canzler. Dem-  
nach ward ein pact vnd abred gemacht/ vnder den die gewölt hetten/ das kein teil  
offenlich/ den seinen nennen solt noch einfüren/ biß das die vneinigkeit zwischen in  
würde wider gelegt vnd abgestelt/ das sie sich vereinten. Aber in mütler zeit/ die auff  
herr Rolands seiten waren/ als der meereheil brach sein wölung auß/ dann sie zo-  
hend ihn an sich oder zü ihn. Vnd gaben ihm ein kleid/ das sie mantum hießen/ ge-  
leich einem mantel oder chorhemd vnd cappen/ das nam er in die hend/ vñ warff  
es fere von ihm sprechende/ er wölt kein Bapst sein. Da aber das widertheil solli-  
ches sahe/ da fürten sie iren Octavianum ein/ vnd setzten ihn auff den altar/ vnd  
gaben ihm den mantel.

Da nun ein solliche widerwertigkeit ward/ dannenher ein scisma vnd zertren-  
nig der Kirchen entsprang/ empfeng Octavianus gehorsamkeit/ deren die zü ihm  
kamen/ dann seiter wal/ verwilliget das Römisch volck alles/ daß er was ihn lieb  
vnd ein gürtiger demütiger man. Vnd aber da das ander theil/ auff Bapst Ro-  
lands seiten/ ihm auch wolt gehorsame thün vnd obediencz/ da trib er sie von ihm/  
sprechende. Sond zü dem/ den ir setzen auff dem stül sitzen/ vnd des volcks gunst vñ  
willen haben. Zohse da mit auß der stat Rom/ vnd blib in einem flecken/ den man  
sant Peters castel nennet.

Nach welches hinfart/ blib Octavianus zehen tag sitzen zü Rom in allem ge-  
walt. In mütler zeit siengen ir vil an/ die ihm vorhin gneigt vnd günstig waren/  
von ihm fallen/ auß eingebung der Cardinal vnd allermeist König Wilhelm von  
Sicilien/ vnd auch etlich stert in Italien. Des ward Rolandus innen/ vnd ma-  
chet sich zü dem König von Sicilien vmb beystand. Darnach an dem zwölfften  
tag/ durch hilf des selben Königs/ ward er zü Rom eingefürt/ vnd auff den altar  
gesetzt/ nach loblicher alter gwonheit des stüls vom Rom/ vnd ward genant  
Alexander.

Wie



Von dem Keyser  
Wie vnser Keyser Friderich die zwittracht wolt  
hinlegen/vnd ein Papst haben.

Das lvi. Capitel.

**D**arnach in dem iar des herren M. C. Lix. als  
Maclerus schreibt in seiner Cronica / ward Papst Alexander eingeführt zu  
Rom/der saß auff dem stül vnd regiment der kirchen/einundzweintzig iar. Vnd  
der ließ vnsern Keyser Friderich bitten durch seine Legaten / dieweil er noch vor  
Crema lag/ das er auß Keiserischem gewalt / die zwittracht wolt hinnehmen. Da  
antwort Keyser Friderich/es müßten vor beide Päpst gen Pafy kommen/da er  
dann auch wolt hinreiten/ zühören vnnnd vernemen die vsach der zwittracht  
vnd vneinigkeit. Dis sagt man/er hab es darumb gethon/als etlich schreiben/nit  
das er sie oder die sach des stüls wolt vrtheilen. Aber auff das er/von weisen gele-  
ten vnd geistlichen männern/die er darzü berufft het/mocht erkunden vnd wissen/  
welchem er vnder den zwen erwölten Päpsten/billicher mer solt gehorsam sein.  
Da die sach Alexander der Papst innen ward/macht er sich von Anagnin hin  
dersich wider gen Rom. Des ward Keyser Friderich zornig / das der Papst im  
nit het gewillfart/vnnnd schickt etlich Bischöff zu dem Alexander / die in nit als ein  
Papst/ sumnder als ein Cardinal nennen solten/vnnnd manet ihn zukommen/ in  
das Concilium gen Pafy/da wurden des Keyser botschaffter vnd bischöff vnn  
Papst Alexandro verworffen/vn abgetriben mit schanden. Des machten sie sich  
zu Papst Octauiano/dan Alexander het zu ihn gesprochen/ das der Papst von  
niemand solt geurteilt werden. Darumb so giengen sie von ihm/nit vngethonem  
handel/die Bischoff vnd Oratores/vnd wartten des bapsts Octauiani zu Signia  
dem der nam Victor geben was/vnd eereten ihn als ein Papst/vnd fürten ihn gen  
Pafy da ward er in dem concilio Papst erkent vnd außgesprochen/des kniet der  
Keyser vor ihm nider/ vnd fürte ihn das pferd/ nach alter gewonheit vnnnd demüt  
durch die ganze statt. Disen handel beschreibt Despringensis also. Demnach  
vnd künlich was/das ein schwere grosse irrung müßt werden in der kirchen gotes.  
Des ward vnser Keyser Friderich betrübt/ vnd het ein mitleiden mit der Römi-  
schen kirchen vnd gedacht wie er das möcht wenden oder abstellen vnd jr zühilff kö-  
men. Zu lest auß rat fromer leüt/satzte er im für/sie beide erwölten päpst/zü ihm  
züberleffen gen Pafy/dahin dan kam Octavianus/genannt Victor/ mit seinem  
anhang vnd fründtschafft. Aber Alexander vor genant Rolandus/wiewol er offte  
gemant was/verachtet dahin zukommen. Da ward vor dem Keyser vnd dem Pa-  
triarchen von Aquilegien/vnd dem Bischoff von Cremona/vnd vor vil andern bi-  
schoffen vnd Prelaten/der kirchen/Bapsts Octauiani handlung wol gerechtferti-  
get/vnd zügen dar gestellt / die gegenwertig waren seiner wal gewesen / also das sie  
solt gerecht sein/vnd Bapsts Alexanders verworffen. Vnd er were der war stat-  
halter der kirchen.

Des fielen ihm zu fuß der Patriarch von Aquilegien vnd ander Bischoff vñ  
Prelaten alle/des gleichender Keyser auch/damit er im gehorsam thet.

Vñ demnach schickt ihn der Keyser in teütsche land/da ihm yederman gehorsam  
me thet vnnnd vnderthenig was. Dann hertz Reinhart erzbischoff zu Eölen  
empfieng



empfieng in demütigklich/vnnd der Bischoff von Metz vnd Magdeburg auch/  
die sich alle dem Papst Victorii gern vnderwurffen/mit irem Weichbischoff vnnd  
Prelaten/vmb des Keyfers willen/das er im so günstig was/vnnd er so ein from  
man sein solt/des ward er fast gefürdert/das man ihm anhieng vor dem andern/  
den sie entfassen vmb eins bösen handels willen/danon obgemeldt ist/der im was  
begegnet/durch Herzog Erchen Pfalzgrauen zu Wittelsbach. 2c.

Wie der Keyser in bann gethon ward vom  
Papst Alexandro/den er von Rom auß veriaht.



Das lvij. Capitel.

**I**n sollichem handel des Keyfers ward papst  
Alexander bewegt/vnnd mit vorgeender geistlicher ermanung/thet er ihn in den  
grossen Bapstlichen ban/sie beide/Octavianum vnd Keyser Friderich/vn schickte  
auß brieff in alle land/die sein gerechtigkeit wissen vnd anzeigten/Vnd er kam wider  
gen Rom in dem andern jar seines Bapstumbs/vnd fand da vil widersacher/al-  
lermeist darumb/das des Keyfers zeitig vnd volck/aufgenommen die alt stat Rom  
vnd Anagniam/het sunst alle herlicheit der Kirchen eingenommen vnnd besessen.  
Dan er von Pafy eilet mit allem hör/den Bapst zusuchen /der ihn het verbanet/  
wie dann hernach volget. Wan da der bundt von den Cardinālen vnnd welschen  
stetten/nach bey leben des alten Bapsts Adriani/wider vnseren Keyser Friderich  
gemacht ward/das er ihn solt verbanen/ee das recht geschach/starb er/vnd ward  
da ein zweyung der Bapst/dann jr ertlich erwölten herr Roland/von dem wir hie  
vor gesagt haben/ein Legaten sein bey vnserm Keyser/vnd hießen in Alexander.  
Die andern fürsazzen herr Victorien/der vor genant was Octavianus.

Darumb aber das der Keyser dem Rolando feind was vnd widerwertig/auf  
vrsach/offt gemeldet/vnd dem Papst Victorii anhieng. Desßhalb so gab Papst  
Alexander den bann über den Keyser/des ward der Keyser zornig/vnnd mit hilff  
vnnd beystand der Fürsten des Reichs /sohe er als bald von Lombardien in der  
Briechen land/welche er alle mit grosser eyl/aufgenommen Anagnia vnd die al-  
ten statt gewaltigklich het eingenommen/vnd gab alles das er fand/seinen diene-  
ren zubeiten vnd zutellen. Des machte sich der Bapst auff/auf ermanung König  
Philippin von Frankreich/vnd kam gen Tarracina /durch schiffung darzu be-  
reit/auf beuelch König Wilhelmen von Sicilien/vnd für in Frankreich/vnd het  
da ein versamlung der herren/geistlichen vnd weltlichen zu Claremont.

Da rufft er auß den bann wider den Keyser vnnd Octavia-  
num hievor gegeben. Nñ als Urspringensis schrei-  
bet/so ist die son ein ganze tag verfinstert  
gewesen/das sie sach dunkel  
als der mon. 2c.

Wie der Keyser wider von Rom kam/vnd  
sich aber mit den Heyländern schlug.

Das. lviii. Capitel.



## Von dem Keyser



**D** nachgeenden summer / als Vrspringensis schrei-  
bet / ist der Keyser wider auß dem land Italien komen mit allem volck /  
vnd hat ansehen verderben der Meyländer somen vnd fruchte im feld /  
vnd treib da ab die Briyer gewaltigklich von dem schloß Inuium /  
das sie hetten belegert. Vnd da nun die von Meyland vnd Briyen / genant Pres-  
sa / kamen / wie sie sich dan berümpft hetten zuthun / also wolten sie sich mit im schla-  
hen / da er sie sahen nahe zu im kommen / sprang er als bald von dem pferd / vnd nam  
sein spieß / des sie erschrocken / vnd zu der selben zeit / da zerbrach er die brucken da  
die Meyländer solten überziehen / wann sie gen Pressa wolten. Vnd als er darnach  
auch der Placentiner bruck wolt abbrechen / da fürten sie neben der statt ein bach  
einher / vnd zogen die Burger mit macht daher / das die bruck nit mocht zerstörere  
werden durch den Keyser. Nach dem vnd der Keyser den Papst auß Rom vertri-  
ben het. Da zohe er zu dritten mal über die Meyländer / vnd zertrüet ihre frucht  
als bald / vnd zerbrach da ein schöne frucht / zwischen Meyland vnd Pressa / in mit-  
ler zeit vnderstünden die Meyländer mit versamlung aller ir macht zusamen /  
auch mit grosser hilff vnd beystand der Placentiner vñ Briyer / einnehmen den fle-  
cken



den Coratium genant Carcanum. Also das der Keyser ihnen ward/da samlet er sein volck zu samen mit denen von Pasy/Mauerra vñ Landa/vñnd begegnet ihnen dapfferlichen mit seinem volck/vñnd schlug sein leger neben sie vñ nahe zu ihnen. Da schickten die von Meyland ire botschaffter den Keyser zubitten/das er sie wider ließ ziehen in ir stat on schlagen/das ward ihn abgeschlagen/da stünden sie in grossen sorgen vñ ängsten des tods/namen ir rüstung vñ giengen an den streit/vñnd an dem ersten anlauff verloren sie vil füsßvolck/dan der Keyser was gar wol gerüst vñnd schlug ir vil darnider/vñnd nam ihnen ir baner/doch so ward die schlacht verzogen also lang/das des Keyfers zeüg auch müd was. Da fielen widerumb ein/die von Placenz vñd Pressa/vñnd schlugen vil der Keyserischen zurod/on die sie fiengen. Vñnd der Keyser selbst/mit gar wenigen/die er versamlet seiner diener/erwörter sich iren/in ein ring vñnd zwürbel. Vñnd da kam in den streit/ein grosser vñnd ein dicker regen/also das keiner den nächsten mocht erkennen noch bey ihm sehen kund. Vñnd also begab es sich/das der Keyser von bitt wegen der seinen bewegt ward/vñnd zohe ab dem platz/vñnd die feind mit iren gefangnen auch gen Meyland gar frölichen.

## Wie der Keyser für Meyland zohet. 2c.

Das lix. Capitel.

**D**ie hochfart der Meyländer lag dem Keyser stetigs im hertzen/vñnd gedacht on vnderlaß/wie er siemöcht vnderdrucken/darum so bracht er seinen zeüg widerumb zusamen/vñnd hüb an Meyland zubelegern. Aber die Fürsten wurden der sache vñnd zweyisch od zwitredig in dem handel/keiner wolt dem andern volgen dan Herzog Heinrich von Sachsen vñd Bayern/der nun hienor/von güthät des Keyfers/Herzog in Peyerin gesetzt ward/der vnderstünd den andern Fürsten züraten/das sie wider in teütsche land zugen/dann das reich het yetz eben lang gnuß dem Keyser gedient vñnd gereyset. Auch so klagte er die theürung der speiß vñnd der fruchten / so alle ding in Lombardien yetz mit feiur vñnd gewörs zerstert weren. 2c. Aber der Keyser befielt die andern Fürsten alle auff seiner meinung/aber hertzog Heinrich/der mocht weder mit bitt noch erzwung des Keyfers behalten werden/das er meier bleiben wolt/sunder seine Peyerin vñd Sachsen nam er von des Keyfers volck/vñnd zohet wider in teütsch land. Darumb bewegt vñnd erzürnet er des Keyfers gnuß großlichen/des er ihm auch darnach treüwlich danket / da er heim kam / als hernach geschriben wirt / in einem sundern capitel/nach dem Meyländischen krieg. Vñnd da kamen dem Keyser zu hilff hertzog Friderich König Conrats sun/vñsers Keyfers vorfaren/vñnd des Königs sun von Böhmen/ von dem Keyser obgesagt ist. Auch der bischoff Daniel von Prag/vñnd hertz Reinald Erzbischoff zu Eölen des Keyfers Cantzler. Welche herren alle mit grossen hauffen der edeln / dem Keyser zutrost kamen/als ihnen das ungeschick des Keyfers/mit dem Herzogen von Peyerin zuwissen kam/dan sie nit ferz von ihm lagen im zusatz/gereit in die vmbliegenden stert der Lombarder. Mit disen herren allen/auch andern Fürsten vñnd edeln/ wie hernach stat/vñnd mit seinen eignen leuten/belegert vñnd vmbgab d Keyser die stat Meyland. Aber das was warlich die vrsach/zubekriegen die statt Meyland/ als Volaterranus schreibt/

f das Papst



## Von dem Keyser

das Papst Alexander sich gethon hat zu Herz Eualfago/ Brauen zu Anglerien/ vnd Herzogen zu Meyland/der ihm offnung gab wider den Keyser. Darumb so ward der Keyser zornig/vnd kam dahin/ als er ihn het in hant gethon vnd lassen aufrüffen zu Clarenont. Vnd belegeret also die stat Meyland/ vnd alle die land schafften die sich mit inen hielten/ verderbt er in grund vnd boden/ dann alles das ihenseit dem Pado lag/ das was auff Papst Alexanders seitten gewichen. Vnd zu eeren seinem namen/ bauweten sie darnach die stat Alexandria vom neuwen auff. Das ich bas glaub/ nach der zerstörung der stat Meyland beschehen sein/ da die weyßlosen Burger nit wüßten wa auß oder ein/ oder wasir sie sich solten kere. Darumb so was herz Eualfago/ der Meyländer Fürst/ dem reich widerspennig/ vnd fieng in der stat vil sachen an wider den Keyser.

Wie die stat Meyland ist gewonnen vnd einge  
nommen worden zu dem letzten mal durch vnseren  
Keyser Friderich.

Das. ly. Capitel.

**D**A nun Herzog Heinrich von Sachsen von dem Keyser abzohe/ als vor stat/ vnd der Keyser die andern Fürsten behielt in seinem glauben vnd willen/ namlich den Herzogen von Zeringen/ des Keyfers Fendrich vnd banertrager/ Herzog Friderich vom Francken seinen vertern/ des gleichen Herzog Heinrich von Osterreich/ mit den Reichstetten vnd seinen schwaben auch Brauen Albrecht von Tirol. etc. Mit welchem mechtigen zeüg/ vmbgab vnd beleget er die stat Meyland also/ das sie nicht mochten auß der stat kommen/ noch ire gehülffen zu inen. Als aber Herzog Friderich die stat mit aller macht vnd gangzen krefftten wolt stürmen vñ bekriegen/ da dunckt die andern Fürsten ein anders/ das besser wer. Dann Pfalzgraff Otto von Wittelsbach/ vñnd der Keyser vermeint/ man solt sie mit hunger darzu bezwingen/ darumb das ein grosse zal volcks darin were/ vnd hetten bald vil auffgeessen vñ verzert was sie hetten/ darzu so wer ein grosser hauff der geselschafften vñnd kauf fleit/ die hetten in dreii jaren/ die weil d' krieg het gewert/ gar wenig frucht vñ Korn einkaufft/ das auch nit lang ligen möcht/ ob sie es schon hetten/ vnd des meinung ward gefolget.

Demnach als nun der Keyser die stat Meyland/ mit stetem emsigem krieg vnd anlaß bekümmert/ vnd teglich alle stund vñ augenblick verziert/ da begab es sich eines tags vmb vesper zeit/ das ein schlacht sich erhüb zwüschen zweyen parttheyen/ dem Keyser vñ Meyländern/ gleich vor der stat rindmaurē. In welchem streit herzog Friderich vñ Schwaben/ obgenant der Fendrich/ ein sun König Conrats/ bracht ein zeüg des Keyfers/ in die porten der stat Meyland. Da nū die schlacht volbracht was/ da blib vnser Keyser Friderich zūfuss/ auff der brug kander stat Meyland/ vnd ward ihm sein pferd mit vil wunden erstochen. Als aber der streit sich meeret vnd jūnam/ da wichen zu lest die Meyländer hūdsich hinan/ da dan in der flucht vnd dem weichen/ ir vil erschlagen seind vnd vmbbracht/ vnd meer dan tausent gefangen/ die der Keyser alle gen Landa schicket/ da sie den kalten lanngen winter/ in banden vnd ringen/ nackend vnd bloß/ ellendiglich behalten seind worden.

Des gleichen



Des gleichen seind oft vnd dick noch vil ander schlachten meer geschehen vonn  
inen. Doch zu erst im sibenden jar/nach dem vnd die stat Meyland also beleget  
ward/ist sie gewonnen worden. Dann diewel die belegerung weret/ habend die  
von Meyland/manchen aufzug versucht/ aber allweg seind sie gewaltiglich wi-  
der von dem Keyser hinder sich getriben vnd geschlagen worden. Da sie nun also  
mit hungers not/gar fast gecreünigt/geenstigt worden vnd gequetschet/da gaben  
siedem Keyser die stat auff/vnd namend an gesatz oder verbindung vmd artikel  
des fridens/wie der Keyser inen die fürgab.

Es sagen auch etlich/als die von Meyland/ mit vil grosser schrecken vnd scha-  
den betrübt/ auch mit bitter hungers not bezwungen/on alle fürwort vmd auf-  
züg/sich vnd jr hab vñ güt/darzu die ganz stat in des Keyser's hend geben. Doch  
schreiben etlich/das die schandelichen Juden/die stat verraten haben. Die ander  
ren schreiben/ sie sey mit gwalt gewonnen/ doch wie dem allem/so ist  
kund vnd wissend/das die stat ist in des Keyser's gwalt  
kommen. vnd ihm ergeben/wie  
hernach volget.

## Wie Keyser Friderich vil rüstung für Meyland


hat bracht vnd gehebt/ auch ein thurn auff reder hat lassen  
machen/des figur hie anzeigt/ damit er an die stat  
Meyland geruckt ist. Auch mit anderen  
rüstungen/hie nit alle angezeigt  
mögen werden/ vñ als  
so die stat bezwun-  
gen als vor  
stat. 2c.

f ij



# Von dem Keyser

## Ein Ziechturn



Wie die von Meyland seind außgetriben/  
vnd was schandelichen erds sie haben müssen  
schwören vnd eingon.

Das ley. Capitel.

**D**al das geschähe / sagt man das die edlen vnnnd ge-  
waltigen besunder seind herauß gangen / vñ das gemein volck auch sunder / die gieng-  
gen alle biß zu der stat Lauda / da dann der Keyser jr wartet. Aber die Burger  
stackten sant Ambrosius baner oder zeichen auff ire wägen genant Carotium / vñ  
füren da also für den Keyser / auff das sie ihn deßter leichter zu barmhertzigkeit  
möchten



möchten bewegen. Da sie nun also ellendiglich vor d stat Lauda stünden/schreibe  
 Urspringensis/da kam ein solich groß wetter vnnnd regen über die Weyländer/ als  
 ob sie von got geplagt weren/vnd da wolt sie der Keyser lang nit einlassen/damit  
 sie bas erkennen was sie gethon hetten. Da sie nun über lang eingelassen wurden/  
 vnd Caroria der panerwagen/nit mocht zu der porten einkömen/da ließ der Key/  
 ser das zwerchholz abnemen/vnnnd Carorium in vier stuck zerhauwen/vnnnd also  
 das baner offentlich einführen/vnd die armen ellenden menschen zu ihm lassen alle  
 sampt/vnd ihm also schwören vnd die stat auffgeben. Demnach ward durch des  
 Keyseris rät vnd Fürsten/die sach also gehandelt vnnnd beschlossen mit den Mey/  
 ländern/das alle Kriegsleit/sie weren von dem zusatz irer mituerwandten/gefelle  
 schafft vnd nachbauwen/oder durch sie selbs bestellt vmb sold/die alle solten na/  
 ckend vnd bloß/ongewör hinziehen/vnd allein das leben haben/gefreyet von dem  
 Keyser. Darnach so solten alle Burger vñ inwoher der stat/abweichen auß Wey/  
 land/vnd die stat verlassen/allein mit ihm nemen/souil sie einest auff iren achseln  
 tragen möchten. Vnd soliche eydopflucht müßten sie mit dreyhundert personē/dem  
 allerbesten auß Weiland/bestetigen vnd versichern/vnd das sie die stat nit widerüb/  
 bauwen wölten/vnd neün meil wegs von Weyland/erst wider ir wönung vnnnd be/  
 hausung suchen/wa sie anderst theten/solt ein yeder gwalt haben/inen leib vñ gü/  
 zutemen/wa er das ankem. Vnd den gemeinen schatz der stat solten sie dem Key/  
 ser anzeigen vnd überantworten. Welche stuck alle von den Meyländern seind an/  
 genommen worden vnnnd vollstreckt. Demnach ward von des Keyseris Soldaten die  
 stat beraubt/vnd alles das gebeitet das darinnen was/vnd schickt der Keyser vn/  
 zallich vil volcks/man vnd frawen mit iren kinden in teütsche land. Zu dem mal  
 ward auch Gualfagus der Weyländer hertz/mit bischoff Johanne/vnd andern vil  
 herren vnd Brauen geschlecht/gefangen/vnd in teütsche land gesende. Disen herren  
 Gualfagum/der d oberst regent vnd hertz was zu Weyland/hat vnser Keyser Fri/  
 derich/als erlich schreiben/drey tag vnder seinem tisch gehalten als einen hund/nit  
 beinen zu im geworffen/vnnnd übel lassen schlagen vnnnd geiseln/darumb das er das  
 arm volck also versüret het vnd widerspenig gemacht. Welcher auch in teütschen  
 landen etwan manige jar in gefengnis an Ketten vnnnd banden gelegen ist/zuletzt  
 hat er ein ring zerbrochen/vnd ist entlauffen.

## Wie die heiligen drey künig von Weiland gen Cölen

kamen/vnd sant Seruasius vnd Protha  
 sius gen Bressach.

Das. lxiij. Capitel.

**E**s diß geschah/da theilt vnser Keyser das heil/  
 thumb/vnd die kleinat der kirchen daselbst/vnder die Fürsten vnd Prelaten/auff  
 ir bitt vnd beger. Namlich der heiligen drey künig körper/die zu Weyland lagen/  
 bey sant Eustorio/da yetz das Prediger closter ist. Hat er geben seinem Canzler  
 Reginaldo/dem Erzbischoff von Cölen/der sie erlichen vnnnd loblichen mit ihm  
 führt/bis in die stat Cölen/vnnnd bestetet sie herlich in das Münster daselbst/da der  
 thumbstift ist/hinder den hohen altar/da sie noch rasten mit grossen wunderzeich/  
 en vnnnd gnaden/zutrost viler menschen der ganzen Christenheit. Vnnnd mit allem  
 f iij das heil



## Von dem Keyser

das heiltumb/ hat der genaant bischoff Reinalt von vnserem Keyser erworben. Sunder auch die körper sancti Veruasij vnnnd Prochasij/ mit vil andern würdigen heiltumb. Als er aber vom Basell den rein herab für/ vnnnd den Burgern der stat Breyssach/ den leichnam sancti Veruasij geben vnd geschenkt hat/ vmb mancherley grosser eeren/ würdigkeit vnnnd güte/ die sie ihm bewisen vnd erzeigten. Vnd der Bischoff wolt heim faren gen Eßln/ da blib das schiff stil ston/ das es nie mand fund oder mocht bewegen noch von stat bringen/ darbey er bald erkant auß gölichem einsprechen/ das die zwen brüder/ wie sie nit in dem leben/ also wolten sie nit in dem tod/ von einander gescheiden noch getheilt sein. Dñ gab denen von Breyssach/ auch den körper sancti Prochasij/ wie sie dann noch auff disen tag daselbst/ von den Christen menschen vnd den inwonenden Burgern reglich andechtiglich geert werden. Also hat vnser Keyser auch gethon den andern herren vnnnd Fürsten/ vnd inen geben das heiltumb vnd die Kleinarter der heiligen/ das mir alles nit zu wissen ist. Also das ganz land darvon reich vnd selig worden ist/ vnnnd begabet mit fröwen.

## Von zerrüttung vnd zerbrechung der gantzen

stat Meyland/ in grund vnnnd boden. 2c.

Das. lxxij. Capitel.

**D**ennach gebot der Keyser/ die stat Meyland allenthalben anzuzünden/ vnd durch die nachbauwen vnd anstößer/ alle thür vnd mauren niederreißen/ vnnnd die heuser umbwerffen vnnnd schleipffen/ der erden gleich machen/ vnd mit pflügen/ ringweiß vmb die stat faren/ vnd saltz dar ein werffen/ zu ewiger gedechtnuß/ als ein böser boden vnnnd vnfruchtbar erdrich/ das nimer nichts güts noch fruchtbares geberen solt. Da nun zu solicher zerstörung der stat Meyland der burger nit gnüg was/ oder es villeicht nit gleich bald thun wolten/ gab ihn der Keyser zu (die sach zuuolbringen) hülf deren vñ Crema vnd Paff/ vnd anderer vmbliegenden Keyserlicher stet/ deren sie gar seind waren/ dan sie hielten es allweg mit dem Keyser/ wider die Meyländer/ vnd waren stetigs bey ihm/ auff das sie es redlich volbrechten. Vnnnd also geschah in kurzen tagen/ das in der stat Meyland/ allerley wilde thier vnd vergifftte schlangen woneten. Dñ als der prophet schreibt/ mancherley geschlecht d teufel/ daßer ich acht/ das sie noch zeichen des schlangē führen. Das da d Keyser volkommenlichen gewalt über die Meyländer erlangt het/ vnd sie ihm on wideried vnd on einigen außzug betten geschwo ren/ vnnnd die ganz stat besaß vnd erobert/ wolt er doch nit die vnterwürfen meinedigen glaubbrüchigen menschen alle eröden noch lassen vmbbringen/ sunder ließ ihn meer zeit zu der penitenz vnd des reuüens. Doch also/ das sie die statmauren so die alten Heiden oder Römer vor zeiten erbawen herten vñ auffgericht/ ganz vnd gar solten zerbrechen/ vnd deßgleichen die thür vnnnd betw der stat/ in grund abwerffen vnd umbkeren zuboden/ als gesagt ist/ vnd auß der stat gon/ vnd nimer meer darinnen wonen ewiglich. Da diß geschah/ ließ er darin mit dem pflügen eren vnd zuacker gon/ vnd saltz seuen vnnnd außspreiten/ zu ewiger verdammniß des bodens. Vnd was Burger er nit verschickt/ als ob stat/ in Germanien/ die seind ge setze



setzt worden an vier ort/weit von der stat gelegen/da sie dan in armen hütlin/ vnd schlechter behausung/ lange zeit verleben vnd jr ellende wonung setten. 2c.

Wieder Keyser gesiget vnd einen grossen  
triumph vnd hoff hielt in der  
stat Tycinum.

Das lxxij. Capitel.

**D**A nun das haupt der glaubbrichigen freuelen Lombarder/ was abgehauwen vnd vernichtet/ da ergaben sich erst recht gantz vnd gar die Placentiner vnd Buzier von Pressa/ sampt anderen stetten. die dem Keyser widerwertig waren. Welchen er gebot bey den eyden so sie ihm gethon hetten/ das sie ire statmauren auch wölten zerbrechen/ die gräben verwerffen/ die thüren abbrechen vnd kein hauß meer an das annde: lassen bauwen. Das geschah alles/ auff das sie nit abfielen widerumb/ sunder im glauben bliben/ vnd man sie deßter baß möcht wider darnach zwingen/ wa sie nit farb hielten. Vnd also riet vnd handelt er mit allen andern stetten der wider spemigen Lombarder/ die sich wider ihn gesetzt hetten. Vnd nach dem gab er ihnen vil regenten vnd oberste capitainen. 2c. Vnd also hat der grausam Keyser/ ein ernsthafter straffer der vngesamman/ die edle stat Meyland/ der alten Römer nachfolgerin/ gar zerstört/ gewunnen vnd erobert. Vnd das ist geschehen im jar des herren M.C. lxxj. Als er nun den triumph erlangt vnd gesiget seinen feinden.

Auff den Palmtag da trug der Keyser in sant Ambrosius münster zu Meyland/ in der hand/ ein Ast von einem olbaum/ für ein zeichen des fridens vnd sighaften triumphs. Nach sollichem volbrachten ampt vnd herrlichem handel/ da hielt er hoff in der stat Tycino/ mit seiner gemahel frawen Beatrix von Burgundien/ mit allen Fürsten vnd herren/ auff den heiligen Ostertag/ trug da die Keyserliche Kron/ mit aller würdigkeit vnd eeren. Da er dann zu seinem fest vnd wolleben ließ kommen alle Burger der stat Pasy/ frembd vnd heimisch.

Disen handel von den kriegten vnd streiten vnsers Keyser friderichs/ hab ich darumb deßter volkömlicher beschriben für ein exempel/ das darauß erkant wurde/ wie manlich vnd ritterlich er sich gehalten habe/ auch in andern kriegten vor vnd nach geschehen/ in frembden landen/ als zu dem theil hievor gemeldet ist. Vnd in erzalung nachuolgendem jar/ sovil mir möglich ist/ zuerkunden vnd erz-

faren/ auß alten historien oder glaubwürdigen personen/ kurz-

lich beschreiben wil/ dann alle ding so eigentlich auß

legen als diß/ machet ein werck/ vnlieblich

zulesen/ vnd verdrißlich

zuhören. 2c.

Wieder Keyser wider heim zoge in teitsch  
land/ mit allen seinen Fürsten vnd herren/  
vnd macht friden.

Das. lxx. Capitel.

f liij Darnach



## Von dem Keyser

**D**arnach in dem iar des herren M. C. Lxiii. kam vnser Keyser Friderich genant Barbarossa/wider in teütsch land/dan als er sein fürnemen vnd Kriegssach / mit den falschen Lombardern glücklichen vnd wol volbracht het/wie obstat/begabt er seine Fürsten vnd alles hōr/mit reichthumb/gaben vnd schenckin/herlichen vnd loblichen/als ein solchen großmehtrigen Keyser wol zam/vnd ließ yeden wider in sein land ziehen. Macht da ein friden zwüschen Pfaltzgrauen Eugen von Tübingen / etlich sagen Tödingen/vnd Hertzog Welfen dem jüngern/vnder denen sich ein Krieg erhebt het vmb des schloß Wöringen willen/das der Pfaltzgraff zerbrochen het. Welche Histori Nauclerus gar klarlichen beschreibet in seiner Cronica/vñ vor ihm Ursprungensis/die magstu hievon lesen. Dann der alt Hertzog Huelfo / dem der Keyser ganz Tusciam vnd Italiam het beuolhen zuregieren/da er das vngesell vñ den Krieg seins suns vernam/mit dem Pfaltzgrauen/das er schier gefangen was worden/vnd blöflich entlieff in das schloß Achelen/mit dreyen seinen dienern. Da zohe er auch mit vnserm Keyser Friderich auß Italien in teütsche land / vnd bracht zuwegen durch den Keyser/das die gefangnen seins suns von dem Pfaltzgrauen alle ledig wurde/ward also ein friden gemacht/den doch der Pfaltzgraff nit hielt/sunder bracht die Böhem in das land/vñnd die verderbten alle ding. Zu lest auß fürsichtigkeit des Keyser/ergab sich der Pfaltzgraff in den gwalt des alten Hertzog Welfen/zü Mm vor dem Keyser vnd allen Fürsten/auff einem Reichstag/der darumb was angesehen vnd gehalten. Da schickt ihn Hertzog Welf in das elend. auff ein schloß heist Neüwburg/in Curer bistumb gelegen. Als da schreibt Otto von sant Blesin. 2c.

## Von der straff wider Hertzog Heinrich von Sachsen vnd Meyern/vnd anderen sachen meer.

### Das lxxj. Capitel.

**D**ann vnser Keyser Friderich wider inn dem Reich was/vnd menglich sich entfaß vñnd forcht vor seinem angesicht / das er so freffiglich het gesiget in Italien/vñ obgelegten den vntreüwen walhen. Da fieng er an zerbrechen vil schloß der heimlichen reüber/vnd ließ die büben köpfen/die solichs stiftten vnd enthielten/vñ hūb an sich zurechen an Hertzog Heinrich von Sachsen vñnd Meyern/der von ihm auß dem feld gezogen was/ als hienor gesagt ist/vnd het ihm auch gern die andern Fürsten hinweg gefürt vñnd wendig gemacht/wa er sie nit mit güten Worten vnd verheissungen het überkömen/das sie bliben/damit er dan erwendt were/des herlichen lobes vnd sigs wid Meyland vñ ganz Lombardien. Darumb zü Wormbs auff dreyen Reichstagen mit offnem gebott/brieuen vnd Mandaten/ließ er ihn berüffen vnd citieren oder manen. Vñnd da er nit erschiit noch gehorsam was/da beraubt vnd entsetzt er ihn seiner Fürstenthumb/land vnd leüt/auff Keyserlichem gewalt/vnd rüfft ihn auß als einen erkamten offentlichen feind des Reichs. Demnach ward er seins lands vertriben/vñnd kam in Engelland zü seinem schweher/der gab ihm das iuergē/vmb seins ellends willen/die Graffschafft Pictauien genant/da sant Wilhelms her was.

Vnd



## Barbarossa

III

Vn der Keyser krieget ihn neun jar gar schwärlichen/bis das er ihn verlagte auß  
Teutschen landen/zü dem Künig von Engelland/des dochtermann er was. Vnd  
gab dem Pfaltzgrauen Otto vñ Wirtelspach / das land vñ Peyer / welches er  
zñ lezt erobert mit grossen Kosten/vñ gar einnam im jar des herre M. C. LXXV  
Von welchem regierenden herren vnd durchlechtigsten Fürsten der Pfaltz vñnd  
Peyerlands kommen seind/vñd iren namen haben/sich der titel fröwen vñd auß-  
schreiben. Aber Reginaldo dem Erzbischoff von Cölen gab er das land West-  
falen/vñd Braff Albrechten vñd Anhalt/gab er das Herzogthumb Sachsen/mit  
dem zeichen des grünen kranzes. Welche Brauen das Fürstenthumb besessen ha-  
ben vñd ingehebt/bis auf das jar des herre M. CCCC. XLII. da Herzog Erich  
von Sachsen vñd Wittenburg/vmb ungehorsame willen/ von Keyser Sigmun-  
den/vñd er an sein stat erhöcht vñd gesetzt/Warggraff Friderich von Meissen vñd  
welchem geschlecht entsprungen seind die regierenden Herzogen von Sachsen.  
Aber Lübeck die fast mächtig reich stat / an d See gelegen/ther er zñ dem Reich/  
vñd auf das nicht mit vngestraft blib/da beraubt er auch den ellende Herzog Hein-  
richen seiner wapen/schild vñd helm/ das da was ein weiß roß oder pferd in einem  
roten feld. Wiewol Keyser Friderich der ander/vñsers Barbarossa sun vñd nach-  
kom/sich erbarmet über das edel blüt/vñ gab Herzog Otchen/des genanten ver-  
tribnen Herzog Heinrichen enckle oder sunsun/für ein zeichen vñnd wapen/zwei  
gelbe löwen in einem roten feld/vñd libe ihm das Herzogthumb Braunschweig  
vñd die herrschafft Lünenburg. Von welchem blüt kómen seind auß altem lob-  
lichem stamen / die heütigen edlen herren von Braunschweig / deren vñsprung ist  
von den Welfen/ Brauen zñ Altdorff. Das was die schwer straff vñsers Keyser  
Friderichs / wider Herzog Heinrich von Peyer vñnd Sachsen/ seiner schwester  
sun. Vñd also ward das land getheilt/vñd der rach volbracht/vñd der sentenz zñ  
Worms geben über den Herzogen/also in neun jaren volstrekt/bis in das M. C  
LXXI. Dis alles wie vor stat mit Herzog Heinrichen / setze doctor Johannes  
Eck/in dem leben vñsers Barbarossa/da hab ich es funden vñd herzñ gesetzt/dañ  
nich bedunckt das fast wol dienen zñ diser hystorien/vmb der alten geschlecht wil-  
len. 2c. Sunst stünd also allenthalb teütsch land in gütem friden vier ganze jar.

Wieder Keyser mit dem Künig von Franck:  
reich handelt von der Bapst  
wegen.

Das LVII. Capitel.

**I**n mütler zeit schickt vnser Keyser Friderich zñ  
dem Künig von Frankreich Philippo/seine legaten vñd borschaffter / die besten  
im reich so er haben mocht/Hinzulege die scisma vñd zwittracht der Bapst/vñd was  
das jr endlicher beuelch/das sie beide Künig/als die obersten Fürsten d Christen  
heit/solten zusamen bringen die zwen Bapst/ein yeder den seinen zñ der versam-  
lung/auff das bestimpt end/vñnd welcher da am meisten recht het/das der beste-  
tiger würd. Vñd ermañt also vnser Keyser Friderich den K. vñd Frankreich/das  
er Alexandrum brecht gen Disson/welches ort bestimpt was zñ der versammlung/  
vñd er



## Von dem Keyser

vnd er sagt auch zu/selbs personlich dahin zukommen mit Bapst Victore. Vnd es sagen etlich/das der Bräff von Bloyß/ dem Keyser sein treue geben hab / das der König von Frankreich kommen wurd zu der versamlung. Da kam nun vnser Keyser/vnd bey dem wasser Sauum / das die welschen von den teütschen scheider/bey Dyffion schlug er sein zelt vnd leger auff mit Bapst Victore. Da waren auch die Schotten vñ Böhern/mit grossen hauffen volcks vmbgeben. Aber Alexander schlug ab in ein Concilium zukommen/das er mit bestimpt het. Da sagt man/das der König von Frankreich / an die stat kommen sey mit auffsatz/ ee das Keyser Friderich kam/vnd da züledigen den Brauen von Bloyß/der für ihn zügesagt het dahin zukommen/vnd er hab damit auff der brücken/auff dem wasser seine händ gewaschen/vnd den Keyser lassen berüffen durch den Herold/da er nicht antwurt/sprach der König/ich bin vnnuschuldig/vnd für daruon. Als bald kam der Keyser auch/auff den bestimpten tag/ vnd vernam das der König vñ Frankreich hinweg was/vnd vor dem tag erschienen. Da ward er zornig/vnd zöhe wider in teütsche land/vnd schickt da Bapst Octavianum Victor genant/ dem er bald nachkam/wider in Italien.

Von dem Concilio oder versamlung zu Dyffion/schreybē die historici mancherley/dan Blondus sagt/das Keyser Friderich geferlich wolt gehandelt haben mit Alexandro/das er abgesetzt wüde. Die andern dunckt das nicht der warheit gleich/das in gegenwürtigkeit des Königs von Frankreich/ der Keyser etwas betrügluchs möcht volbracht haben. Seytmal aber die sach im zweifel stat/ so mag ein yeder erwölen vnd glauben was er wil. Aber das ist kündelich / das über kurtz darnach Octavianus/victor genant/starb/in der stat Luca/vñ in der mütter kirchen daselbst/ist er begraben vor sant Nicodemus bild/da/als etlich schreiben/vñ wunderzeichen geschehen seind von got/ durch sein verdienst. Wiewol die Italiaener anders wöllen/vnd an stat Octauiani Victoris/ward erwölt vnd gesetzt zu einem Bapst/von seinem anhang/Vuido Cremensis/vnd geheissen Paschalis. In dem jar des herren M.C.LXX. Dem vnser Keyser obediencz vnd gehorsame gethon hat zu Boslar/vund dennach Herzog Heinrich von Sachsen vund Peyer-Conradus Pfalzgraff an dem Rhein/vnd Landgraff in Thüringen. Vnd die erzbischoff von Magdeburg/Prem/Trier/Cölen vnd Bamberg/vund schier alle Teütschen/vnd der meererteil Italischer Bischoff. &c.

Wie Bapst Alexander wider gen Rom kam/  
vnd ein neuer bund gemacht ward wider  
den Keyser.

Das lxxij. Capitel.

**I**n der selben zeit als Julius Brenestinus/ ein bischoff vnd stathalter des Bapsts zu Rom gestorben was/ vnd an sein stat gesetzt ward Johannes ein Cardinal sancti Johannis vnd Pauli/der bracht zuwegen mit seiner fürsichtigkeit vnd gaben/das der meererteil der Römer/auff Alexander seiten fielent/and verliessen Vuidonem Cremensem. Vnd zu dem mal/ward bapst Alexanders oberkeit/so gar in der Römer hertzen vñ sin bracht/das sie ihn öffentlich lieffen berüffen auff Frankreich. Vnd er ward geführt von Parß auff dem mdr



den m̃r/biſ in Sicilien/vnd demnach durch hilff k̃nig Wilhelms von Siciliē/  
biſ gen Rom bracht. Da h̃ben ſich an z̃f̃rchten ṽnd z̃beforgen/die gemeinen  
b̃nd̃ſter vnd geſelſchafftē in Italien/das der Keyſer ſie w̃rd überziehen/ṽn wi  
der in das land k̃men/als auch geſchahē/vnd ſiengen ſich an zuſtercken vnd r̃ſtē/  
vnd baten die nachbawen vnd anſt̃ſſer alle/das ſie z̃ ih̃n ein b̃nd̃nuß machte.  
Deßhalb da die von Crema/Preſta/Pergoma ṽn Meyländer zerrenner waren  
vnd vertriben/wie ob ſtat. Deßgleichen die Placentiner vnd Veronenſes/ṽn Die  
terichsbern vnd Briſier/Haben ſie ſich alle/ in ein geſelſchafft ṽnd b̃nd̃nuß ver  
bunden/vnd ſich z̃ſamen geſon/durch hilff vnd rat der Venediger/vnd des einſ  
worden einſelliglich/das ſie über die tribut/ſo ſie einem Keyſer gewonlich pflegen  
zugeben/ih̃m ſunſt gar kein gewalt meer laſſen wolten in jren ſteten. Des wurden  
die Lombarder bewegt/ṽn machten ein auffr̃r wider die/die noch Keyſerlich wa  
ren/vnd ih̃m anhiengen/nit jr parthey ſein wolten/ṽnd theren jnen vil leids ṽnd  
ſchmach an/mit groſſen ſchanden. Vnd die von Verona/beraubten etlich Caſtel/  
die der Keyſer beſetzt het/vnd ſiengen ſich alſo an alle Italianer faſt zuſetzen wi  
der den Keyſer/vnd tr̃ſten ſich der hilff des z̃k̃menden Papſtes. Dañ Alexan  
der der Papſt/der r̃ite jnen ſolichs z̃th̃n/durch den k̃nig von Frankreich/das  
ſie ſich alſo ſolten z̃ſam̃en th̃n/die Römer vnd Italiſchen ſtet/vnd von dem Key  
ſer fallen/vnd ſeine ſtathalter vnd gewaltigen alle auß den ſteten vertriben/vnd  
ih̃m alle tribut vnd ſchatzgelt abſchlaſſen. Deß gleichen die ſtat Meyland wider  
bawen/des worden ſie geherzt vnd ſrow/namen ein hoffnung der freyheit wider  
ledig zu werden/vnd dem Keyſer z̃widerſton/der/als ſie ſagten/tiranniſch regieret  
vnd gewaltiglich/nit mit recht.

## Der drit zug Keyſer Fridrichs in Italien.

### Das l̃yte. Capitel.

**D**a biß alles der Keyſer vernam/da iſt er bewegt  
worden mit zorn/ṽn hielt ein Reichstag z̃ Würzburg/in dem jar des herren M.  
C. Lxxvj. Bracht da zuwegen ein mechtigen z̃eig der Teüſchen/die alle willig  
waren in Italien z̃ziehen/dañ es was jnen vor wol gangen vnd glücklich z̃ Mey  
land/vnd faſt reich worden/wol bekriegt/vnd eyler da in das land z̃k̃men. Als er  
nun gen Verona ṽnd Dietrichsbern kam/da widerſtunden ſie ih̃m/aber es halff  
nichtē/dañ er ſchlug ſie dañen/ṽn ſieng jren Warggrauen Johañ von Padua/  
vnd ſchickt ihn gefangen gen Hochburg/in teüſch land/daher die ſelben herzen ṽn  
Baden noch heit̃ bey tag den namen haben/Warggrauen z̃ Baden/dañ es was  
vor allein ein Br̃ffſchafft. Vnd das iſt eben das geſchlecht/das abgeſtorben iſt in  
den herzen vnd Hochburg ṽn R̃öeln/ṽn danon die Warggrauen von Baden noch  
leben vnd regiern/wiewol etlich ſagen/K. Heinrich hab es geſon/laß ich fallen.  
Auch glaub ich/das die ṽn Verona/den Keyſer gern haben laſſen in das land k̃  
men/der hoffnung/wann er darein k̃em / müß er bleiben/alſo wolten ſie ih̃n ṽmb  
geben vnd ṽmbziehen mit allen b̃nd̃genossen.das er nit meer möcht herauß k̃  
men. Des nam ſich nun vnſer Keyſer Fridrich nit faſt an/der b̃nd̃nuß vnd con  
ſpiration/die ſie wider ihn gemacht hetten/die Welschen ſtet/ṽnd zohe biß in der  
Briſier



## Von dem Keyser

Brixier feld genant Pressa/vnnd theten niemandt keinen schaden noch überlaß. Vnd alle die stett/es weren Veron oder Crema/die zu ihm kamen/gab er güte anwerurt/vnd sagt er were nit da/sie zubekriegen/sunder mit dem Papst etwas zu handeln/da her er bey zuschaffen. Ob er die vneinigket mocht abstellen mit dem zweyen Päpsten/kam also durch Lombardien/bis gen Bononia/denen er sich milctiglich erzeigt/dan er nam sie an zugnaden/doch müsten sie ihm vor vil gelt vnd güts geben/darnach gewan er das ganz Picerner land. Da er aber vernam/wie die in Etruria vnd Römer land/Papst Buidonem Cremonensem/genant Pascalem/verschmachten vn verachten/der an des abgestorbnē Papsts Victors stat erwolt was/vnd das Alexander sein widersacher/zü Rom so in grossen eeren gehalten wurd. Da schickt er ein teil seins volcks der teütschen in Etruriam/vonn welchen das land der stat Rom/vnd der Römer herrschafft/feindlich ist angriffen worden vnd fast verderbt/vnd vil des lands ist wider auff des Keyser seiten gefallen. Es waren auch etlich burger noch zü Rom/die es mit dem Keyser hieltē/vnd den Papst Buidonem eerten vnnd hielten/darzu halff fast/das die teütschen edlen/mit verheiffung der gaben vnd schenck/jr vil verfürten vnd abtreunig machen. Also das Papst Alexander/mit der Kirchen gelt vnd güte das er außgab/zü beschirmung der stat Rom/auch mit seinem predigen vnnd güten Worten/die er teglich thet/wenig schaffen mocht/dann yederman was des Keyser zukunfft erschrockē. Da macht sich der Keyser für die stat Ancona/die lang kein krieg geheyrhet/vnd belegert sie hart/vnd über kurz darnach bracht er sie in seinen gwalt/vnd vnderstünd sein volck wider die Römer zulegen. Darumb zü der selben zeit/schickt er vor ihm hin/die Römer zubekriegen/bischoff Reinald von Cölen sein Canzler/vnd Christianum Erzbischoff von Nientz/denen er bald nachuolgt mit dem ganzen zeig wie hernach volget.

## Von einer grossen schlacht/die die Römer verloren/durch den Bischoff von Nientz vnd von Cölen. 2c.

### Das lxx. Capitel.

**D**ieweil der Keyser also vor Ancona lag die ihm widerspenig was/vnnd sie her belegert/da kam bischoff Reinald von Cölen/des Keyser Canzler/in das sterlin Tusculam/bey Rom gelegen/etwas vonn des Reichs wegen da zu handeln. Aber als die Römer vorhin/ein bösen willē hatten/zü den Tusculanern vnnd Albaner/nit allein darumb/das sie den teütschen geneigt waren vnd günstig/sie bey ihnen lieffen/auß vnd ein ritten vnd auffenthalt haben. Sunder auch das sie den Römern nit wolten schatzung geben/die sie ihnen vnleichtlich hatten außgelegt. Da sie nun vernamen/das der Erzbischoff von Cölen da lag/wurden sie bewegt mit zorn/dan sie besorgten sich vor dem Keyser/das er hernach kem/als auch geschah. Vnd machten sich auff in der ganzen stat Rom/jr bey dreissigtausent wolgerüster kriegsleut/vnd beschlossen oder verleiten den bischoff also wol in dem schloß zü Tusculam/zü schmach dem Keyser/das er mitter kunds außkommen noch enclausen/vnherren da alte schöne wöthafftige instrument/als zü dem theil Heuor angezeigt/doch alles nicht halff. Welches dem Keyser als bald zü Ancona verkündet ward/der durch rat etlicher welchlicher Fürsten abgerede



geredet ward/das er ihn nit solt retten noch emschütten. Da was vnder des Keyfers zeüg/der Bischoff vom Meyntz/da er nun verstünd/das man die geistlichen Fürsten in iren nöten wolt stecken lassen/vñ inen nit helfen. Da berufft er vnd bracht an sich/alle die er mit gelt oder güten Worten überkömen kund/vñnd bracht zusammen fünffhundert reissiger vnd achthundert Stradiotten genant Sarianos/zü dem streit fast wol geschickt vnd erfahren. Vnd mit erlaubung des Keyfers/zohe er dahin züledigen den Bischoff von Cölen. Da er nun dahin kam/vñ sich gegen den Römern gelegert het in dem feld mit seinen Soldaten vñnd reissigen/da ließ er sie bitten durch seine boten/vnd thet sie ermanen/der alten Römern tugend irer vorfahren/die er ihn in gedechnuß bracht/das sie den belegerte Bischoff frey ledig ließen vñnerlegt abziehen/dañ er were nit zü irem schaden dahin kōmen. Aber es waren verlorne wort/dañ sie sprachen vnd antwurten ihm/das der bischoff vñnd sein volck/mußt der vōgel speiß werden in lufften / darzū wolten sie es bringen/des solt er sich wissen zuhalten/vñnd verkündten ihm damit / sich zü dem streit richten. Aber der Erzbischoff was vnerschrocken/vñnd ermanet die seinen/das sie ir hoffnung vñnd trost nit auff die flucht stellen wölten/darumb das sie von dem vatterland vnd des Keyfers zeüg so ferz weren/vnd frembd in dem land. Sunder sie solten gedencen der feind vnwissenheit/das sie also vngeschickt weren/vñ aber sie ritterlich stritten vmb ir leben/nach allen krefft vñ vermōgen/vñnd doch auch so wol mit aller hand rüstungen als wol als die Römern bey ihn hetten / zum teil sie angezeigt/wiewol ir hülf klein was. &c.



**D**ie zukunfft des Bischoffs von Meyntz ward kund gethon dem Bischoff von Cölen / vñnd denen die in dem stätlin waren. Darumb so wurden sie frölich alle/vñnd nach der Teütschen sitten vñ hertzen/verordneten sie den zeüg/welche an dem ersten in die Römern fallen solten/welche beseits einher/vñnd welche auff die halten vñ warten solten/vñnd inen zühilff kōmen/die verzug an der arbeit vñ schlacht waren/in allen ängsten. &c. Vnd also richteten sie das baner auff/vñnd befalhen got iren handel/vñ iohsen wider die Römern. Aber der Bischoff von Cölen/mit dem Castellan vñnd  
 B seinen



## Von dem Keyser

seinen dreyhundert reissigen knechten/ rüsten sich auch zu/ denen zuhilff zu kommen/ daß sie kanten wol der freünd zeichen vñnd baner da fliegende in dem feld vmbher ziehende. Da hieß man an schlagen/die lanzen brechen/ spieß erschütten/ vñnd mit schwertern fechten/vñnd geschütz schießen. Vñnd nün war der bischoff von Eölen/ mit wenig dienern/wiewol geschickt vñnd vast ring zu dem streit/ brach zu dem castel herauß/vñnd griff die Römer zu rugt an. Da wurden sie hinden vñnd vornen/ mit den zweyen bischoffen vñndgeben. Vñnd da sie in allem schlaffen waren/da kam der bischoff von Weynz selbs mit seinem zusatz/ vñnd griff die Römer auch an der seitten an/wie daß vor angeschlagen was/ vñnd zertrant sie also von einander in drey theil. Darumb so warden jr gar vil erschlagen/vil gefangen/vñ zu lest gar über wunden vñnd gefangen/also das sie fliehen müßten/vñnd in der flucht/warden jr erst vil erschlagen vñnd vñndbracht. Da berüßten di: bischoff ire Soldaten vñnd knecht zusamen von der schlacht/mit grosser fröwden/ frolockende vñnd trümpfierende/ volbrachten sie die nacht. Da es nun am morgen ward/kamen die Römer/vñ wolten ire cörper holen/da warden sie veriaht. Zu lest schickten sie ire borschaffter zu den bischoffen/das sie vñnd lieb willen sant Peters/vñnd angesehen die Christenheit/sie wolten lassen begraben ire todten/das bäten vñnd begerten sie andechtigklich vñnd demütig. Welches inen da ist verwilliget vñnd zugelassen zuthun durch die bischoff/doch also mit dem geding/das sie die zal der erschlagenen vñnd gefangnen/ bey iren eyden solten anzeigen. Vñnd also ward der friden geben/ vñnd die todten begraben vñnd zu der erden bestetigt durch die traurigen Römer. Vñnd da sie die rechnung machten/funden sie an der zal/das der iren bey fünfzeßent tausent erschlagen vñnd gefangen weren. Diß schreibet also Ortho vñnd sanct Blesin in der volstreckung der Croniken/bischoffs Ortho von Frysingen. &c.

## Ein andere meinung von der schlacht.

Das lxxj. Capitel.

**D**ie Italischen histor: schreiber sagen/das der handel sich also begeben hab. Die von Tusculan/haben ein herren gehept/ mit namen Graff Reino /von des stiftung die Römer ein solichen niderlag gelitten haben/ vñnd das sey der Reino/der von Keyser Lothario/ ist begabt worden mit dem Herzogthumb Apulien/vñnd demnach von Rogerio König von Sicilien wider vertriben. Vil sagen das er tod sey vñnder Papst Innocentio/laß ich sein. Aber die Italianer sagen/das er noch dazumal/in friden vñnd rüh gelebt vñnd regiert hab. Vñnd wiewol er ein teütscher was/ so was er doch papst Alexander nit frembd oder vñngünstig. Aber der Römer haß wider die von Tusculan/ was so groß vñnd hefftig/das sie weder auß fürchte künfftigs nachkommens übels/nach von papst Alexanders ermanung/den Tusculanern wolten friden geben. Des ward Graff Reino beleget/der berüßt zu seiner hilff die Teütschen/die von des Keyser wegen noch zu Nepeso vñnd zu Suters lagen/vñnd begegnet damit der Römer wünten/schlug den feind nüd/semlicher maß/das man spricht/das dise Römer schlacht sich vergleicht hab der alten schlacht vñnd niderlag der Römer/ vor zeiten geschehen/apud Cannas/dauon die historien sagen/wie vnseeliglich die gewesen ist. Des warden



warden die Tusculaner freidig/ frow vñ übermütig/vñ fiengen an das ganz Rō-  
mer land zu kriegen vñnd überziehen. Ich acht aber das die Italischen schreiber/  
vns teütschen nit soulleeren giinnen/das sie vns ein solliche lobliche that zuschrei-  
ben/sunder sie setzen ee das den andern zū/die schon ire feind seind. Darumb so gib  
ich meer glauben Orsio von sant Blesin. Dēsgleichen Johān Ecken vñd ande-  
ren/die den handel mit kurtzen worten beschriben haben.

Die weil der Keyser mit der belegerung der stat Ancona vmbgieng da riet Herz  
Reginaldus Erzbischoff von Cölen/des Keyfers Cantzler / mit dreyhundert  
pferden gen Rom/da er dan ein walfart hin wolt thū/zū sant Peter vñd Paulo.  
Da er nun widerkert/vñnd kam biß in das schloß Tusculan / da vmblegten ihn  
die Rōmer mit dreitausent knechten. Da das dem Keyser zu wissen ward/schickt  
er auß Herz Christian/ Erzbischoff zū Maynz/ mit fünffhundert reißiger / ihn zū  
entledigen/des zukunfft die Rōmer wüßten/vñ meerten iren zeig biß auff zwölff  
tausent. Nicht deßerminder/ so griff Herz Christian der bischoff von Maynz/die  
Rōmer an/die da lagen/vñd brach der bischoff von Cölen herauß zū ihm mit sei-  
nem volck/vñd vertriben vñd verriagten die Rōmer alle ganz vñnd gar/das ir vil  
erschlagen wurden/der sie mangleren vñd begerten/vil gefangen/vñnd die übrigen  
in die flucht bracht/vñd kamen also frisch wider in des Keyfers leger gen Ancona.  
Diß geschahē in dem jar des herzen M. C. lxxvij. da die Rōmer wurden mider-  
gelegt/bey dem berg Porcon von den zweyen bischoffen / schreibt Dispringsensio.

Wieder Keyser für Rom zohe/  
vñd den Papst darauf  
verriagt etc.

Das lxxij. Capitel.

**A**lso nun vnser Keyser Friderich die stat Ancona  
erobert vñd gewann/da zohe er als bald von dannen / vñd mit allem seinem volck/  
eilte er für die stat Rom/die zubelegern/vñnd ließ nit nach/biß das er vom dem  
berg/de monte malo/die starmaynen sahe/dan er het für übel/das ihn der Papst  
het in ban gethon/das lag ihm im kopff. Darumb des andern tags/schlug er das  
leger/in Keyser Neronis wesen oder matten/ genant Pratum oder campus Ne-  
ronis/vor der stat Rom/vñd fieng an den Vatican zu überfallen/vñnd es wer na-  
hend geschehen/das er darein kommen were/wa des Papsts diener ihn nit so gar  
gwaltinglich beschimpfte hetten. Darumb so für er ein hauffen seines volcks zū  
sant Peters müenster oder palast/vñd hūb an die maynen daselbst zerbrechen/vñd  
ließ anschicken seine werckleut/alles das sie kündten vñd mit gewalt mit  
vil mechtigen kunstreichen werckzeugen/damit er die stat mit  
macht begwältigen möcht / wie dann sie ein instru-  
ment anzeigt wirt/vñnd mit vil anderen/  
die nicht alle angezeigt  
mögen wer-  
den. etc.

S ij Diß



# Von dem Keyser

Diß gerüst vnd instrument ist zu brauchen  
über ein statmauren einzuschießen vnd leytern  
anzuworffen. 2c. Des bericht nicht  
stat haben zu beschrei-  
ben. 2c.

640



Dadas



**D**as nun also langsam wolt zügen da hieß der Keyser feür vnder das dach vñnd in die thor oder fenster stossen. Aber die hütter vñnd knecht begerten den brand vñnd das feür zuwenden/vñnd schlossen die thor auff/vñnd lieffen den zornigen Keyser hinein gon. Da das der Bapst vernam/vñnd wie die Teütschen hinein kamen/flohe er ad Palladium/in edes frege panum genant. Da nun König Wilhelm von Sicilien vernam des Bapsts not/da schickt er ihm ein grosse sum gelts/vñnd zwo wolgerüstete Baleen/damit er sich möcht auffenthalten vñ er weren/dañ er besorgt/der Keyser würd darnach auch über ihn ziehen/als auch warlich wer geschehen/dañ er hett es vor langem gar wol verdient. Es schickt auch in mitler zeit der Griechisch Keyser Emanuel/von Constantinopel seine legaten vñnd borschaffter zu dem Bapst Alexandro/die ihm zusagten vñnd verhiessen ein groß volck/wid Keyser Friderich/vñnd das alle Griechen einhellig vñnd eins willens weren/mit d Römischen Kirchen/in dem das die Quentisch Kirch/mit der Occidentischen vereint würden/ja wann der Bapst litte vñnd verwilligte oder zülief/das d Römisch Reich/das vormals geteilt/gescheiden vñnd zertrent were/von den Griechen zu den Teütschen das es wider in ein corpus zusammen keme/vñnd einem herren dienet oder vñnderworffen were. Dis ließ der Bapst in dem rat seiner Cardinal bedencken vñnd ratschlagen/vñ gab da von dem selben rat des genanten Griechischen Keyfers borschafft zu/zwen legaten/die mit ihn solten faren gen Constantinopel/vñnd alle sache eigentlich erkunden vñnd erfahren/welche handlungen/als sie Bapst Alexanders gmit gar irrig vñnd zerströwt hettten gmacht/also brachten sie auch mit wenig sorg/vñnserm Keyser Friderich/da er sahe vñnd vermerckt/das sich des Bapsts hilff wolt meeren/durch die außlendigen vñnd frembden herren. Vñnd schickt deshalb die Teütschen Erzbischoff vñnd Bischoff/für ein borschafft in die stat Rom/das sie mit den Römern also handelten vñnd schafften/das beider Bapst handel/Alexanders vñnd Guido nis/von inen solt verhört vñnd geurteilt werden/mit gutem gleichen willen vñnd partheyen/vñnd wölcher der würdiger vñnd gerecht erkant würd/der solt das haupt der Christenheit sein vñnd gehalten werden. Wan das geschehe/so wolt er inen friden zu sagen/vñnd alles das so er eingenommen het/der Kirchen wider geben. Welche sache/als sie geacht was/genglich auff Keyser Friderichs willē dienen. Da gieng d bapst bey der nacht daruon/vñnd durch die schiffung obgemelt von Sicilien/fücht er sein heil mit der flucht/vñnd kam erstmals gen Caiera/vñ als bald gen Beneuentum/dañ er entfaß vñnd forcht des Keyfers zorn/vñnd mit wenig dienern flohe er gen Beneuent/da er dan seins Rocho kleid anlegt/vñnd kam heimlich gen Venedig. Judien bey den Augustinern/als hernach geschriben würt.

**Wie die Römer dem Keyser die stat auff-**

**gaben/vñnd der tod oder sterbend vñnder das volck**

**kam/das der Keyser wider**

**heim zohē. 2c.**

**Das lxxiij. Capitel.**

**A**ber die Römer als sie erschrocken waren vonn des grausamen Keyfers angesicht vñnd gegenwertigkeit/brachten sie ihm die stat.

**S iij schlüssel**



## Von dem Keyser

schlüssel entgegen/vnnd theten ihm auff alle porten der stat/das er hinein ritte/mit seinem ganzen volck. Da nun der Keyser gewislich vnderricht was/das der bapst hinweg geflohen/nam er ein sum gelts von den Römern/vnd zoch hinweg on allen iren weitem schaden/vnnd begert wider in teütsche land zu ziehen/als auch geschäße/vnd alle ster vñ flecken/die in dem weg lagen/zwang er ihm züschwören vñ gehorsam sein/vnd legt ein züsatz gen Pasy/vnd einen gen Cremona/vnd den andern zeüg oder kriegsvolck ließ er zü Trient/doch kamen vor jr vil vmb durch den tod der pestilenz/dan als in dem monat Julio hienor bey Rom die großschlacht geschäße vor Tusculan/ward der lufft vergift/vnnd macht den sterbar. Welcher dan den Keyser fast auß Rom vertrib/dann allenthalben viel das volck darnider wie das rube/burger vnd frembde/vnnd sturbent ire vil. Es starb auch dazumal der Bischoff von Cölen/ein stifter alles dises vnglücks vnnd aller auffrür/zwischen den Bapsten vnd dem Keyser/des Cantzler er was. Item der Bischoff von Speyr/Regenspurg/Prag/Verduñ/Lütich vñ andere herren meer. Item Hertzog Friderich von Schwaben/Künig Conrats sun/der iung Welff von Altdorff/Berendarius Bräff von Sulzbach/Heinrich Bräff vom Lützingen oder Lomgen/mit vil andern edlen/die alle erlagen von dem grausamen tod/deren geben gedöret/vnd wurden heim gefürt in teütsche land/mit grosser traurigkeit vnd kumber/got hab ire seelen/vnd sey inen gnedig vnd barmhertzig/vnd vns allen.

Vnd wie ich vor gesagt habe/das der Keyser in dem heimzug/die schloß vnd stet so er fand in dem weg Tuscia vnd der Römer land ligen/alle einman/vnd seinem gewalt vnderthenig macht/vnd darzü ertlich neuwe schloß ließ bauwen/darcin er die Teütschen legt/zü einem züsatz dem bösen volck zuwiderston. Als auff dem berg Radicophano bey Rom/ließ er ein sollich hoch starck schloß machen/darauff er die Römer also zwang/das der Bapst von Rom weiche müßt. Er sagt auch allenthalben durch ganz Italien/an alle ämpter vnnd oberkeit die Teütschen. Als zü Spoleto den freyherren Bideulsum/in der Marchia zü Ancona vnd Raenna Bräff Conraten von Lützelburg/den die walhen sagten/er het Hurnausen im kopff/darumb das er also vnnsinnig vnd wild sach/vnd in allen sterten sagt der Keyser neuwe richter vnd vertheilsprecher/damit zohe er auß Italien.

## Von etlichen andern hendlen die sich in miter zeit begaben mit dem Bapst.

### Das lxxiiiij. Capitel.

**D**ieweil der Bapst noch zü Beneuent was/da schickt Keyser Emanuel von Constantinopel zü dem anderen mal sein Secretarien vnd Legaten zü Bapst Alexandro/vnd gab den Legaten ein grosse sum geltes/die sie am ersten überantworten/darnach mit einer langen red/beschloß er also/wie das der Griechisch Keyser/sich mit allen den seinen/wölt vnderwerffen vñ ergeben der Occidentalischen kirchen zü Rom/wie auch hienor stat. Ja wann der Bapst die Keyserliche kron des Occidentalischen Römischen Reichs/deren Keyser Friderich billich vnd von recht solt beraubt werden/durch sein handlung/dem Keyser von Constantinopel wider gebē vñ leyhen wölt/wie auch vor zeiten gewesen wer//



sen wer. Welchem botten der Griechen/Bapst Alex ander auß rat seiner Cardi-  
näl/also antwortet/er wölt das nit wider zusamen bringen/das er vor zeiten mit  
grossen ernst vnd anschlag/seine vorfaren seliger gedechtnus/zertrent vnd geschet  
den herren. Darzū in einer solchen schweren sache etwas zuthun/müßte er sich baß  
vnderreden vnd bedencken mit seinen brüder vnd Cardinälen/vñ das wurd erst  
dañ geschehen/wañ durch einhelligkeit seiner Bischoff/des nechsten tages ein Con-  
cilium versamlet würd/dañ die sache/vnd ein sollicher grosser handel/ stünd nit al-  
lein an einem menschen/sunder an vilen/darumb so müßte es auch nit von einem/  
sunder von vilen gehandelt werden/mit disem abscheid führen die botten darvon.

In meler zeit starb der ander Bapst Guido/genannt Piscalis zū Rom in  
sant Peters münster/das er noch besaß vñ in het/ mit grosser hilff Keyser Fride-  
richs/an welches stat von etlichen widerwertigen widerumb erwölt ward Johan-  
nes Garmensis/ein Cardinal auß Vngerland/den sie Calixtum hießen/welche  
der Keyser aber enthielt/bey Bapstlicher dignitet vnd würdigkeiten.

Hiez wüßchen handelt Bapst Alex ander vil mit den Römern/vnd begert das  
er wider möcht gen Rom kommen/ mit geding wie sie selbst wolten / dann er sagt  
den Räten vnd dem volck zū/er wölt nichten ansahen noch vnderston/dann allein  
das/das die Kirchen antreff vnd den götlichen dienst/da aber solichs ihm nit ward  
zügelassen/blib er wa er vor was/zū Venedig. 2c.

## Was vnser Keyser Friderich gethon hat

da er wider in Teütsche land  
kommen was. 2c.

Das. lxxv. Capitel.

**I**n dem iar des herren M. C. Lxx. Joh. vn-  
ser Keyser Friderich auß Italien/vnd kam wider in teütsche land/vnd fieng an da  
selbst vil güter mit kauffen oder schencken der herren / oder sunst in welchen weeg  
das was/mit recht oder erbfol/auch durch straffung etlicher vngesorsammen/ an  
sich ziehen. Als dañ was mit namen das ganz land vnd alle hah/Hertzog Fride-  
richs von Schwaben genant von Rotenburg/seins brüders sun/ das nam er ein/  
vnd besaß allen sein erbfol/vnd sunst vil ander Graffschafften meer. Wañ da her-  
zog Welff der alt/on leibs erben abgieng/der nun sein sun verloren het in Italien/  
durch das sterbē der Pestilenz/als ob stat. Da nam er an/für sein erben vñ nach  
kommen Hertzog Heinrich von Sachsen vnd Bayern seins brüders sun. Doch so  
machte er ein pact mit ihm vmb ein sun geltz/die er ihm geben solt/ vñ da er ver-  
meint sollichs zuempfaßen/ward er betrogen/dañ Hertzog Heinrich d. vermeint/  
Welff der wer yetz gar alt/vnd würd bald sterben/vñ verzog ihm das bestimpte  
zügesagt gelt zugeben. Des ward Hertzog Welff bewegt/vnd übergab dem Key-  
ser auch seinen nahen freünd/seine herzschaften/doch empfieng er vorhin das gelt  
darumb von dem Keyser/vnd resigniert ihm alle sein gerechtigkeit/aller güter die  
er het/es were zū Spoleto in der Marchia/in Tuscia oder in Sardinien.

Des gleichen auch Graff Rudolf von Pfullendorff/gab dem Keyser alle sei-  
ne güter/an stat eins rechtes erben. Vmb solichs gab vnser Keyser Friderich/graff

B. iij. Albrechten



## Von dem Keyser

Albrechten von Habsburg/der des genannten Graff Rüdolffen dochter het zu einem gemahel/die graffschafft Zürich/vnd was darumb ligt/mit den gütern der Kirchen zu Seckingen/die er überkommen het. Dergleichen die vogtey d stat Augspurg/bracht er an sich/so ledig wordē was durch den tod Adelgunsi. Ober das erobert er viler edlen güter vnd herrschaffen/die kein leibserben hetten/das alles überkam er mit gelt oder gaben. Demnach zohe er in Burgundien/vnd nam in seinen gewalt das land seines schwehers/Graff Reinalden/der yetzo gestorben was/vnd darzu das ganz reich Burgundien/mit der hauptstat Arlaten/das die Herzogen von Zeringen/wiewol on frucht oder nutz/allein vmb eeren willen/auf gna den von dem Reich/etzo lang gehebt haben/das überkam er von Herzog Berchtolden von Zeringen/vnd gab ihm darfür dreier bißhumb vogteyen/mit besterung der Regalien vnd Keyserlichen freyheiten. Alsdan was Loosan/Sebenna genant Venff/vnd Seduma oder Wallis. Diß alles bracht er seinen kinden zuhandē/der er mit wenig het/als an dem anfang diß büchs geschriben ist.

## Von vil gütcharen vnd gotsgaben/die vnser

Keyser Friderich gethon hat vnd auffgericht oder gestiftet.

**I**

Das lxxvj. Capitel.

In der selbigen zeit da empfieng künig Ladislaus der fünffundzweingzigst Herzog zu Böhem/die Künigklich würdigkeit/ihm vnd allen seinen nachkōmen von vnserem Keyser Friderich. Vnd als er sich redlich geübt vnd gebraucht het in den Kriegen/da gab ihm der Keyser ein roten Löwen mit gereiltem schwanz/in einem weissen schilt/zū einem Künigklichen zeichen oder baner. Vnd den liechtstocck oder lechter Künig Salomons/von Hierusalem auß dem tempel/den er von Meyland genomen het/gab vnser Keyser der stat Praga/in sant Meyers Kirchen zustellen. Es hat auch vnser Keyser Friderich vnder dem rittel vnd namen eins Herzogen von Schwaben/gestift zu Schletstat das closter sancte Fridis/vnd da hat man noch etwas von Bischoff Otffen von Straßburg/von Graff Conraten vnd seinen brüdern. Etlich andere sagen/das auch das closter sant Fridis zu Schletstat/gestift sol haben Graff Friderich/vnser Keyser großuatter/der ein dochtermann was Keyser Heinrichs.

Dergleichen das closter sant Walpur bey Hagenow gelegen in dem forst/ist gestift worden von dem Herzogen auß Schwaben. Also was diser vnser Keyser Friderich/gar milt in almüßen geben/vnd den gotes dienst meeren vnd fürdern oder stiftten/dann er het auch ein schönen Spital gestift zu Keyserslauthern/vnd vil pfünden auffgericht. Er hat auch gestift das closter Rebdorff/darien auch seine geistliche Chorherren. Des gleichen sant Martins closter genant Weingarten/zū latein/de vincis/hat er einen kelch geben/der hant fünffundzweingzig marck lauters golds mit vil anderen kleinaten vnd gaben. Item Lorch ein closter bey Schwäbischen Bründ gelegen/da Keyser Conrat der drit begraben ligt/das hat sein großuatter Graff Friderich gestift/wölches vnser Keyser Friderich ge-  
weitert vnd reyliehen begabt hat.

Diß



Diß vnd vil andere gute ding/hat er alles gethon  
 als auch zu dem theil hienor gesetzt ist an dem anfang/das  
 mir doch gründlich vñ eigentlich zu erfaren vnd wif-  
 sen/nicht hat mögen werden. 2c.

Das xxvij. Capitel.

Ein neuwer zusatz vnd auflegung der gemelten  
 Krieg/ein wenig anderst dan hienor stat/vñ doch fast die selbig mei-  
 nung/mit den Meyländern vnd andern stercken.

**I**n den obgeschribnen reysen vnser Keyser  
 Friderichs/sind ich etlich historien/ein andere meinung/doch nit  
 vast vngleich der vorgesezten/hab ich nit mögen lassen verloren  
 werden/vñ sie hertzü geschriben/dan man schreib vngleich/etwan  
 einer nach gunst/der ander nach vnwissenheit/etwan vermischet man die ding vñ  
 einander/das niemand wol mag darauß komen. Als ich Adolfs oft funden vnd  
 gemerckt hab/sunderlich in diser historien/da souil züg geschehen seind in ein land/  
 mag man leichtlich irren/vnd eins für das ander setzen/wer wil es also wissen wer  
 recht hat/niemand ist darbey an allen enden gewesen/so hat man nit aller ding ei-  
 gentlich acht. Etlich machen auß einer schlacht zwo/als eben hie. Darumb so stat  
 in der Cronica Nacleri also. Im jar des herzen M. C. Lxx. Als da regiert der  
 großmchtig Keyser Friderich/der erst des namens/in dem dreiundzweingigsten  
 jar seines reichs/da auff dem stül zu Rom saß/ Papst Alexander der drit/in dem  
 zwölfften jar seins regiments. Da kam wider in Italien Gualfagus der Graff  
 von Anglerien/der nun als die stat Meyland zerstört ward/gefangen vnd in teü-  
 sche land gefürt ward/brach da auß der gefäncknuß vñ banden darin er lag/kam  
 also in bawren kleidern wiß in das land/daselbst er dan wider zusamen berufft die  
 zerstörten burger von Meyland/die allenthalben herum zerteilt waren vñ zer-  
 stört. Vnd mit hilff der neuwen bundtgnossen vnd umbligenden ster vnd gesel-  
 schafften in Lombardien/auch mit beystand des Griechische Keyser/bracht er die  
 stat Meyland von nürwem ganz wider auff/vnd macht ein maur darüß/sie zube-  
 schirmen/dan sie gedachten/d Keyser vñ die teütschen keinen nimmer in das land/  
 sie weren des yez müß/vnd herren gnüg gekriegt. Darüß so erneuerten die Mey-  
 länder jr alte vncreüw vñ mißglauben. Vnd als Abt Dispringer schreibt/so ma-  
 cheten sie ein bund vnd conspiration/mit allen anderen stercken in Lombardien/die  
 alle auff ein bestimpten tag/all richter des Keyser/die er in den stercken verlassen het  
 vñ gesetzt/weit vnd breit vñ inen allenthalben verreibē solten/mit allem irem an-  
 hang vñ freunden/etlich lieffen sie hencken/etlich zohē sie nackend auß/welchs gesche-  
 hen ist vmb mancherley übermüt den die teütsche an den enden getriben vñ geübt  
 haben/als die Italischen schreiben. Darüß so namen sie ein versach/von d zweing  
 d Römischen kirchen mit den Päpsten/ond vñ dem haß des Keyser/vñ als man  
 glaubt/allermest von dem gwalt vnd oberkeit Alexanders/verachtē ire eid die sie  
 gethon herren dem Keyser/siengen an wider spennig zu werden/vnd baweten die ver-  
 treibnen Meyländer/widerumb auff ein neuwe stat/die der Keyser auch zerbroch  
 en het/vnd vmb eeren willen Papst Alexanders/nannten sie die stat Alexandri-  
 am/zü schanden vnd schmach dem Keyser Friderich.

Vnd



## Von dem Keyser

Vnd mit fleiß vnd fürsichtigkeit/erneuerten sie die selbig zerbrochen stat/dar-  
durch sie anfechten möchten vnd bekriegen die von Pafy/Derton/vnd Montfer-  
râr/die der Keyser allein auff seiner partzey her zu freunden in Lombardien/dem  
sie anhiengen vnd nit den Walzen. Ich find aber auch/das die von Cremona/wol  
an dem Keyser gewesen seind dazumal/vnd sein gute fründ/vñ noch vil andere mer  
in Italien. Deshalb haben die von Pafy vnd Cremona/vnd andere fründ vnd  
günner des Keyfers/zü spot vnd verachtung der Meyländer/die stat Alexandria  
geheissen Palea/als die von stro wider gemacht were/so sie vor stein in was/vnd ge-  
leich den spreitweren von Meyland geflohen. Doch so was sie umgeben mit grä-  
ben vnd guten mauren/vnd das volck oder Burger darinnen/namen bald wider an  
der zal zü/dann sie waren zertheilt allenthalben. Wan kuntlich was/das fünffzehen  
tausent burger da gewont haben/als sie an dem ersten wider gebawen ward. Al-  
so haben sie sich auß umbligenden flecken/darinn sie gehauet herten nach der zersto-  
rung Meyland/wider versamlet vnd zü einander geschlagē/dan dahin haben sich  
gesetzt vil Meyländer/aber die andern bliben zü Meiland/vñnd baweten wider  
die selbig stat. Des ward Keyser Friderich Barbarossa erzürnet vnd bewegt/  
kam aber wider mit einem grossen zeug in Italien/über den Montenyß/genannt  
Cinifus/durch hilff vnd gunst des Marggrauen von Montferrâr. Vñnd an dem  
ersten legt er sich für das stäclin Secusa/das Lombarder bündnuß was/das ge-  
wan er mit listen/vnd zerbrach es ganz vnd gar. Demnach nam er die von Aftan/  
die sich ihm ergaben/dan sie waren vast erschrocken. Zü leetz satz er ihm für Ale-  
xandriam zuuerthilgen/die er belegeret vier ganz Monac/dan ein grosser langer  
regen der in dem October kam/vnd macht den wasserfluß Tanaris groß vñ auß  
lauffen/das er den belegerten in der stat solang schutz vnd hilff bracht/vnd der hün-  
dert also den Keyser/daran ihm nit vil lag. Aber zü den ersten zeichen des frū-  
lings oder glentzen/da kamen die ster der bundtgenossen vñnd gesellschaften oder  
nachbawren/so umb sie lagen/vnd wolten hilff thūn den belegerten/brachten mit  
ihn korn vnd getreid in schiffen/damit sie wider das wasser aufffūren/deggleichen  
über land auch. Nachgonder zeit da kamen die Keyserischen einest mit ertlichen  
hauffen zertheilt/vnd wolten in die stat steigen/durch ertliche heimliche löcher/des  
wurden die nachwachter innen/vnd fülten die stat mit geschrey/wie die feind da we-  
ren. Ab welchem geschrey/die von der statt vnd burger zü Alexandria erwach-  
ten/vnd namen ire gewōr/vnd griffen sie an/vnd alle die hinein kommen waren/die  
erstachen sie/vnd fülten die löcher wider zü/vnd brachen zü der stat auß/vnd als da  
vor dem thor oder porten/Keyser Friderichs volck stünd/gar wol gerüst warteten  
auff die in der stat/wann sie die porten wolten auffthūn/das sie alsdan wolten ein-  
brechen mit gewalt/vnd die stat einnemen/vnd sich mit einander schlaffen/als auch  
geschah/dan die Keyserischen wurden hinder sich getriben biß in das leger/vnd vil  
blut vergossen. Des her der Keyser ein verdruß/das er so lang da müßte

still ligen/mit grosser sorg vnd arbeit/vnd brach auff an dem

Ostertag/vnd zohe gen Pafy/diß geschahē

im jar des herren M.

C. Lxxv.

## Wie der Hertzog von Sachsen von dem Keyser

zohe/vnd wie er ihn darnach so wol bezalet mit billicher straff/

als vor auch einest gesetzt ist. 2c.

Das



**I**n diser belegerung / hatt der Keyser wenig glücks  
gehebt/dann Herzog Heinrich von Sachsen vnd Peyerndes Keyser  
enckel/weich von ihm vnrülich auß dem feld. Nam ein vrsach von dem  
bann/darin der Keyser solt sein/vnd villicht meer darumb das er gelt  
het genommen/vnd bestochen was durch die Walhen abzu ziehen/damit der Key-  
ser dester ee sich wendet/vnd auß dem land keme. Danon Blondus vnd Platina  
nichten schreiben oder villicht nit gewist haben. Welchem Herzog von Sach-  
sen / als man sagt / ist der Keyser nachgefolget biß an den Cumer see / da er ihn  
sah/vnd mit grosser demüt/bat vnd flehnet ihm fründlich / das er ihn nit also  
wolt verlassen vnd von ihm weichen oder abziehen. Vnd wolt ihm da zu füssen ge-  
fallen sein/von der bitt wegen/das doch der Herzog. abschlug vñ nit haben wolt.  
Da was ein amptman des Herzogen mit namen Jordanus / von dem sagt man  
das er auß hochfart vnd übermüt gesprochen hab zu dem Herzogen. Herz lassen  
es geschehen/das die Keyserlich kron zu eirweren füssen komme / sein meinung was/  
es wird darzu kommen / das er auch Keyser würd / so ihm die kron zu den füssen  
leg. Aber meins bedunckens/so hat er da geweissagt wie Caiphas / dann die kron  
ward im wist auffgelegt durch den Keyser/als du bald hören wirst/das er vmb all  
sein land vnd leüt kam. Darnach fragen sollich büben nichts. wam sie ein herten  
durch iren falschen rat in ein sollich spil bringen/so lassen sie ihn dan stecken. Dem  
nach ward vnser Keyser Barbarossa gezwungen / sein volck wider heim lassen/  
dann er mocht die zeit nit meer schaffen. Vnd mit grosser arbeit vnd hilff/sunder-  
lich deren von Nauerra vnd Tauryn/zohe er auß dem land über sant Bern-  
harts berg/mons Jouis genant/vnd wolt in Burgundien in seiner frawen vat-  
terland/vnd an dem zug/ward er an etlichen orten also vast geängstiget/das er sei-  
ne Kleider müßt verwandeln/vnd knecht knecht was/als ein drosser/vnd der pferd  
im stal wartet/als ein diener/dan sie sprachen er wer nit bey jnen. Zu lest kam er  
in Teutsche land/vnd zohe den Herzogen von Sachsen an/seiner verrererey vnd  
bösen handels vnd laster/so er gegen Keyserlicher maiestat getriben hat mit sei-  
nem abzug. Aber der Herzog fürkam ihn/dann er het ein bundt gemacht/vnd  
conspiration wider den Keyser auffgericht mit etlichen Grafen/sunderlich den von  
Zollern vnd Deringen vnd andern. Da citiert vnd berüfft der Keyser oft den  
Herzogen für gericht vnd recht zukömen/sich zuuerantworten/deren stuck so man  
ihm wurd fürhalten. Daselbst waren etlich Fürsten vnd edlen/des Keyseres gütte  
günner/die on recht vnd vernunft/nach der teutschen leyen gewonheit/iren willen  
vnd meinung für ein gesetz recht halten. Sprechende/also wil ich/also gebeüt ich/  
I wil/sey für ein vrsach. Meinten also/es wer gnüg an des Keyseres willen/er döffe  
nit darumb rechts fragen. Die andern sagten/das ein Keyser kein Fürsten möche  
urtheilen/oder ihm sein land absprechen/es were dann/das er in des Fürsten land  
recht satze/vnd da urtheil spreche.

Da stünd aber ein edelman auff/mitten vnd die rat vnd urtheilsprecher/der sage  
wie das er mit dem Kriegsgeßatz/genant Ley duellionum/das mit gütem recht vnd  
vernunft bestetiget ist/das er das wolt erobern/gewinnen vnd darthün/das wi-  
der ein yeden/der mit ihm kriegen oder rechten wolt/er der Keyser möche berieffen  
einen yeden Fürsten an das recht vnd für gericht zukömen/zü welcher stat vnd  
an welches



## Von dem Keyser

an welches ort er wolt/das in dem begriff des Reichs oberkeit were. Da nun Kerner sich gegen dem edelman erbot zu fechten/da ist auß Keyserlichem gebot/die genant meining vnd vrtheil/für ein ewig recht gesetzt worden/da kein zweyfel an ist/es sey mit vernunft vnd vollkommenlichem gewalt. Deshalb so sprach der Keyser/dem genannten Fürsten mit recht/sein fürstenthumb/land vnd leüt ab/vnd alle andere seine güter vnd hab. Vnd lihe das denen/die es geschickt waren zusalten/oder denen es gelegen einzunehmen. Vnd also hat er sich begeben/das er das Herzogthumb Peyer/lie dem Pfaltzgrauen Otto von Wittelspach/des vor oft gedacht ist. Welcher die hilff seiner brüder zu steier nam/namlich herr Conrad/bischoff vñ Salzburg/der auch darnach ein Erzbischoff ward zu Meyntz/vnd Graff Otten seins brüders/den er demnach zu ein Pfaltzgrauen macht zu Wittelspach/des sun König Philippen erstach. Desgleichen Graff Fridrich mit dem hart. Mit deren hilff/sag ich/hat Herzog Otto/das Fürstenthumb Peyer gewonnen/vnd den Herzog Heinrich mit gewalt auß dem land getriben/aber das Herzogthumb Sachsen/gab er ein andern edlen herren/genant Bernhart von Alhalt/Graff Albrechts sun. Dem halff darzu der Bischoff von Cölen vnd von Meyntz/der Landgraff von Thüringen/die alle den Herzog Heinrich in Sachsen kriegten/vnd in ein monat/haben sie ihn auß sechzehen starcken schlossen vertriben/vnd von seinem land bis gen Brunschweig vertribt. Auß welcher stat/weder er noch seine nachkommen des geschlechtes/nie gar mochten vertriben werden. Aber andere seine güter hat der Keyser sunst vilen personen aufteilt/on die die er herr Wolffen seinem vertern verlassen hat. Welchs doch alles darnach dem Keyser ist heimgesfallen in erbfalls weiß/da sie on leibes erben starben. Vnd dis sagen etlich das es geschehen sey/in dem jar des herren M.C.Lxxx.

## Wie man vmb ein friden handelt in Italien. &c.

### Das lxxix. Capitel.

**I**n milder zeit sollicher hendel/waren in dem Römischen Reich/etlich güt edelherren/die zu dem friden geneigt waren/als sie all billich sein solten/die hetten nun gern des Papsts vnd Keyser Fridrichs sach güt gesehen/vnd legten sich in den handel/das der krieg würd angestellt/das ward außgeschriben in die land/vnd die Lombarder lobten fast den handel/dann er was für sie. Aber den friden einzugon vnd annehmen mit dem Keyser/das wüßten sie nit zuchün/nach dem anhangen/es were dan vor/mit dem Papst Alexander davon gehandelt/desgleichen auch die Venediger wurden ermañt vnd beschriben. Auß welcher hilff vnd rat die von Padua vnd Verona/an dem ersten/wider vnsern Keyser zu gewör vnd krieg kōmen weren. Als nun das der Keyser auch begeret/da ward ein tag vnd versamlung der herren zu Pasy gehalten/dahin kamen drey Cardināl/in namen der legation des stils zu Rom/zū denen sich fügten die botschaffter des Lombarder bunds vnd gesellschaften. Vnd die Cardināl begerten von Keyser Fridrich ein friden/durch den der Papst möcht haben sein vnd der kirchen recht/vnd das selbig behalten oder besitzen/vnangriffen oder vnangefochten. Desgleichen die Lombarder begerten ein maß vnd ordnung irer vnderwürfflichkeit



flicheit/wie sie solten dem Keyser gehorsam sein vnd verbunden/begerten darbey/  
das gehalten würd die alt loblich gewonheit/der steur vnd schatzung dem Reich zu-  
geben/die Keyser Carolus 8 groß/vnd Keyser Ludwig vnd Corharius/ien bet-  
ten zugelassen vnd auffgesetzt zugeben/das wolten sie noch thun. Auch so wolt der  
Bapst vnd die Lombarder in sollichen friden begriffen vnd verschlossen haben/  
Emanuelen der Griechen Keyser/vnd König Wilhelmen von Sicilien.

Aber als vnser Keyser Friderich ein vngleichs dargegen begert / ward der tag  
entschlossen/vnd die versamlung zerrrent. Vnd demnach schickt vnser Keyser Fri-  
derich den Bischoff von Bamberg gen Rom/ 8 gar wol vñ christenlich von bapst  
Alexandro hielte/zñ ihm für ein botschaffter/vnd erbot sich dem Bapst vnd der  
Kirchen ein grossen friden zumachen/doch so wolt er die Lombarder von dem fri-  
den außschliessen/vnd nit darein vergriffen haben. Das schreibt Blondus gesche-  
hen sein darumb/so sie zerrrent vnd gereilt weren von einander/er sie darnach bei-  
de/desten leichter vnd basz möchte überwindē. Ob das des Keyseres meinung sey ge-  
wesen oder nit/weiß got wol/ich acht es aber nit/dann Blondus ist ein Italier ge-  
wesen/der schreibt iren glintpff vñ nit der teütschen. Aber der Bapst vermeint/  
wie petro gesagt ist/es wer ein betrug mit der botschafft. vnd ließ den güten bischof  
ein frommen einfältigen man/ wider von ihm reiten zñ dem Keyser mit vngerho-  
nem handel. 2c. Ober kurze zeit darnach brach auß/ wie Keyser Friderich ein  
neüwen zeüg/auß Teütschen landen her versamlet / vñnd kam wider in Italien.  
Da nun die speßer vñnd erkünder der sach/sollichs anbrachten vñnd verkündren  
dem widertheil/da haben sich die von Meyland auffgemacht/vñnd seind denen von  
Pasy vnd Cuma in jr land kommen/ vnd haben ihn ire felder vnd acker verwü-  
stet vnd verderbt. Dēsgleichen Bapst Alexander/hat die statt Alexandriam ge-  
eret mit einem neüwen Bischoff/den er inen da gab/dañ es vor kein bistumb was/  
vnd die kirchen zñ Pasy/beraubt er des Creüzes vñ der würdigkeit des mantels/  
das ist er nam inen jr bistumb/vñnd satz es gen Alexandria/darumb das sie ihn  
nit wolten hulden oder anhangen. 2c.

## Von einer grossen schlacht der Mey- länder wider Keyser Friderich.

Das lxxx. Capitel.

**D**arnach in dem iar des herren M.C. Lxxx. da  
kam vnser Keyser Friderichs zeüg biß gen Cuma / aber die bündnerstet der gesel-  
schafften durch Lombardien/kamen den Meyländern zühilff/vnd mit grosser rü-  
stung vnd kosten/das haupbaner der stat Meyland/ genant Coratium/in das Ba-  
lier feld. Vnd als die Meyländer vngedultig waren des zugs vñnd langsamen zie-  
hens / seind iren sibenhundert reissiger / in das Cumer feld geritten/dahin dann jr  
feind der Keyser Friderich kommen solt/als man sagt. Wider wölche ließ Keyser  
Friderich/als er sie von ferrem gesehen het/andem ersten dreyhundert zñ roß lauf-  
fen/sie anzugreifen/vnd darnach ye ein hauffen nach dem andern/vnd wurden al-  
so wider hinder sich getriben gen Meyland mit vil empfangner wunden/vñ wichen  
zñ dem grossen haupbaner Coratium/da dann von not wegen des widerstands/  
der hauff allermeist gerüß vnd versamlet was bey einander.

¶ Vnd



## Von dem Keyser



Vnd demnach als bald / kam Keyser Friderich / wol gerüst mit dreien Hauffen gegen ihn / sie zuschlahen vnd anzugreiffen. In solichem brunst was des Keyseris Feindrich der erst / der zwischen die versamlerten feind kam / ward da erstochen / vnd das baner des Adlers kam in der Meyländer gewalt. An welchem ort / da der streit vnd die schlacht / also am grausamlichsten was / vnd vil auff beider seite vmbkamen. Da thet vnser Keyser on rat oder anschlag / ein starcken anlauff / mit eigener person / wider die feind. Vñ als er nun vil der Meyländer mit eigener hand verwundet vnd vmbbracht / da ward ihm das pferd erstochen / vnd viel darnon / das jederman meint er were erschlagen. Von welchem geschrey / wurden die Welschen vast geherzt vnd gesterckt / theten ein starcken nachdruck / so mechtiglich / das die Teütschen hinder sich wichen / vnd darnach mercklich anfiengen fliehen / deren vil in dem wasser Ticinus ertranken / die darein flohen / vnd ir vil kamen vñwissender weg / zu der feind Castel / deren ein theil erschlagen / ein theil gefangen vnd hinweg gefürt wurden. Von welcher erschlagenen güte / vñ der gefangnen schatzung / ein gemein beüt den Meyländern ward antheilt. Vnd geschach das an dem letzten tag Junij. In dem jar des herren M. C. Lxxvj.

Da was



Da was zu Cuma/Keyser Friderichs gmaßel/fraw Beatrice von Burgundien/die ward der mår innen/das es so übel gangen was / vnd der Keyser tod were/die verwandelt ire Kleider/vnd mit grosser traurigkeit/wolt sie den herren begangē haben/nach küniglicher würdigkeit/der begrebnuß. 2c.

Aber an dem fünfften tag nach der schlacht/da sahe man Keyser Friderich zu Pafy/in Keyserlicher Kleidung vnd gesellschaft durch die stat reiten vnd wandeln/ee das die von Pafy wüßten/das er noch lebt. Demnach als das außbrach/kamē zu ihm gen Pafy/fraw Beatrice vund ander geistlich Fürsten vnd herren/die der Keyser hert zu Cuma gelassen/ als er an die schlacht reiten wolt. Da waren der herren vil also geherzt/das sie ihm also vnder augen sagten/das sie vnd ander teilschen/die dem Reich vnderworffen weren/darumb deßer meer leiden müßten vñ vnglück haben/das er so lang wider die kirchen were/ vnd sie vnd den Papst durch ächret. Von welchen worten wurden die Bischoff noch künner vnd geherzter/vil inbrünstiger zureden/das sie sich bezeigten vnd protestierten/es were dann das er/der Keyser/in kurzem dem Papst vnd der kirchen friden geb/so wolten sie ihn verlassen vnd von ihm fallen/vnd ein andern Keyser von den Churfürsten fordern/daß er wer zustreng. 2c.

## Von dem friden zwüschen dem Papst vnd Keyser Friderich auffgericht. 2c.



### Das lxxxj. Capitel.

In welchen erdworten /ward Keyser Friderich fast bewegt/vnd erschrickt/sücht weg/doch mit sig/in welchen weg /der friden zwüschen dem Papst vnd ihm/möcht gemacht vnd auffgericht werden. Darüß in dem jar des herren M. C. lxxxij. Nono calendae Augusti/ward der friden reformiert vnd auffgericht/zwischen Papst Alexander vund dem Keyser zu Venedig/dann Papst Alexanders theil/het gar überhand genommen in der stat Rom vnd in ganz Italien/durch gunst vnd hülf künig Wilhelms von Sicilien. Aber von den mülten vnd wegen/dardurch man zu dem friden komen ist/seind die Itali schen schreiber nit eins noch gleich zusagende. Dann Blondus schreibt/als das Eneas Silvius von ihm setz/das nach den obgeschribnen händlen / Keyser Friderich geschickt hab/die Erzbischoff von Metz/deburg vund Meyns / für ein botschafft zu Papst Alexandro gen Anagniam/mit ihm zuwerben vmb ein friden. Da ward beschlossen/das der Papst solt gen Bononia kommen/vund der Keyser gen Mutina/darumb das in dem weg / yederman leichtlich möcht zu wort kommen/vnd mit einander abreden/was not were. Welche sache zünolbringen / fügt sich der Papst zu dem Berg Bargano /da er fand dreyzehen schiff /die ihm künig Wilhelm von Sicilien/dahin geschickt het/mit denen für er gen Venedig vñ ward daselbst mit grossen eeren empfangen/vñ über land schickt er sechs Cardinal gen Bononia/vnd Keyser Friderich kam gen Mutina. Da nun das also was geschach/da sagten Keyser Friderichs botschaffter/wie das die stat Bononia argwellig wer zu dem handel/vund ward Ferrar erwolt für ein stat /da man solt zusammen kommen. Nun was es eben in d vassen/vñ da begabt der Papst den Herzogen von Venedig/bey dem er was/mit einer guldin Rosen/vnd zohe gen Ferrar.

G ij Daselbst



## Von dem Keyser

Daselbst wurden sie aber ander. s. zurat/ wie das sie zu Venedig solten zusammen kommen/ doch also/ das der Keyser nicht solt gen Venedig gelassen werden/ er sagt dann zu bey dem eyd/ den friden einzugon vnd zuhalten. Darumb so ließ der Keyser/ Papst Alexandro den friden zu/ in der form vnd gestalt/ als er al lweg begere het/ vnd König Wilhelm von Sicilien vnd den fünffzehen bundstetten einer gesellschaft/ gab er friden sechs jar lang. Diß schreibt also Blondus.

Aber die anderen sagen/ das Keyser Friderich kommen sey/ mit einem grossen zeitig in Ausoniam/ vnd hab gesetzt an die stat Rom/ als ich auch hienor gesagt hab/ vor diesem neuwen zusatz.

Deßhalb hab sich der Papst entessen seiner macht/ vnd in dem sibentzenden jar seines bapstthumbs/ hab er angelegt seines Kochs Kleider/ vnd in dem Kleid/ ist er auß Rom gen Venedig gestochen/ vnd kommen in die kirchen vnser lieben f. awen/ de charitate genant/ da ward er von den inwonern daselbst angenommen/ vnd zu einem gartner geordnet. Aber über etlich Monat/ da ihn einer seiner diener fand/ vnd erkant/ gieng er als bald eylents zu Herzog Sebastian in Venedig/ vnd sagte ihm/ wie der Papst da were/ welcher Herzog/ als er die sach eigentlich erfür vnd innen ward/ ließ er ein grossen rat versamlen vnd berüffen/ vnd mit aller zierd vnd würdigkeiten/ ist er gangen sampt seinen herren/ zu des Papsts wonung vnd kammern/ da funden vnd erkantten sie den Papst/ in einem solichen verachten Kleid eines gartners oder Kochs. Vnd fürten ihn mit allen eeren vnd solennitaten in sanct Mary münster/ des menglich erfürwrt ward. Vnd als daselbst d. Papst vor dem altar/ nach jr gewonheit gefessen was/ da segnet er den Herzogen vnd den ganzen senat/ vnd alles volck der ganzen stat Venedig/ wie dan der Papst gewonheit ist.

## Hie endet sich der neuwe zusatz diser historien

nachdem vnd die Italianer beschreiben/ aber die  
Teütschen haben ein anders/ wie dan vor  
stat. Se vnd wir nun auff Venedig  
kommen/ wie vnser Keyser Friderich  
für die selbig stat zoch/  
müssen wir dauon sagen/  
wie er gen Hierusalem zo  
he mit höres krafft/  
vnd die selbig stat gewan. &c.

¶



# Barbarossa

glo

Wie vnnsere Keyser Barbarossa für Hiernsalem zuge-  
vnd durch den Papst Alexander den dritten verkündschafft ward dem  
Goldanischen König/der ihn fieng vnd ihn gefencklich hielt  
etliche zeit/wie ihr dann hernach  
hören werden.



**N**ach der geburt Christi vnseres heilmachers 10  
C. Lxx. jar. In diser zeit ward in der verwandlung nach absterben  
des Papsts Adrianus/ das Papstthum Alexander / der hie des  
namens von Genis geborn/welcher von zwölf Cardinālen orden-  
lich erwölt ward. Aber er empfand vil widerwertige anstöß von ei-  
nem Cardinal der auch mit ihm erwölt was/allein vom dreyen Cardinālen/ der  
selbig was vor geheissen Octavianus/vnd in der waal ward er Victor genant/der  
selbig Victor henckte sich an den Römischen K. Fridrich/ den ersten des namens/  
H iij der auch



## Von dem Keyser

der auch diser zeit regiert/so het Alexander sein zúflucht zú Künig Philippen vñ  
 Frankreich/vñd het ein versamlung zú Claremonte/ darin verbannt er den Octa-  
 uianú vñd K. Friderich/es wurden auch drey Bápst wid Alexandrú nach einan-  
 der. Aber die Rómischen ratsherren die Consules warden dem Bapst Alexan-  
 der fast gúntig/vñd hielten ihm ruck/auch der Künig von Frankreich. Deshalb  
 ward der Keyser erzúrt/vñd samlet ein großmchtig hór/vñd was in dem willen  
 aber für Rom zuziehen. Als er nun in dem zug gen Brúyien kam/ alda was Bi-  
 schoff der heilig Hartman/der dan des Keyfers beichtuatter was/vñd der Key-  
 ser vil vertrauens in den selbigen bischoff gesetzt het. Welcher bischoff den Key-  
 ser von seinem fúrnemen vñd grimmen abwendet vñd straffet/er solt sich nit leiche-  
 lich wider den Bapst/die Christenlichen Kirchen/ vñd das Christenlich volck bewe-  
 gen lassen. Diweil aber die Teütschen Fürsten vñd Herzen/vñd andere meere/die  
 ihm verzo so willig waren/in aller gehorsam / gerúst vñd gewapnet het/so gebürt  
 ihm/das er das creütz ansich neme/ vñd zúg zú rettung dem Künigreich Hierusa-  
 lem. Wan Almeritius der sechst Künig/het gelt von dem Soldan empfangé vñb  
 die stat Alexandriam. Nachuolgens abermal als er für Alkeyro zoch/het er sich  
 mit gelt stillen lassen/vñd zoch ab vñd starb. Wit disem ward Hierusalem wider  
 von dem Soldan eingenomen/das solt der Keyser zúherzen nemmen/auch das sei-  
 nes vaters brúder Künig Conrad/das heilig land so mit grosser müe vñd arbeit  
 auch blátuergießen erobert het. Auch so vertróft ihn der bischoff Hartman/er  
 wüßte Künig Philippen auch zubewegen/das er ihm mit besunder hóres krafft  
 zúhilff keme/mit dem ermanen bewegt er den Keyser über mór zuziehen. Diser  
 Keyser was von geburt ein Schwab/sein vatter hieß Hertzog Friderich/ vñd der  
 was genant der Künig hertzog Friderich zú Schwaben / Künig Conrad was sein  
 brúder/der Conrad regiert das Reich fúnfßzehen jar/ vñd erlangt nit die Keyser-  
 lich Kron. Aber Keyser Friderich der vor genant/regiert das Rómisch Keyser-  
 thúmb achtunddreißig jar/ het einen roten langen bart/deshalbenn ihn die Wal-  
 hen hießen Barbarossa. Nach anweisung des meergenanten bischoff Hartmans  
 zú Brúyien/hat der Keyser ermant die Christenlichen Fürsten/den Hertzog Oc-  
 taven von Sachsen/vñd den Hertzog von Böhem/den selbgen macht er zú ein Kú-  
 nig/vñd das Böhemerland zú ein Künigreich/auch den Marggraff Diebold von  
 Osterreich zú ein hertzog/vñ die march Osterreich zú ein Hertzogthúmb. Auch  
 berúfft er Hertzog Eckharten von Peyerñ/Pfalzgraff vñ Mittelspach vñ Graf  
 zú Scheirn. Auch die Landgrauen von Hessen/Türingen. Auch vil bischoff vñ  
 Grauen die ineigner person zugen / mit grosser macht xi. wagenburgen / durch  
 Ungern/Suhary vñ Traciar gen Constantinopel/ von danen halff ihm Isaac  
 d Griechisch Keyser gen Bosphorn/wan er auff sein K. Friderichs hóre sorg het.

Also zoch er vñd gewan dem Türcken ab/die ster Philomeniam vñd Inconú/  
 vñd verwústet alle gegen mit raub vñd brand/vñd reiset darnach in das Klein Ar-  
 meniam/ alda brachte er alle ding in seinen gewalt / also das sich Saladinus der  
 Türckisch Keyser gangzer aufstúlgung besorget / Künig Philippus zú  
 Frankreich zoch auff ein andern weg/auch zú hilff/durch Sy-  
 riam. Auch Richardus der Künig von Engelland/  
 die gewannen die mechtig statt Betholo-  
 maidam/vñd fürter auff Hie-  
 rusalem zú Keyser  
 Friderichen.

Wie sich



## Wie sich Keyser Friderich legert mit hōres krafft

für Hierusalem/vnd der König von Frankreich Philip  
genannt/mit sampt König Reichardo von Engel-  
land/auch ein Herzog auß Peyernd/  
Eckhart genant/zuhilff ka-  
men vnserm Key-  
ser Friderich.

**A**ls aber sie sich für Hierusalem legten/vnd funden das Saladin die stat Hierusalem gewonnen/die Christen etlich ertödt/vnd nachmalen/als sie gnad erlangt herten/das er yeden/so vil er tragen mocht/ziehen ließ/vrsach/das er die stat/wa sie die nit herten auffgeben/gewinnen mögen/nach solicher eroberung die glocken abgeworffen/auß den heiligen stetten/daran Christus gelitten vñ auß den gotsheiffen ställ gemacht/warden die Christen begierlich zusehen mit den vngleichigen vnd lesterer gottes/als auch sie alle mit grossen fröwen vnd andacht das heilig land/vnd besunder die statt des heils mit innigkeit grüßten. Als aber Hierusalem auff einem berg gelegen/vnd noch mit vil höheren bergen vmbgeben/keinen brunnen/allein Cistern/darinnen sich das regenwasser versamlet/vnd einen kleinen bach Siloe/der etwan summer zeiten gar kein wasser hat/der vom dem berg Sion durch das thal Josaphat rinnet. Also ward rat geschlagen/die stat allenthalben zumbgeben vnd sters zustürmen/vnd ward durch des Keyseres geschafft/vil köstlicher gewöz vnd instrument dar geruckt/solchem stürmen zugut/vnd stürmeten zehen tag vnd nacht.

Als nun die Christen gegen tag auff die mauren kamen/vnd des Keyseres fan/an der einen seiten der Alder/an der andern seiten das Creutz Christi. Welcher Christenlich streit/vom dem Herzog Eckhart von Peyernd zuhandhaben in sein hand von dem Keyser vnd allem Christenlichen hōr befolhen was/der ihn nach seinem vermögen bewart. Als aber der nachdruck der Christen an dem sturm schwach/also das die vnglōbigen einwooner sich wider die Christen/so auff die mauren kamen/warden hefftiglich widersetzen/vnd vil der selben erstachen vnd erwurffen/auch erschlagen/das dem Herzog Eckhart/so angst ward/das er den streit fan müßt neigen/sich mit dem schwert enthalten/wa er schier den meererteil/deren so zu ihm auff die mauren vom Alder vñ genwinen Christen komen waren/ertödt/vnd wenig trosts hette/mocht auch nit meer zurück/warden so hart bezwungen/das der Herzog Eckhart müßt des Römischen Reichs fan verlassen/das er ganz in der vnglaubigen gwalt kam. Alda schier nach aller vnhoffnung/stürmeten die Christen wider an dem selben ort/vñ als sie nit widerstand fanden/dakamen sie mit iren gerüsten auch anff die mauren/funden Herzog Eckhart/auch den Herzog von Lorringen mit sampt iren helffern/der wenig waren/schier gar überwunden. Als die schier gar verzweifelten hilff empfanden/vnd einen nachdruck merckten/wiewol sie kein baner noch fan meer herten/kamen sie von der mauer mit gwaltiger werbafftiger hand in die statt/vnd trieben die inwooner zurück auff einen plan/alda lieffen die vnglaubigen von allen enden zusammen. Als sie horten/das die Christen in der stat Hierusalem waren/vnd machten ein ordnung/vnd verliessen die gewöz auff den mauren an vil enden.

Als aber der Christen noch vil zuwenig waren/mochten auch nit wol einer solchē

§ iij wenig



## Von dem Keyser

menig wider:ston/auch nit wol ordnung zumachen/waren auch mit keinem fan ver-  
setzen/mochten auch nit zů ruck wider auff die mauren/nach flucht haben. Allein  
das sie got den allmechtigen anrufften/vnd begerten alle ritterlich als die frommen  
Christen zusterben/vnnd richten sich wider der vngleibigen ordnung zuschlahen/  
also meeret sich in dem sturm jr hilff / das ye lenger ye meer über die mauren der  
Christen zů ihn kamen (dann das gerüst was nit bruck vnnd leitern auff jr mau-  
ren geworffen/hie angezeigt) vnd herten begird sie zuschlahen.



Nachdem was vnder ihn ein güetter Christ/der mit  
Hertzog Eckhart auß Peyerin über mör gezogen/vnd ihm/wiewol er  
einer schlechten geburt gewesen/stets angehangen ist/darumb er auch  
nachdem er Dietmar mit seinem tauffnamen/hieß nachmalen Diet-  
mar



## Barbarossa

xlviij

mar anhängen genant ward / vnd sein vatter ist gewesen ein Müller / gefessen zu  
 Ried am hunderuck am wasser / genant die Achen / der selbig Dietmar was so ei-  
 nes freydigen dürfftigen gemüts / da er sahe / das die Christen on einen fan / kein ge-  
 wisse ordnung halten mochten / nit gar wol wüßten / wer fründ oder feind was / zohe  
 er ab seinen buntschüch / der auff die bewerisch art gemacht was / hoch  
 biß an das knü / mit dreyen grossen ringen / was deßer bas  
 zusehen / vnd in solicher not was es inen  
 ein gütre sach. .xc /



Wie Hertzog Eckhart auff die mauren kam mit  
 des Keyßers fan / vnd der selbig ihm abgetrungen vnd genom-  
 en ward. Vnd wie einer hieß Dietmar / d selbig zoch  
 ab seinen schüch / vnd stieß den an einen spieß /  
 zu einem zeichen / das die Christen ein  
 züflucht hetten / dann sie her-  
 ten kein fanen  
 meer. .xc.



Da stach



## Von dem Keyser

**D**al stackt er ein langen reißspieß zu einem zeichen eines baners/wan er anders zeichens an dem ort nit haben mocht/ den selben spieß vnd durchstochen bundschüch gab er seinem lands fürsten hertzog Eckharten/der empfing ihn mit fröwden/ vnd ermanet das Christenlich volck zu dem zeichen des bundschüchs. Also het alles Christenlich volck ein auffsetzen auff den Bundschüch/vnd versamelten sich alle darzu/hielten ordnung vnd stritten ritterlich fünff stunden/vnd Dietmar der anhangen hielt sich neben Hertzog Eckharten wol/halff treuwich bewaren den bundschüch/ wie wol er kein hosen/allein den linken bundschüch an hett/ vnd lügel harnasch/sein hauptarnasch/was ein kranz vom laub. Also gab der allmechtig got/ hertzog Eckharten vnder dem bundschüch/ vnd den Christen den sig/ das sie ob vierundzweinzig tausent Heyden/ Türcken/ Saracen/ Arabier erschlugen/ gewonnen auch die stat Hierusalem vnd den berg Sion/vnd besetzten das heilig grab/mit frummen andechtigen brüdern sant Francissen ordens/vnd ein Hertzog von Burgund/hatt jählicher gült tausent gulden den selben brüdern von seinen erblichen landen zugeben verschafft/die ihn durch welch sel der kauffleut/noch auff disen tag geantwurt werden. Vnd 8 Römisch Keyser Maximilian hochloblicher gedechtnuß/hat die jählichen/auch sein sun Hertzog Karol/den armen brüdern gereicht. Nach sollicher frölicher eroberung/ besetzt der Keyser Friderich das heilig land/mit Christenlichem volck/vnd belonet einen yeden nach seinem verdienen/vnd sun derlich den Hertzog Eckhart von Peyerh/hat Keyser Friderich gelihen erblich zu belonung seiner gütthät Holand/das er hat imen gehebt/dahin geheyrat vnd gewont/vnd seiner nachkommen ligt einer zu Straubingen in dem frauenbrüder Kloster begraben. Es haben auch etlich stert gen Holand gehört/die ihm erblich zu teile sind. Es haben auch die selben Hertzogen allwegen ein bundschüch geführt/vnd jr wapen ist also gewesen/aber das selbig geschlecht hat nit lenger dann zweyhundert jar vngesetlich gewert/seind alle gestorben/ vnd zu Straubingen ligt der lezt begraben. Einer Hertzog Eckharts brüder der was so vngeraten/das er auff ein zeit in dem zorn/zü Scheyren auff der brucken ein hendschüch in die lufft warff/vnd sprach/Nim hin teüfel ich gib mich dir vnd mein theil an dem Peyerland. Also fürt ihn vnd den hendschüch der teüfel zu Scheyren in den see/da ist es noch vngעהuwer. Aber Hertzog Eckhart begabt den Dietmar anhangen reichlich/der Keyser gab ihm auch ein wapen/einen ast/dreü lab/vnd bestatung etlicher maß seiner gütter/die ihm hertzog Eckhart vnd der Keyser geben het/die Dietmar etliche zu Clöstern gen Reichensperg vñ vnderhalben geben hat/der ist auch ein anfang gewesen des marckts Ried vnd der selben gegnen.

**Wie Hertzog Eckhart den Dietmar begabte/mit allen wapen/vnd wie der marckt Ried erstlich erlich erbawen warde.**

**D**arumb als diser Dietmar im willen was/ein stat auffzurichten/wan es vor alles wald/holtz vnd wildnuß was/ erlangt er den flecken Ried/den er erweitert/ein stärlich wapen/ einen schwarzen bundschüch in einem gelen feld. Als er aber starb/erlasch das wapen der von Ried/aber Hertzog Friderich/als er den stift Salzburg krieger/



erleget/hat ihn das wappen den bundschuch wider befestet. Als aber die Christen  
etlich zeit in dem gelobten land umbzuhen/ mit fröwen die heiligen stet heimlich-  
ten/verordnet der Keyser die wider aufzurichten/vn ordnet das Christenlich volck  
in etlich hauffen/ond zugen vnder schidlich wider anheimß. Aber nach glücklichem  
obßig/erstünd dem Keyser in seiner widerfart ein wunderliche anfechtung zu/das  
zündet an Papst Alexander/der dem Keyser widerwertig was/des neid was noch  
nit ausgeloschen. Der selbig Papst bestelt einen maler/der dem Keyser ungewar-  
net nachjoch/der conterfeyt den Keyser gut vnd gerecht/ aber heimlich/dem Key-  
ser vnwissend/das selbig bild schickt der Papst dem künig Soldan/vnd bat ihn/  
das er fleiß het/wie er den Keyser möcht fassen/ vnd achtet es were im leichtlich zu  
thun/vnd ob er ihn fieng/das er ihn/wa er sich nit wolt Keyser melden/nach dem  
bild erkenet/waß der Papst forcht den Keyser/her wol leiden mögen das der Key-  
ser nit mer zu land kommen were. Als der Soldan das bild empfing/vn empfing  
des Papsts willen/stellet er mit guter kundschaft dem Keyser nach in Armenia.  
Vnd als er eins tags ersitzet/da ritt er mit etlichen gar wenig seiner diener von  
dem hore/in dem willen/in einem fließenden wasser sich zuerfüllen/wann er mit  
schweiß beladen was. Als der Keyser sich dazumal ganz wenig besorget/gieng er  
vnd sein Caplan/erwa einen kleinen weg/von seinen mitreicern/sich schicken abzu-  
ziehen/in dem kamen die Soldanischen/die jr kundschaft gerecht wisten/vnd  
fürten den Keyser vnd seinen Caplan heimlich/des Keyser volck vnwissend/ge-  
fangen hirtweg für den Soldan.zc.

**W**ie vnser Keyser Friderich mit seinem Caplan gieng  
in ein wasser sich zuerfüllen/vnd er mit sampt seinem Caplan/von den  
Soldanischen gefangen ward/vn gebracht dem künig Sol-  
dan/der ihn ein ganz jar gefenslich hielt.zc.

**E**s aber über etlich tag der Keyser vnd sein Ca-  
plan dem Soldan gebracht worden gefangen/verleignet der Keyser  
seines Keyserlichen namens/namte sich/er wer Keyser Friderichs thür-  
hüter über land. Aber der Soldan sagt ihm/er verhielt ihm die war-  
heit/er wer selbst Keyser Friderich/vnd schickt nach dem bild/vn ließ des Papsts  
brieff lesen. Da erschrock der Keyser/vnd fand/das ihn der Papst in tod verraten  
het/vnd begeret gnad/also ward der Keyser vnd der Caplan/gefenslich etlich tag  
gehalten. Nachuolgend ließ ihm der Soldan ein Camin bereiten vnd wol bewa-  
ren/darinn waren sie drey Monath/aber an essen vnd trincken herten sie kein mangel  
noch leyden/dan das der Keyser sich sterbens verwegen het. Als aber die so mit  
Keyser Friderich geritten/den tag vnd über nacht/des Keyser warteten/vn nach  
ihm ritten vnd fragten/kundten vnd mochten nichten erfragen/also das niemand  
wüßte/wie ihm vnd dem Caplan geschehen was/dan als das geschrey vnder das  
volck vnd hore kam/ward menglich vmb den frommen Christenlichen Keyser trau-  
rig/vnd als sie hörten/wie er des willens gewesen/in dem schnellen wasser/das von  
den höchsten bergen in Armenia zu tal lieff/zubaden/erteilten vnd meinten gewiß-  
lich/er vnd der Caplan/als einer dem andern wolt geholffen haben/weren sie beid  
ertrunken. Also ward ein ganzer monat nach ihm gefragt/aber nicht funden.

Darnach verwachten sie sich/erwölten von neuem hauptleit/zugen mit gwal-  
tigem



## Von dem Keyser

rigem hōr wider heim/vnd sagten menglich von dem verlorren Keyser Friderich/  
vnd was ein grosse klag vmb ihn. Also woltendie Churfürsten keinen Römische  
Künig erwölen/woltten ein jar still halten mit der wal. Der Keyser het einen sun/  
Ortso genannt/der was nach zweinzig jarig/zū der waal meer dan zuiung/vnd  
ward also mit grosser begird auff ihn ein jar gewart/wiewol auch in mütler weil  
ein trüger/8 auch ein rotten bart het/an der person Keyser Friderich vast gleich/  
sich außhet/er were der verlorren Keyser Friderich/betrog das gemein volck. Aber  
er ward gefangen/vnd peinlich gefragt/da verlaße er seinen betrug/ward deßhalb  
gestrafft. Nun lag Keyser Friderich vnd sein Caplan/dort allen Christen ver-  
borgen gefangen/bey dem Künig Soldan/zū Babyloni/hetten groß verlangen in  
Teitsche land/aber des gar kein hoffnung/gedachten oft/wa ihn das glück zū  
land hülff/wolt der Keyser sich an seinem verräter Papst Alexander rechnen.

Als aber sie nun schier ein ganz jar gelegen/vnnd der Soldan der ein Mamas-  
luck/ein verleugneten Christ was/vil auffsehens auff die zwen man/den Keyser vñ  
seinen Caplan heimlich hette/fand er das sie alle tag ire oras betteten/als weren  
sie religiosen/vnd der Caplan het in seinem betbüch in einem geschoben ledlin der  
bretter des betbüchs/etlich vnconsecririerte Oblaten/der er sich zū zeiten in dem veld  
in dem hōr gebraucht het/der eins consecrirt der Caplan/vor dem hochwürdigē  
Sacrament als iren schöpffer vnd trost bitten/die zwen täglich vnd nächlich mit  
grosser innigkeit baten vmb hilff/vnd eereten got den allmechtigen/das mercket 8  
Soldan/hielt sie für bestendig frum Christen/vnd ward zū barmhertzigkeit bew-  
get/gedacht auch oft des Papsts vntreuw vnd verräterey.

Als nun das jar ein end het/nam ihm der Soldan für/den Keyser zū begna-  
den/ließ den Keyser vnd den Caplan zū seinem tisch/doch in güter verwarung/vñ  
red ten vil von allen sachen. Aber die zwen hielten sich demütig/begerten allein ge-  
nad/vnd als sie das frumal assen/begeret vnd redt der Soldan zū dem Keyser.

Ir seind in eüwer verwaltung anheims ein großmechtiger Keyser/wiewol jr  
nun in vnserm gwalt gefencklich gehalten werden/wa aber wir bey eüch wie jr bey  
vns/als vnser gröster feind in solchem schein vnns in eüwern gwalt herten/was  
woltten jr mit vnns handeln/röden oder lebendig lassen. Nach einem zimlichen  
schweigen/gab der Keyser mit grossen sorgen antwort. Gebietender herr/wa jr in  
meinem gwalt/gleich wie ich yetz allhie eüwer gefangner bin gehalten/wert also/  
das ich meins gefallens mit eüch meinem feind/vnd besunder mit einem vnglau-  
bigen handeln möcht/Hab ich vormals gedacht ee ich eüwer gefangner werde wa  
mir das glück thet/das ich eüch möcht wie jr mich erobert/was mir mitt eüch zū  
thun wer/vnd bey mir selbs in rat funden vnd endelich beschlossen/das ich eüch als  
ein großmechtigen herren/mit anderst dan wie jr mich bißher auch gefencklich wol  
bewart gehalten/vnd mir wer leid geschehen/das jr solten mangel gelitten oder ge-  
habt han/wiewol mir von eüch in eüwer gefäncknuß auch nichts begegnet noch wi-  
derfaren ist/das ich eüch wolt also/wie ich mir selbs fürgenommen/gehalten haben/  
hab ich drey vrsach bedacht/das mir als einem Römischen Keyser ein grosse eer ge-  
wesen wer/vnd ewiger gedechtnuß wol würdig/das ich durch meinen heilmacher  
Christum/so weit über mōr gezogen mit hōres krafft/das heilig land Hierusalem  
vnd das heilig grab erobert/vnd den herren vnder der sonnen der mechtigest geach-  
tet wirt/gefäncklich vnder meinen gwalt/vnd meins gefallens mit eüch wol hand-  
len möchte. Ob ich eüch dan wol hielt/vnd ewern stand mittheilte/was lob vnd eer  
wurd ich erlangt haben/was wurd über vil jar von mir geschriben vñ gesagt wer-  
den/wa



den/wa ich aber gnügsam bürgschafften vnd verscreibungen/ oder geiseln vomn  
euch genomen/vnd her euch vmb ein sum gelts oder golds auff schatzung vnd vn-  
nerser wider zu eüwern reich anheim lassen mit der verbündung /das jr dieweil  
jr lebt / auch ich der gleichen bey verpfendung der gnaden vnser götter/ auch bey  
eeren/glimpfen vnd treüwen/das vnser keiner den andern mit keiner kriegs übüg  
anfechten wölt/ frid vnser beider lebrag gegen einander für vns selbst vnd vnser vn-  
derthönen getreüwlich halten/wa ich eich/wann ich euch/ wie jr mich / fürgenomen  
gefangen haben/mit diser meinung/aufgeschlosssen vnd eerlich / so ferz ich jügiebie-  
ten euch des wegs/anheims vergleit vnd versichert her/vnnd auch bey andern auß-  
wendigen künigen/die mir verwont hüß/rat/fürderung vnnd fürschub gethon/en  
zweifel es müßt ein vnuerstendiger sein / der mir vmb solliche gütht nicht das  
best nachredt. Vn Zweifel jr hert auch mein wol gedacht/gesagt. Ich hab an Key-  
ser Fridrichen mit einen feind/nicht einen thran gehebt/dieweil er die oberhand ob  
mir gehebt hat/sunder ich hab einen getreüwen würdt vnnd gastgeben gehebt/der  
mir kein herrigkeit noch vntreüw nie gethon hat. Dieweil aber sich das glück vmb-  
gekert hat/vnd das/so ich mir her wolbedächlich fürgenomen/wider mich/vnd nun  
mir auff dem nack ligt/vnd bin nun in eüwern gewalt/ mügen mit erbarmung od  
strenglich mit mir handeln/darın beuillse ich mich meinem schöpffer Christo/vnd  
eüwern gnaden.

An diser red hert der Soldan ein groß gefallen / mercket das der Keyser eines  
hohen geistē verstands/güter gerechter sitte/ warhafft/auch gotsfürchtig was/ge-  
dacht wol billich mit seinen sitten ein Keyserthüm möcht regieren/vnd sprach zu  
dem Keyser. Lieber hert geschehe euch nach eüwern Worten/ich wil nicht meer  
von euch haben/dan wie jr selbs geredt haben/wann ich eüwer/wie jr yetz mein ge-  
fangner seind/also thünd dem selbigen volzhung/so solt jr eerlich wider heim kö-  
men/setzend bürgen vnd geiseln/ stelt die verscreibung wie jr selbs geredt haben/  
mit der verpfendung vñ verliesung der gnaden vnser götter/dan zu schatzung be-  
ger ich dreimal hundertrausent Sichel zu nemlichen zeiten zubezalen/darzu redt  
der Keyser/es stünde ihm nicht wol an/das er endert seine eigne vrrheil / dieweil er  
aber her gnad funden/des dancket er gott dem allmechtigen/vnd er fröwet sich sei-  
nes gnedigen zusagens. Aber er mocht weder geisel noch bürgschafft nicht geha-  
ben/vnnd soull golds der schatzung/versach/das er nicht anheim/vnnd so ferz über  
möcht nicht bitten noch legern/möchte bürgen vnd gelt auffbringen/deßhalben müßt  
er sein lebrag gefangen sein.

Dartzu redt der Soldan/er bedacht ihn den Keyser in dem besten / er wolt sei-  
nen tugenden/eeren vnd fromkeiten also vertrauwen/das er die verscreibung auff  
richtet/des fridens halben wie er selbst angezeigt hert/dan der bürgschafft halbē/  
wolt der Soldan/das der Caplan blib mit sampt der consecrerten hostia/wann  
der Soldan her oft heimlich gesehen die eere vnd würde/die der Keyser vnnd sein  
Caplan dem hochwürdigen Sacrament gethon herten. Demnach begert er nicht  
anders/doch das der Caplan in abwesen des Keyfers / dem Sacrament alle eere  
thet wie vor/vnd was er zu der eer gotes notdurfftig wurd/wolt er ihm mit mangel  
lassen/dan das der Keyser gnad empfand vnd seinen güten willen mit erbarmung  
spürt/wolt er zu schatzung nit meer vñ ihm haben/dan hundert tausent Ducatē/  
des dancket ihm der Keyser mit weinenden augen/solchs gnedigen willens/vñ der  
Keyser trauwret nit anderst/dan das er das heilig Sacrament vnd seinen getreü-  
wen Caplan solt hinder ihm zupfand lassen.

D Also



## Von dem Keyser

Also wurden die freidbrieff vnd schatzungsbrieff auffgericht/ vnd der Keyser bat den Caplan/das er mit andacht wolt dem heilgē Sacrament alle gebürliche eeren thun/vnd ein kleine zeit gedult haben/ er wolt seinen kopff mit rüwen lassen/ biß er seinen schöpffer vnd erlöser/auch ihn/ als seinen gerreinen diener eledigen/ mit gelt oder mit Kleinaten. Also ordnet der Soldan dem Keyser alle noedurfft anreisigen/versach ihn mit zerung/gab ihm ein trüzelman oder gleitsman zu/gab ihm auch selbst besunder fürderungsbrieff. Nach dem der Keyser von allen vnd reden weinent vrlaub nam/besunder von dem hochwürdigen Sacrament vnd seinem Caplan/vnd der Soldan gab dem Keyser das gleit etwa ferz/ vnd schenkt der Soldan dem Keyser vier Barbarischer oß/ vnd seltsamne Kleinat vnd levet/die er solt mit ihm zuland bringen. Also ward der Keyser mit zweyunddreißig pferden/vnd etlichen mauleseln/erlich durch die land des Soldans vergleit/vnd wa die vnderthonen des Soldans banier oder brieff saßen/Erreuten sie nider. Als sie aber das teütsch land erreichten/lag der Keyser still zu Brüggen bey dem Bischoff Hartman/der sich vnd alle teütsche Fürsten vnd menglich erfrochten seiner zukunft/vnd besunder der frembden geschicht/also das ein groß zureiten was vom des Reichs Fürsten vnd großmechtigen/die begerten den Keyser zu sehen/vnd seine beschwerd so er erlitten/zuhören/vnd ward von menglich mit grossen freuden empfangen. Als aber die Soldanischen reiter sein mit geferten/den es reilich erbotten ward/wol anfrasteten/fertiger sie der Keyser erlich ab/mit sundern gaben/schickt auch seine gleichewort widerumb mit ihm/damit sie auch sicher heim kämen mit fröwen/brachten auch seltsamne Kleinat mit ihm heim/mit schreiben so der Keyser schickt dem Soldan/daran er besunder groß gefallen het. Nach dem zohe d Keyser gen Nürnberg/alda berüfft er alle stend des reichs/het einen grossen Reichstag/da beklagt er sich vor allem Reich/der vntrew vnd verretterey des Papsts Alexanders/zeigt auch den brieff/den der Papst hett dem Soldan geschickt/den der Soldan dem Keyser/angesehen des Papsts vntrew/het zügestellt/also nach der klag des Keyser vnd seinem anzeigen/wie ihn der Soldan gehalten/vnd das hochwürdig Sacrament zu pfand müssen lassen/auch mit endekung der verschreibung vnd schatzung/wie er auch so erlich zu land wer geleitet worden/verwundert sich menglich/vnd hetten ein grossen vnlust über den Papst Alexander/schwüren vnd verhiessen dem Keyser solliche verretterey zurechen. Also samlet vñ berüfft der Keyser gen Trient ein groß hör/zohe durch Welsche land/das ihm niemand widerstand het fürbaß biß gen Rom.

Wie der Keyser wider in Italien zoch/vnd  
von Rom gen Venedig/da ward sein Sun  
gefangen.

Das lxxviij. Capitel.

**A**ls nun Keyser Friderich den Papst von Rom vertriben het/als vor gesagt ist/vnd er widerumb in Teütsche land kommen/was/da ward der Papst zu Venedig erkant/dahin er dan geflohen was/mit etlichen Cardinälen/vnd mit grossen eeren von ihm gegrüßet vnd wol empfangen/vnd



# Barbarossa

1

vnd dabey zugesagt/ihm alle mügliche hilff zubeweisen. Da das dem Keyser ward angezeigt/begert er von den Venedigern/das sie den Papst auß der stat trieben/das schlugen sie ihm ab vnd wolten es nit thun. Da confirmiert vnd bestetiget Papst Alexander abermals/den sentenz des bannes/so vor wider den Keyser was geben vnd außgangen

Des ward Keyser Friderich zornig/vnnd berufft aber die Fürsten des Reichs gen Wormbs zukommen/auff ein bestimpten tag/daselbst sagten sie ihm widerüb hilff zü/wider den Papst vnnd andere ster in Italien/die ihm widerspenig waren vnd ungehorsam. Darumb in dem jar des herzen M. C. Lxx. zohet vnser Keyser Friderich Barbarossa genant/zü dem fünfften mal in Italien/vnnd andern ersten zerstört er die statt Secusa/so den Weyländeren günstig was vnd anhieng. Demnach verbrant er die statt Aist/in grund vnnd boden/darauff die Weyländer wie obstat/offt den seinen vil leyds thäten/vnd schlugen die Weyländer erwa manig mal/doch so wolt er sich nit enthalten oder saumen bey Weyland/sunder begeret sich an dem Papst zurehen/der ihn verbannt vnd verraten hett. Vnnd schickt vor ihm anhin auff Venedig/nit mit einem kleinen volck/Hertzog Eriben seinen sun/ein adelichen tugendreichen menschen/der zü Byfanz wonet/vnnd gab ihm in beuelch/das er sich nit solt mit den Venedigern schlagen/noch etwas anfangen/sunder allein warnemen vnnd achten oder verhüten/das kein hilff oder knecht zü ihnen kernen/die sie annemen zubefolden/vnd das man ihnen nichten züsüret/speiß vnnd anders. Aber der sun was dem vatter ungehorsam


an dem ort/vnnd wolt ihm selbs gern ein lob oder rüm gemacht/vnd dem vatter eere eingelegt haben/das ihm misriet. 2c.

¶ ij Wie





Von dem Keyser  
Wie des Keyfers sun zu Venedig gefangen  
ward auff dem mör bey der  
stat. 2c.





# Wie des Keyfers Barbarossa sun zu Venedig gefangen ward.

**A**ls nun der Keyser sein leger vor Venedig het nit ferz von der stat / yhen seit einß grossen fluß oder canal des mōres / genant zu sant Helena / da noch ein grosser thurn stat / als ettlich wöllen / hab der Keyser dar gebawen. 2c. Da ließ nun des Keyfers sun / ein grosse feste schiffung zürüsten / vnd vnderstünd mit den Venedigern zu kriegen auf dem mōr. Da aber die teütschen / so bey Herzog Otthen waren des Keyfers sun / nit wissen waren / sunder vnersaren auff schiffen zu kriegen vnnnd über wasser. Da gegen die Venediger gantz geschickt vnnnd geübt / fiengen also an / die Teütschen zu reytzen mit den kleinen schiffen / den folgten die Teütschen nach / vñ wurden also verhefft vñ in ängste bracht / daß sie mochten sich ihñ ihre grossen schiff / dñ also schwer geladen was / nit wol wenden noch umbkōren. Vnnnd trieben die Venediger das so lang mit iren barcken vnd renschiffen / das sie nach an die stat kamen. Vnnnd also ward der jung Herzog Ottho des Keyfers sun gefangen / vnnnd gen Venedig geführt / mit vil der teütschen Kriegsleut / vnd dem Papst alda überantwort / bezalt also die büß seines fräuels vnd seiner künheit.

Da nun der Keyser innen ward des fräuels vnd fronspür seines suns Otthen / ward er schwerlich über ihñ erzürnet. Vnd vnangesehen seines suns gefändnuß / vnderstünd er dannoch der Venediger Krieg zūnolstrecken / vermeint ee sein eigen sun lassen tödten (Wie Marcus Torquatus thet der alt Römer) weder das er ihñ den fräuel vergeben solt vnnnd nachlassen / das er seinen geboten nit gehorsam was / dadurch aller sein anschlag gebrochen ward. Also rühret der Keyser nit lang / kam selbs wider für Venedig / vil grümmiger dan vor / vnd ward so seer erzürnet / das er einen eyd schwür / vnd bey seinem bart / das er von Venedig nit wöl abziehen / er het dan vor auß sant Mary Kirchen einen roßstal gemacht / vnnnd seine roß darein gestellt / vnnnd sant Mary plan vmbgeäckert vnd kom darein geseet / vnd griff die Venediger mit solchem ernst an / das sie sich vor ihñ nit wüßten zu fristen / also hetten sie gern frid gemacht / vnnnd mit gelt gestilt / das aber der Keyser alles verachtet / er wolt yhe seinen schwür halten. Darnach übt sich der Papst vnnnd die Venediger / bey den welschen Herzogen vnd Warggrauen / auch bischoff Hartman / die vnderthädigten lang. Vnnnd dieweil ye der Keyser in seinem schwür wolt verharren / willigten die Venediger / das des Keyfers schwür solt ein fürgang haben. Also das der Keyser seine roß über nacht in sant Mary Kirchen solt stellen / vnd auch sant Mary plan lassen äckeren / vnd kom derein sein. Das ward also vereinigt / doch das die Venediger solten / wie die roß gestellt wurden / die stend der roß mit roten vnd weissen steinen vnderscheidlich pflastern / deß gleichen die fürch so geäckert wurden auff dem platz / vnd solten vier ärine oder glockenspeifine roß / gleich in der größe anderer roß / stellen auff das portal sant Mary Kirchen / die zeichen des pflasters vnd die roß / sollen ewigklich ston / vnnnd zū gedächtnus gehalten werden. Vnnnd zū abtrag dem Keyser / dreimalhunderttausent ducaten geben / diser frid ward außgerüfft / vnd des Keyfers schwür gehalten / die pferd in sant Mary Kirchen gestellt / vnnnd der platz geäckert / als das heüt zutag noch zu Venedig gesehen wirt. Also brach der Keyser mit seinem hōr auff / vnnnd zoch mit seinem sun wider in das Reich / vnd schlug von gold ein münz / auff die ein seiten des Keyfers ange-

D iij sichte



## Von dem Keyser

sicht/vnd auff die andern seiten ein monstrantz vnd ein ostia darinnen. Wie diser münz erlediger der Keyser das hochwirdig Sacrament vnd seinen Caplan von dem Soldan. Diser Keyser ward beredt vom sant Hartman dem Buzischen Bischoff/das er ablaß von dem Papst begert seiner seele zu gut. Also ward besteriger der Friden von seinem sun gemacht/das der Keyser die stat Rom/vnd was der kirchen herlicheit züstünd/dem Papst solt widergeben/vn was er ihm zu büß deshalb aufflegt/das solt er gedultiglich leiden/vmb seiner volbrachten sünd vnd schuld willen. Disen Friden vnd bündnuß der vereinigung/gieng papst Alexander ein/vnd trat also bald zu Venedig bey sant Mary müensterthür hinauß/vnd da stünd alles volck/da hieß er den Keyser niderfallen auff die erden/vnd da von neuem gnad offentlich begeren. Da trat der Papst mit einem süß dem Keyser auff den halß/vnd sprach/es stat geschriben/du wirst wandlen ob den schlangen vnd Basiliscen/vnd wirst zertreten den löwen vnd drachen. Da antwort Keyser Friderich/mit dir/aber sant Peter des nachkömen du bist/vn ich gehorsam vnd vndertheng. Da sprach der Papst mir vnd sant Peter. Vn also ward der frid zwüschen dem Keyser vnd dem papst gemacht/vnd zoch der Keyser wider heim/mit gütem willen vnd erlaubnuß des Papsts. Oder als Blondus schreibt/dem yezund wol zuglauben ist/da habē sich beide heupter vn fürsten der Christenheit/fründlich umbfangē/vn vor dem grossen höße altar in sant Mary müenster zu Venedig einander küßet vnd gnadet/vnd seind also von einander gescheiden im fridē.

Also spricht nun doctor Johan Eck/hat vnser Keyser Friderich dem Papst gehorsame gethon/vnd von ihm erlangt die güthar der absolution/vnd entbindung des bannes. Vnd hat alle landschafften der kirchen/die er jr her abgenommen/widergeben. Vnd ward Sebastianus dazumal der Venediger oberster radts herr/oder Burgermeister/erstmals mit fürstlicher eeren vnd würdigkeit eines herzogen begabet/vnd mit vil anderen freyheiten/dem senat vnd gemeinem nutz der ganzen stat zu Venedig geben/also hernach wirt gesetzt. 2c.

Man sagt auch/das vnser Keyser Friderich/bey seinem bart geschworen hab/das er nit wolt auffhören oder nachlassen/zubekriegen die stat Venedig/er staltē dan oder bestre sein pferd an sant Mary müenster/vn das er auff sant Mary platz mit einem pflugzuacker gieng/wie vormals zu Weiland. Diß zu einer ewigen gedechtnuß/müßten sie vier örne oder kupfferne roß/ob sant Mary müenster thür vornen setzen/vnd ein theil des platzes auffhauen/vn mit steinen besetzen/wie ein acker mit fürbē/wie man es noch auff den heütigen tag sieht. Auch alle jar erliche schwein köpffer/vnd mancherley das er bey seinem bart geschworen het/des müßten ihm die Venediger vollstreckung thün/dann sie hetten sein macht an den Weyländern wol gesehen. 2c. Darnach erwarb der Papst auch den Weyländern genad/doch das sie dem Keyser/ein jähliche steür oder tribut geben/vnd solten das des Keyfers Kameren überantworten/sage ihnen der Keyser zu/sie weiter nit wölen schedigen oder letzen/so lang sie die pension vnd den zins geben.

Es ward auch ein zinsmeister oder schatzherr gen Weyland gesetzt/der von den welschen stetten in Italia/die tribut vnd freuel samelt vnd einneme/davon dann die stat Weyland ist geheissen worden/ein Camer des Reichs. Vnd also ist ein gemeiner frid worden in Italia/mit des einigen Hertzog Otthen ge-

fändnuß vnd leben/das vor mit vil tausent menschen/nit hat mögen eruolgt vnd erlangt werden.

Fort



# Vonder Venediger freyheit vnd anderen sachen meer.

## Das lxxxviii. Capitel.

**D**a nun der Keyser hinweg kam da gab der paps  
Hertzog Sebastian/vnd seinen nachkommen/auch dem Senat vnd Rat der stat  
Venedig/die nachgeschribnen freyheiten/vmb der gütthar willen/so er vomt ihn  
her empfangen. An dem ersten ein schön weiß baartüch/das allein den Päpsten  
zu Rom ward zugelassen/von alter gewonheit her zutragen vnd zubrauchen. Zu  
dem anderen/das sie ire brieff möchten versiglen mit bley. Zu dem dritten/hatt er  
dem selbigen Hertzogen verlihen ein hirtlin/das ein zierung ist/gleich einem bischof  
hirt. Zu dem vierden/hatt er dem Hertzogen zu Venedig gemacht/zü Rom in  
dem schauw oder spilhaus/die drit stat/da vor allein zwen sitz immen waren/auff  
dem einen stül zü der gerechten hand/saß der Paps/vnd auff der linken der Key-  
ser. Zum fünfften an dem auffertag/hat er in sant Mary münster/den Venedige-  
ren vollkommenlichen ablaß vnd gnad geben aller sünden/der in ewigkeit weren  
sol/als er noch auff disen tag weret. Zu dem sechsten hat er dem Hertzogen acht  
seidine faß geben/allerley farben/ire landschafften damit zubesetigen vnd freyen.  
Zu dem sibenden hat er ihn auch ein weiße korgen geben. Welche ding spricht Nau-  
clerus/seind auch gar hüpsch gemalt in sant Mary palast zü Venedig.

Darnach für der Paps auch von stat/mit dreyzehen schiffen künig Wilhelms  
von Sicilien/vnd mit vier grossen schiffen der Venediger/vn kam ersimal durch  
den wind gen Syppotum/darnach gen Troia vn Beneuentum/durch den Cas-  
siner wald/vnd machet sich gen Anagniam/da er nie lang blibe noch sich entzüle/  
sunder er kam gen Tusculam/vnd hüb an mit den Römern zuzandlen/die Rö-  
mer vnd Burgermeister daselbst wider abzustellen damit er allein herr were.

Aber darumb das sich die sach/schier auff das fünffzigest jar verzogen hatt/ee  
das s freiden her mögen beschlossen werden mit dem Keiser/vnd gar schwer was/  
die Ratsherren abzuhin/die sie schier fünffzig jar gehebt hetten. Da seind sie  
der sach also einß worden vnder einander/das fürter kein Ratsherren/die von dem  
gemeinen volck erwölt werend/solten an das Burgermeister ampt kommen/sie  
hetten dan vor dem Paps/mit außgetruckten Worten geschworen vnd gehuldet/  
das sie wölten der Römischen kirchen gerreuwe sein/vn nimer nichts vndstos/das  
der Päpstlichen würdigkeit wider were. Vnd in den weg/als die sach vertragen  
was vnd hingelegt/da ist der Paps zü dem dritten mal gen Venedig

Kommen/vnd ihm entgegen vmb friden vnd eeren willen  
alles volck der ganzen stat/mit aller solemn-  
ter vnd herlichkeit/als sich gebürt vnd  
ir alte gewonheit vnd  
herkommen  
ist. 3c.

I liij Von



Von dem Keyser  
Von einem Concilio zu Rom gehalten/vnd  
was darin gehandelt ward vnd beschlossen/vnd der  
Papst starb.

Das lxxxv. Capitel.

**D**arnach in dem iar des herren M. C. Lxxxij. da  
hielt Papst Alexander ein gemein Conciliumb in sant Johans Kir-  
chen Lateranensis genant zu Rom/das sieng an/ als Bispringensis schreibt deci-  
moquarto Calendas Aprilis. Wiewol man sunst findt das er es gehalten habe/in  
dem lxxix. iar. Es mag aber sein/das er da mit ettelichē in Italien allein/ein ver-  
samlung gehabt hab. 2c. In welchem Concilio/er strafft vnd bessert die sitten vnd  
böse breüch vnd gewonheiten des Hofes vnd rechten zu Rom/das yetzo auß vil miß  
breüchen/freyheiten/vnd versaumnuß abgefallen was vnnnd zergangen / als yetzo  
wol auch not wer. Er verbot auch da/bey pein des grossen baiss/das niemand solt  
waffen oder gewör/holz oder eyssen den vngleübigen vnd christen leuten/zubringen  
oder zulassen sieren/vnd macht ein decretal/das ist ein geschriben recht/von den ze-  
henden/so vorzeiten des Conciliumbs/allein von den leyen seind gelüßen worden/  
zu einem lehen/vnd nit von den geistlichen als yetzo/den es allein zu gehöret.

Darnach quinto Kalen. Augusti/hat Johannes Garmiensis/der ander Papst  
den man hieß papam Calixtum/sich verzigen vnd übergeben/den zweinungen vñ  
dem scismati/das so lang gewert hat das er der drit vnrecht Papst was/vnnnd hat  
sich gedemütiget/zü den füßen Alexandri/vñ ganz ergeben/wiewol sie alle schrei-  
ben/das seinem abston/dennocht die anhängen der vorderigen zwitracht/erwölt ha-  
ben ein anderen/mit namen Laudo/vnnnd hießen den Innocentium. Aber wa der  
hin kōmen sey/vnd was mit ihn gehandelt ist /schreibt niemandt auß denen/ die ich  
hab mögen ankōmen oder lesen /dañ der Friden mit Keyser Friderich /ist also fest  
bestanden vnd steiff gehalten worden. Vnd hat die groß hart zweyung vnnnd zwir-  
tracht der Bapst auffgehört/vnd die langwerenden krieg nachgelassen. Als nun  
die sachen alle gar beschloffen waren /nach vil langer vnnnd emsiger harten arbeit/  
Papst Alexander yetzund rüwig was worden vnd züfride/von aller anfechtung  
vñ widerwertigkeit/da starb er in dem einundzweinzigsten iar seines bapstumbes/  
in dem iar des herren M. C. Lxxxij. mit vertiltung aller falschen Bapst/durch  
welcher auffrühr/schier die ganz Christlich kirch verkeret ward/vnd ließ da den stül  
sant Peters/Papst Lucio dem andern des namens oder dritten /der geboren was  
auß Tuscia/vonn einem edlen geschlecht der Lucaner /der ward mit einhelliger  
waal zu Papst erwölt/als er vor Bischoff was zu Hostien /in dem iar des herren  
M. C. Lxxxij. Saß vier iar/eelich sagen sechs iar vñ zwen monat vnd achtzehn  
tag an dem ampt. Von welchem Lucio/schreibt Hermannus Carthusiensis/das  
er gesetzt hab/das man die mess eins priesters /der ein mezen oder dünen bey ihm  
hat/wol hören mag/vnd auch von ihm empfangen werden die Christenlichen Sa-  
crament/so lang vnd ihn sein bischoff leidet/duldet / vnnnd ihm nachlaßt zuleben.

Aber sie beide sünden schwerlichen / der priester so die mess lifet/ oder die  
Sacrament handelt vnd handtreicht / vñ der bischoff der ihn  
leidet oder nit strafft. 2c. Also ist die sache außge-  
rich mit den bapsten. 2c.

Wk



Wie der Keyser wider in teü sche land kam/  
vnd was er da handelt mit seinen künden. 2c.

**D**

Das lxxxvj. Capitel.

Erinnach vnd yetzo die sache zu Venedig gar was beschlossen vnd der Friden zwischen den zweyen heuptern der Christlichen Kirchen/bapst Alexanders vnd Keyser Friderichs/da empfeng der Keyser den seggen von dem heiligen vatter/mit allen seinen teütschen Fürsten vnd herren/vnd begeret wider in teütsche land. Vnd am fürziehen sahe er das sterlin Bertonnorum/wie es von natur vnd gelegenheit so wol bewart was vnd fest erbauwen/vnd überflüssig vol aller narung/vnd nützlich zu allen dingen/vnd auch ein gesunden lufft haben/gedacht er das fast füglich vñ gelegen sein einem Keyser/der gen Rom wölle ziehen/über berg reiten/vnd schickt oder verordnet da seine Kriegsleit vñ soldaten/das sie es solten bereiten vnd einnehmen/da das also geschah/mit grosser müß vnd arbeit. Das ward dem Bapst verkündt/vñd er schickt dem Keyser ein borschaft nach/die den Keyser solten bitten/das er auch das Klein sterlin/ließ in dem Italicen Friden rüwen/vnd sich fröwen der einigkeit vnd des vertrags/zwischen ihnen auffgericht. Vñd als bald da schenckt der milte herr/das sterlin dem Bapst/verließ Italien/vnd macht sich wider in teütsche land/vñd er blib etwa lang zu Keyser slauchern ligen/das er ein wenig rüwet von den Kriegschweissen/vñd der grossen vnruw/die er yetzo vil tag gehebt het/dañ er was yetzo eben alt worden/vñ fieng an der ruw pflegen/vnd seiner künden nutz betrachten/sie züuersehen vnd versorgen/dañ er het noch fünff sün/einen genant Heinrich/der darnach König vñd Keyser ward. Vnd Friderich den er darnach zu einem Hertzogen von Schwaben verordnet/vnd Orto der demnach der mütter land besaß zu Burgundien/er was der/der zu Venedig gefangen ward/als obstar. Vñd Conradum der nach seines brüders tod/hertzog ward zu Schwaben. Vnd noch ein iungen Philippum/der nach König Heinrichs tod in das Reich kam/vnd erstochen ward von einem jungen Pfaltzgrauen von Wittelsbach. Vnd in den geschefften verließen sich wol vier jar vnd meer/in denen die ding geschehen seind. 2c.

Wie vnser Keyser sun Heinrich zu einem  
Römischen König erwölt ward/vnd was  
darnach geschah.

**S**

Das lxxxvij. Capitel.

Al nun ietz gantz Italien vnd Teütsche land sich fröweten des heilsamen güten Fridens vnd allenthalben still was/vñd yederman rüwig/da hielt vnser Keyser Friderich ein grossen hoff vñd vest/in der statt Meynz/erlich schreiben Franckfurt-Ließ da berietten alle Fürsten vnd herren/grauen/Edlen/Ritter vñd knecht/des gannzen Reichs/vñd sunst auch vil herren  
von



## Von dem Keyser

von anderen frembden Königreichen vnd landen. In welcher versamlung zwen seiner sün/zü Ritter geschlagen wurden/die beid das schwert empfiengen vnd annahmen/mit namen Friderich Herzog von Schwaben/vnd Heinrich sein elterer sun/bey sibemundzweinzig jaren alt/ward auch allhie auff dem tag/zü einem Römischen König erwölt/ von den Churfürsten/ vnd zü Ach gekrönt/mit der ey-  
sunkron/wie gewonheit ist. In dem jar M. C. Lxxxvij. mit grossem willen/gunst/ freiden vnd herlichem bracht des ganzen Reichs. Zü der selben zeit/ward auch das schloß Breysach vomn König Heinrichen angefangen zubauren/das noch da stat/vnd die waldrappen darinnen nisten/vnd was der jar eins/als ein warmer winter/das in dem Christmonat vñ Jenner/vil baum blüeten/daran man zü Liechtmess gross byren sach/als Haselnuß/vnd die Rappen vñnd andere vögel/machten junge in dem Jenner/aber das nachgend jar/ward gannz das widerspil/vñnd so grosse Keltin/das mitten in dem Meyen am Pfingstag/ein grosser schne fiel/der alle ding verderbt.

## Von dem end den die Welschen stett einem Keyser zuthün schuldig seind. 2c.

Das lxxxviij. Capitel.

**D**arnach in dem iar des Herren M. C. Lxxxvij. schreibt Maucerus/Keyser Friderich sey verزند fast erlegen zu kriegen/vñnd der vnriw müd worden. Sagte da ein tag allen Lombardern vnd stetten in Italien auff ir begeren/zukommen gen Costenz/daselbsthin dan der genanten Italianer Fürsten/herren vnd Potestaten/sich erzeigten gehorsamlich dem aufgeschribnen gebot nach. Da seind gesetzt worden vnd auffgericht etlich verträg/vomn den dienst-  
sten die yede stat in Lombardien/dem Keyser hinfür schuldig ist zuthün. Vñnd das wirt genant Pax Constantie/d Costenzer freid/den sie noch heüt bey tag haben in schrift. Darüber Baldus ein grosser jurist/ein cōment gemacht hat/vñnd ein außlegung d gloß. Vñnd über das/wölle sie nit weiter vñ yemand getriben we. dē. Vñ her der text also an. Keyserlicher miltigkeit/gütiger stille. 2c. In latein Imperialis clementie mansueta serenitas. 2c. ) Daselbst werden auch erzalt vnd gesetzt/die namen der stet/die den freiden geschworen haben/vñnd ist diß die weis des Eyds.  
In dem namen des herren schwöre ich N. das ich hinfür wil getreuw sein/Herz Friderichen Keyser/vñnd seinem sun König Heinrich. Ich wil auch nit sein in dem rat oder that/das sie ir leben verlieren/oder ein glid oder vernunft. Noch die kron des Keyserthümbes oder seines Reichs/nach gefangen werden. Vñnd wañ ich yemand wüßte/der es gethon her oder thün wolt/durch mich selbs oder ein andern/so will ich es als bald dem Herz Keyser/König/oder seinen boten vñnd anwalt on betrug vñ argen list offenbaren/vñnd will ihm helfen. Darzū den Friden des herren Keyser vñnd seines suns König Heinrichs vñnd seiner partheyen/so gemacht ist mit der gesellschaft Lombardien/wie geschriben ist/ vñnd die dan on geferd/in fünffzehen tagen hernach schwören mit gütem verstand/vñnd wie das mit des herren Keyser sigel versigelt ist/wil ich halten mit güter treuw vñnd glaben/one betrug.  
Vñnd das auch wil ich thün schweren/alle knaben die bey mir wonen von sechzehen jaren vñnd darob biß auff die sibenzig/ in fünffzehen tagen/nach dem ich das  
also



also auffgericht vnd geschworen/haben bin/aufgenommen die knecht. Vnd welche durch nuch nit schwören wellen/will ich inmerhalb dem dritten tag/dem Keyser/Künig/oder seinen boten vnd anwalt durch ein brieff offenbaren. Dife ding seind geschehen in dem jar des heren M. C. Lxxxij. als da regiert der alldurchleuchtigst Römisch Keyser Friderich/in dem jar seines reichs zweyunddreissig/aber des Keyserthumbs neunundzweingigst/ geten zu Costentz. Vnd also ist der frieden mit den welschen sterren gar beschlossen worden/versichert vnd besterigt mit den eyden.

Wie der Keyser seinem sun hochzeit hiet zu  
Weyland vnd er darnach spaciert durch  
ganz Italien.

Das lxxxix. Capitel.

**D**arnach in dem iar des heren M. C. Lxxxvi. an dem sibenden tag des Jemmers/hat vnser Keyser Friderich/seinem sun Heinrich/herliche Künigliche hochzeit gehalten gar loblichen/in d stat Weyland in sant Ambrosius Kirchen/mit frau Constantia/die da was ein dochter Rogery des Künigs von Sicilien/so ihn nun vermehelt was/durch die dispensatz oder nachlassung des Paps/s der land halben/die nit wol anderst mocht beschirmt werden noch in frieden bleiben/dan sie was ein Klosterfrau zu Banormitan vnd het sie in gewalt herz Guilhelm ihs vaters brüder/der sie erzogen hat/vnd in irem namen die land Sicilien regiert. Das geschach im einunddreissigsten jar seines alters/aber des reichs im fierden. Vnd sagt ihn der vatter Keyser Friderich über ganz Lombardien/vnd über die land in Italien/so ihm züstünden/zu einem regierenden herren. Des gleichen seinen andern sun Friderich/vermähelt er des Künigs dochter von Ungern/doch ward er mit tod fürkommen vnd starb/das er sie nit mocht zu Kirchen fieren oder hochzeit haben. Vnd also spricht Maucierus/ist vnser Keyser Friderich vergund an zu dem sechsten mal/mit den teütschen Fürsten in Italien gezogen dan die Weyland er/lieffen ihn bitten vnd begeren mit grossen ernst/das er die hochzeit seins suns wolt bey ihn halten/zü ein zeichen/das sie wider erlangt hetten Keyserliche gnad vnd frieden. Deshalb vnser Keyser Friderich/als er vorhin empfangen het von inen/die zeichen der stat/mit den guldin schlüslen/zü einem rechten zeichen irer gehorsamme vnd vnderwürfflichkeit/vnd er inen allen vollkommenen frieden geben hat/da verwilligt er auch die sach. Vnd allen welschen herren vnd regenten in ganz Italien/verkündet er einen gemeinen offenen hoff zu Weyland. Auf welchen tag/von den landen yhen seit dem gebürg gelegen/vnd auß ganz Italien Tuscia/Campania/Apulia/Sicilia/sich die Fürste vñ herren alle versamelt/vñ empfiengen da die Schwester Künig Wilhalm von Sicilien/vnsers Künigs Heinrichs gemahel/mit grosser Küniglicher rüstung/apparat vnd herlichkeiten/vnd mit grosser pump des volcks/die mit dem Keyser vnd breürling ir entgegen ritten/vnd mit grosser würdigkeit des Reichs/der gleichen nie gesehen ward. Auf dem tag vnd hoff/ist der frieden hienor gemacht vnd auffgericht/ganz vnd gar erneuwert/besterigt vnd versichert worden/vollkommenlich nach aller nordurfft/dann sie überkamen alle gnad/so fründlich er zeigten sie sich dem Keyser.

Vnd



## Von dem Keyser

Vnd auß krafft des friedens zoch vnser Keyser friderich in etwa vil stet in Italien/zñ letzt kam er gen florenz/vñnd da ward er gar eerlich empfangen/wiewol sie es mit dem Papst gehalten hetten. Daselbst ward der Keyser bewegt/durch klag etlicher edlen von der stat da inen ire schloß weren genommen worden. Vnd vmb des übermüts willen der florentiner/nam inen Keyser friderich alle Graffschafften vnd herlichkeiten/bis zu den statmauren. Wie er dann auch andern staten gehon hat in Tuscia/das sie außerthalb kein gewalt mehr hetten/vñ gab den edlen ire schloß wider/als die dem Reich gehörten. Aber nach vier jaren/überkamen sie es alles wider/schreibt Antihonius in seiner Cronica. Als nun die sachen in Italien volbracht waren/mit allem frieden/da zoh er wider in Teütsche land/mit seinen Edlen/Fürsten vnd Herren. 2c.

## Von einem Reichstag zu Nürnberg ge:

halten/vnd was da für ein frieden gemacht ist. 2c.

Das xc. Capitel.

**D**arnach in dem iar des herren M.C.Lxxxvii. hat vnser Keyser friderich/ ein grossen Reichstag mit versamlung aller Fürsten zu Nürnberg gehalten/daselbst er dan ein gemeinen landfrieden hat lassen auffrichten/darüber er hat lassen brieff machen/wölche die teütschen noch auff den heütigen tag friedbrieff oder gleitsbrieff heißen/vñnd brauchen auch kein ander gesatz darzu weder das. Welches grossen brieffs inhalt/ wir an dem end diß büchs gesetzt haben/auff das ein sollich beschnitten kurtz recht/nur auß der menschen gedechtnuß kām. Welcher also anfacht. friderich von gottes gnaden Keyser. 2c.

Vñ da gebeit er frieden zuhalten/vñ das man nit brennen sol. Welcher aber in eins Fürsten herrschafft brennet/der sol in die Acht verkündet werden/vñnd wil er sich darab nit besseren/so sol ihn der Bischoff darzu auch verbanen. Vñ ist es das er in jares freist/nit ledig wirt noch absoluiert von der Acht vnd ban/so sol er alles seines rechten vnd eeren beraubt sein/vñnd in ewigkeit manglen aller freyheiten/sich deren in kein weg meer zubeheffen. Item vnd ob einer in der reisen eins herzen verbrant het/so sol der herr des die reiß ist/schweren auff das heiltumb/das es nit sein wissen sey/noch auß seinem willen beschehen/vñ aber den thäter/sol er von ihm thun/vñd nimmermer wider annemen/sunst so müßt er den schaden bezalen. Vñ ob ein sollicher breñer/in eins herzen schloß flüße/so er getriben wurd vnd gezwungen oder veriaht/so ist er nit schuldig/ihn zugeben den nachvolgern die ihn süchen/sunder sol ihn helfen/das er einweder in ein wald/oder sunst an ein end komme/doch verstand es also. Wan der herr sein fründ ist/oder sein lebenherr/sunst so soll er ihn antworten/denen die ihn süchen/oder er ist in der selben büß vnd schuld. Er hat auch gesetzt/welcher einem schaden thun will oder yemand lezen/der sol ihn das auff das minst/drey tag vorhin verkünden vñnd absagen durch sein gewissen botten. Auch spricht er in dem selben brieff/wir setzen vnd gebieten/welcher einem sicherheit oder ein verschreibung gibt über sich/es sey dan etwas anders gehandelt/so sol er ihm nit mögen widersprechen vor dem gesetzten zil/vñd ob er das thut/so sol



sol man ihn für ein glaubbrüchigen halten. Item welcher ein botten schädiget/darumb das er ihn absagt oder wider sagt/der hat sein trew vnd glauben zerbrochen/vnd sol fürter aller eeren manglen. Wir gebieten vnnnd setzen auch/von der weltlichen pfaffen kinder /das jr keiner sol den Ritterslichen gürtel annemen / noch das schwert/mit zu Ritter geschlagen werden. Er hat auch gesetzt/wa einer die reben oder baumgarten abhawet/der sol vnderworffen sein der obgenannten acht vnnnd bañ/wie der breimer. Vil andere ding hat er erkant vnd gebotten/die ich hie vmb künze willen laß anston. Sund andern end wil ich es gar schreiben die ganze form des brieffes/von wort zu wort. Vnnnd das ist geschehen zu Nürenberg / in dem jar des herren M. C. Lxxxvij.

## Wie der Papst von dem Türcken ließ aufgion/was er der Christenheit abzug/vnd soul zuleid ther.

Das xcj. Capitel.

**N**ach bapst Alexanders tod/mit dem vnser Keyser Friderich soul zuschaffen hert/als hienor gesagt ist/kam an sein stat/bapst Lucius/vnd darnach Urbanus/die beide lebten nie lang/da ward erwölet Gregorius/ ein geleter man /der hert grosse begird vnnnd willen/zuhelffen der stat Hierusalem/dañ er her verstanden vonn künig Buido von Hierusalem/iren patriarchen/wie ihm der Soldan so wider wertig were. Darumb so schickt er vil brieff vnd botten zu allen Christen fürsten/vnnnd ermanet sie/die stat Hierusalem wider zügewinnen/vnd zohe er deshalb gen Pisa/da starb er bald. Vnd demnach ward zu Bapst gesetzt Clemens der drit. Der ließ aufgion als bald ein gebor wider die Saracen/das man sie kriegen solt/ dan Soladinus der Türck/künig von Persia/her groß glück gehebt / vnnnd in kurzem fünffundzweintzig stet / von dem Keyserthumb Antiochia gewonnen/ vnd her schier das ganz künigreich Hierusalem in grund vnd boden zerstört/vnd in seinen gewalt bracht/welches geschrey alle Christenland erschreckt. Darumb so rüsten sich alle Christen künig/ fürsten vnd herren/auf güter ermanung des Bapsts/zürechn das Christenblut/vnnnd vmb des zugs willen ward ein gemein concilium zu Paryß gehalten. In dem jar des herren M. C. Lxxxvij. In welchem ein wunderbar vnzallich volck/das cretüz annam/das alles ziehen wolt wider die vngleübigen. Vnd in dem selbigen Concilium/ward geordnet von künig Philppen auß Frankreich / das alle die/die das cretüz nie namend/auff das minst/von allen iren gürtteren/ligends vñ farends/den zehenden geben solten/vñ das seind genant worden (Decime Saladin) das ist der Türcken zehend/damit man sold möcht haben vnd liuerung/die groß reiß zinuolbringen/gott vnd aller Christenheit zu lob vnd eeren. &c.

## Wie sich die Christen künig alle rüsten/ den Türcken zübekriegen/vnd wer sie waren. &c.

Das xcij.



## Von dem Keyser



### Das xcij. Capitel.

**E**s aber vnser Keyser Friderich allweg in seinem gemüt het/wan er von den heimischen kriegshandlen rüwig wäre/ so wolt er vnderston/das grausamlich volck der Türcken/ als feind des Christenlichen glaubens/vndertrucken vnnid niderlegen. Darumb so het er den Fürsten allen/den obgenannten tag bestimpt / gen Nürnberg zukommen/daselbst dan der Keyser personlich/mit des Papssts botschaften vnd vil anderen Fürsten vnd herren/mit grossen einbrunst vnd willen/sres hertzen lust vnd fröwen/das Creütz annamen vnd empfiengen/die vngleübigen zustraffen. Vnd das lieffen sie durch ganz Türsch land/mit offnen briuen verkünden vnnid auß- rüffen/vnd damit ein yeder freydiger man ihm nachuolgte/desten freyer vnnid vn- uerhindert. So macht er da ein mandat vnd gebot des fridens/von dem hievor ge- sagt/das wolt er in seinem abwesen/steiff gehalten werden von menglichem. Vnd beualhe da die sorg vnd cura des Reichs/seinem sun König Heinrichen. Vnd also in zweyen jaren den nechsten/wurden alle ding zugericht / was zu dem krieg / vnnid der sache notwendig was/vnnid da hieß er das volck alles zu Regenspurg zusamen kommen. Nñ vmb leichter für willen/damit man desten bass möchte von stat kom- men/speiß vnd narung haben/ließ er den zeitig in einundzweintzig schiff vnd hauf- fen theilen. Vnd für also die Thonaw hinab durch Osterreich/ Hungern/Bul- garien/Thracien. &c. Vnd kam also gen Constantinopel. In dem jar des berren  
M. C.



M. C. LXXXV. Also setze doctor Eck. Alber Nauclerus schreibt / es sey in dem neuntundachtzigsten jar geschehe / das vnser Keyser Friderich über land gen Constantinopel komen sey / mit den frumen teütschen. Dñ war e / sagt er / in seinem zeüg / dise nachgenanten Fürsten vnsern / mit namen hertzog Friderich vñ Schwab / des Keyfers sun / vñ Beroldus fürst zu Moranien / d bischoff von Würzburg / d B. vñ Tarantasi / der bischoff von Münster / d B. vñ Passua / der bischoff von Ollisburg / der bischoff von Meyssen / Hermannus Marggraff von Baden / Fridericus von Berglen / Conradus von Dornach / vñ sunst vil ander herren / freyen / vñ edlen / Frauen / ritter vñ knecht / die schwer vñ vnzalich weren allhie zu setzen vñ erjelen / auch on not / dan dise vorgenanten waren die fürnemsten von den Teütschen / in des Keyfers zeüge. Dan wie Keyser Friderich obgenant / mit seinen herren da was / also kam über mör ein annderen weg König Philipp von Frankreich / vñ Richardus König von Engelland / die wider aller menschlichen meinung beyd das Creütz hetten angenommen / vñ ein ewigen friden mit einander gemacht / als sie sunst gemeinlich vneins waren. Dese gleichen hertzog Ottho von Burgundien mit vil Prelaten vñ Erzbischoffen. Auch die Venediger vñ Pisaner fürten auß vast wolgerüste hörschiff vñ Saleen. Vñd König Wilhelm von Sicilien / der macht das mör fridlich von den reüberen der schiff / vñd gab menglichem genüg wein / korn / vñd was zu leiblicher narung diener / allen denen / die auß Sicilien vñd Apulien zogen. Ober das alles kamen die Friesen / die Dänischen vñd die auß Flandern / mit fünffzig streitschiffen / vñ lendeten zu jhn an dem land Africa / vñd thetenden Saracenen grossen schaden vñd überlast. Es kamen auch in den zeüg / der König von Polen vñd Ungerer / die alle der Christenheit heil begereten vñd suchten (spricht Urspringensis) wolten also die vngleübigen an vil enden angreifen / damit sie dester minder möchten widerston / noch einander zühilff kommen.

## Wie Keyser Friderich gen Constanti- nopel kam / vñd demnach über mör den Soldan krieget.

### Das xcij. Capitel.

**A** Es nun vnser Keyser Friderich / mit den frumen Teütschen / wie obstat / glücklich vñd wol die Thonaw hinab / vñ über land kommen was / biß gen Constantinopel / des gleichen die Welschen herin / über was / ser vñd mör / vñd die Niderländischen Seester / alle auff der fart waren / die Türcken anzugreifen / vñd was am mör gelegen ist. Da erschrack vñd forcht der Griechisch Keyser Isaac / den grossen gewalt vñd die macht vnser Barbarosse / darumb das er auch vor oft vñd dick / die Griechen het auß Italien getrieben / wa er sie fand in Welschen steten / vñd fieng an sein volck zuuersamen / vñd hielt sich in der stat Constantinopel / er schickt aber eylends seine legaten vñd botschaffter zu dem Keyser / zuerwerben vmb ihm concordi oder friden vñd vertrag / den sie auch geschworen haben steiff zuhalten / doch mit dem geding vñd abred / das der Griechisch Keyser von Constantinopel geben sol speiß vñd narung / mit essen / trincken / vñd

R ij allem



## Von dem Keyser

allen dem so not wer/dem gantzem Christen volck/so bey dem Keyser was/dn  
sein gantz land vnnnd reich/vnnnd darzu ihm seinem costen/den zeig über das meer  
fürer/Bosphorum genant/so er belidit künde. Vnnnd disen friden oder vertrag/  
nam der Keyser Isaac von Constantinoppel/mit grossen friden an/zü volbringē.  
Vnnnd empfieng da/vnnnd ließ inn die statt/mit grosser herlichkeit vnnnd pompen/  
vnseren Keyser Friderich/vnnnd eyler oder begert da so bald/des Keisers gebot zü  
volbringen soer gern bald/dern gest/wer abgewesen/schreibt Doctor Eckē.

Vnnnd als der Keyser gar frölich über das meer Bosphorum kommen was mit  
höres krafft vnnnd allem gewalt/besaz er das landt Asie. Inn welchem er vil vn-  
glücks erlitten hatt/dann als er an dem ersten in Licaomiam kam/da gebort er alle  
ding nach feinds art/mit gantzem gewalt an zügreiffen/zereiffen/zerbrechen vnnnd  
zerstören/alles das berauben vnnnd nemmen was da wer/vnnnd biß ihn den grundt  
vnnnd boden verderben/mit feir vnnnd eyser zü nichten machen vnnnd vertilcken/da  
mit sein zükunfft/dem Türcken deßer grösser forcht einstrüffen/vnnnd das hat ihm  
auch nit geselet. Dann der groß Soldan der zü Iconio hoff hielt/erschrack seiner  
zükunfft also fast/das er ihm züsagt er wolt den gantzem zeng/mit speiß vñ narüg  
versehen/vmb ein zimlich gelt nach aller norturfft. Aber der vngleibig man/hielt  
nit allein das nit/das erhet zügesagt/vnnnd sich erbotten zütun Sunder auch ver-  
samlet er über sollichs/ein grosse zal der Türcken/vnnnd allenthalben veriert vnd  
bekümmert er des Keisers zeig/wa er inn ankam. Des ward der Keyser zornig/  
vnnnd folget ihm nach/in zü durechten/biß gen Iconium/vnnnd ließ neben auß/al-  
le landschafften vederben vnnnd zerstören. Vnnnd als er auff Cilicien zohe/vnnnd an  
ein enge des lands kommen was/da vil not was zü erleiden. Da fand er ein vnseg-  
lichen hauffen der Saracenen. Die sich der engen statt/hilff trosten/vnd vermein-  
ten im leichtlich den weg dazü vor verhalten/vnnnd zü verhindern/das er nit  
hin durch möcht kummen. Da das vnser Keyser vernam/vnnnd die

speßer des lands die ihm das anzeigten/da schickt er sich manlich

wider sie zü fechten/mit seinem volck/vnnnd eilends siel er

sie an/vnbedachter sach/vnnnd durch Gottes hilff

tribe er leichtlich/die vngleibigen Türck-

en/von dem ort. Vnnnd als er ihnen

ach folgt/biß inn das weifeld

mit seinem hör/da ward

ein grosse schlacht wi-

der sie volbracht

vnd gewonnen

also schrei-

bet


Maclerus.

Wie



Wie vnser Keyser zu groß mechtig stett gewan/  
 Philomeniam vund Iconium/ vund hett da mancherhande  
 alter Kriegs rüstung / vund machte den Türken  
 flüchtig.

Das. xciiij. Capitel.



R ij Darnach



## Von dem Keyser

**D**arnach als er vil stättlin vnderwegen beraubet  
het vnd geplündert/da zohe er wider die groß stadt Philomenia ge-  
nant/die er belagert vnd bald gewann. Vnd gab da seinem volck die  
selbig mächtig reich stat/für ein beüt/zü plündern vnd theilen. Nach  
sollichem/het vnser Keyser Friderich/grossen lust vnd einbrünstigen willen/zü der  
statt Icaonia/da seines vatters brüder/Keyser conrat/seliger gedächtniß/durch  
vntreiw/Emanuelis des Keyfers von Constantinopel/abziehen müß mit vnges-  
thonem handel. Dann als Emanuel der Griechisch Keyser/Conraten vor genant  
da er gen Hierusalem wolt/seinem volck lifferung vnd profiand zü sieren/wie vnse-  
rem Keyser Barbarossa auch geschehen ist. Da entfaß vnnnd forcht er sein grosse  
macht/vnnnd gewalt die er mit ihm bracht vnd fôr sich auff der Griechen bösen seite-  
ren vnnnd argelist/vnnnd mischer da des Keyfers volck/gifft vnder das mel. Da von  
dann ein treffliche grosse krankheit entstanden ist/inn Keyser Conrats zeüg/al-  
so das er müß von der statt Icaonio/hinder sich wider heimziehen/inn Teütsche  
land vnd von dem führenen vnd belegerung lassen nicht schaffen. Dise schmach/  
wolt vnser Keyser Friderich vertilcken/vnnnd das verloren wider bringen/da er nun  
am anfang/Icaoniam das land hett durch zogen/vnnnd alles das mit feür vnd waf-  
fen vnderbracht vnd zerstört was er fand/wie ob stot. Da legt er den gantzen zeüg  
für die hauptstat Icaonium/vnnnd belegert sie allenthalben/der maß das nit wol  
mitglich was sich zü erwerben/die vnderstünden ihm anfenglich zü widerston. Aber  
sie kundten vnnnd mochten lenger mit den gewalt des großmächtigen Keyfers erlode-  
en oder dulden. Vnd namē ein friden an/wie er in selbe macht/allein das sie bey lebē  
bliben. Des ließ er sie nackend vnnnd bloß abziehen/vnnnd von der statt gon/die gab er  
seinem volck zü plündern. Vnd da er hin weg wolt/ließ er sie zü eschen verbrennen/  
mit reichlichem feür vnd flamen. Vnd also ist er auch durch Cappadotiam kom-  
men/vnnnd alle ding darinen verderbt vnnnd zerstört vnnnd inn seinen gwalt gebracht-  
Schlug ab von ihm die Türcken/an allen orten vnnnd enden/wa sie an in setzen wol-  
ten/so waren sie verloren vnnnd verjagt. Also fast/das der Türk Saladinus/nit  
wol wüßte/wa er hin fliehen oder wahn er sich keren solt/das er sicher wer/vor dem  
strael des Chrißtenlichen Keyfers Barbarossa. Vnd also nun vnser Keyser Fry-  
derich/von den sterten Philomenia vnnnd Icaonio/sampt anderen/herlich gesiget  
het vnnnd triumphiert/vnnnd die Soldanischen vnnnd Türcken/die ihm widerstrebten  
mitt gewalt zwang vnnnd vnder sich bracht/da für er fürter inn Armeniam. 2c.

## Von dem sterben vnnnd fleglichen todt vnser Keyser Friderichs Barbarosse.

Das. xcr. Capitel.

**A**ls aber nun vnser Keyser Friderich alle ding wie  
ob stot/so loblichen vnnnd herlichen volbracht/vnnnd ganz ein gewann/von sollichem  
grossen sig vnnnd victorien/satzte er ihm für/mitt allem zeüg/fürter züziehen/in dz  
recht Innerlich land Asie/den Türcken gar zü vertilcken/bekriegen vnnnd vercrey-  
ben. Darumb so kam er inn Klein Armenia/vnnnd bracht da alle ding inn seinen  
gewalt/also das weder vor oder nach/der Türk Saladinus nie so fast/geförcht  
hatt siem



hant sein vertriben vnd verdilckung/dann er erfüllet alle ding/mit brand/todschleg  
vnd zerstörung/da was nichten/das einem solchen großmächtigen Keyser wiß stün-  
de/nicht das er nit vnd sich brecht/vmnd eroberet/ein solche forcht allenthalben/jm  
denē die da flohen. Also dz allein Keyser Friderichs nam/sie alle erschrecker/vn ver-  
zweifleten an ihrem Türckischen Keyser Saladino/des sach yezund gar vnder-  
gieng/das es mit ihm geschehen wer/wa vnser Keyser Friderich/lenger im leb-  
en bliben wer. Aber fürwar/durch ein böß glück vnd vngesell/mitt großem schad-  
en aller Christenheit/ist der aller Durchleuchtigste großmächtigste Keyser/jm  
der größten hitz des Augsten/gangen sich zu wesen oder baden/jm einem wasser  
fluß Armenien mit nammen genant Cignus oder Cidnus/da selbst er sich über vn  
braucht mitt schwimmen vmd anderem lust des wassers/vmd stüß mit dem leib  
an einen scharpfen stein/von dem er tödlich verletz ward/vnd kümmerlich von seine  
dienern herauß gezogen/lag da drey tag zu bett vn satze seinen sun hertzog f. von  
Schwaben/der mit ihm zu feld lag/für ein obersten hauptman/an sein statt jm  
dem Asiatischen krieg/durch beger vnd verwilligung aller anderen fürsten vmd  
herren die mit ihm waren. Als er nun alle ding wol geschickt vnd verordnet het/jn  
güttem alter seines lebens ein man jm allen sachen/großmächtig vnd loblich/hat  
er seinen sigbafften triumphierenden Edlen geist/auffgeben jm die handt des all-  
mächtigen Gottes an dem fierden tag darnach/mitt großem trawen vn weinen des  
ganzen zeügs vnd alles volcks. Also schreibt hie von Doctor Johannes Ecke. 2c.

Aber Naclerus auß apt Dispringers angeben/der schreibt also. Da vnser  
Keyser Barbarossa mit gesunde frölichen zeüg/kam in Ciliciam/ist er mit gros-  
sen freunden empfangen worden von dem Hertzogen auß Armenia. Aber da er an-  
geschlagen het/ein wenig daselbst zu verzeihen vnd bleiben/sein volck zu ergetzen d  
arbeit vmd grossen vnuß mitt den stetten ziehen vmd reysen. Vmd jm ermanet  
vnd bat/der selbig Herz auß Armenien/ein gürtten mit zu haben/mit jagen vmd  
beyssen/das dann der Herren lust ist. Da er nun/vileycht auß erheyschung vnser  
sünd vnd von vnser verdiensts wegen/jm grosser hitz/die er het/abgangen ist jm  
ein bach/den die einwoer des lands/Seran hießen/sich zu wesen oder baden/vn  
das wasser so schnell was treiben/vnd jm vnerfaren noch künlich/da sey er gestor-  
ben. Ein Keyser solichs groß hör zeügs vnd fürnemens sollicher loblicher thaten/  
ist jm dem wasser verdorben/zü vnwiderbrinlichem schaden/aller Christenheit.

Also ist der vatter des vatterlands ein hammer Italie/ein forcht der Türcken  
vnseeliglich vmb kummen vnd gelegen. Vnd den die großmächtigen seind/mit hab-  
en mögen überwinden/den hat der vnbedacht vnuersehen stein vmd fel-

sen/in dem schanelichen bach/dem todt empfolhen/vmd jm

sterbend not bracht. Also ist gestorben Keyser Friderich

der vnüberwintlich held genant Barbarossa. Im

dem jar des Herren. M. C. xc. Da er yezt

regiert het. xxxviii. ein großthätiger dur

chleuchtiger man der das Römisch

reich/so fast gemert hatt/das er

nach Keyser Karle dē gro

sen/sein gleich nit ge-

hept hat/einer solch

en handel

vmd würdigkeit.

R iiii Wie es



Von dem Keyser  
Wie es nach des Keyfers todt ergieng/ mit seinem  
folck/ vnd allen andern sachen.

Das .xcvj. Capitel.

**E**s aber nach Christenlicher gewonheit/ der todt  
vnd sterben vnser Keyfers Friderichs/ seliger gedächtniß/ volbracht vnd began-  
gen was nach Christenlicher gewonheit/ wie sich gebürt einem sollichen großmäch-  
tigen herren vnd sighaften Keyser/ mit der herlichen pompen vnd leichen. Ist als  
bald der sighafte zeüg/ der yetz gewont hat sterigs ob zū ligen/ kōmendurch Arme-  
nia/ in Palesti nam das land/ wie dann Keyser Friderich da er sterben wolt befol-  
hen het. Da sie nun auß Armenia zohen/ durch das land Siriam/ da zerstört en sie  
weit vnd breit alle ding/ vnd was ihn begegnet das griffen sie an vnd nichten das  
sie angriffen/ es ward auch gewōnen. Zū lertst da kam der starck überwündent zug  
inn das Jüdisch land. Da das der Türck Saladinus innen ward/ verließ er A-  
siam/ vnd flohe in Egipten dann er forcht vnd enfaß das volck so fast/ das er Si-  
riam ließ/ vnd gedacht mit seinen Türcken in Egipten fliehen/ vnd verzweyflet die  
ort vnd durch die der Keyser ziehen wüerd/ ihm zū wider willen/ lenger mögen  
behalten. Darumb so hieß er alle ding vor abbrechen vnd zerschleiffen/ damit vn-  
ser Keyser dester Gefürt kam vnd sich nitt lang saumer oder stillig/ inn hoffnung  
er wolte es darnach/ mit der zeit wol wider erobern vnd gewinnen. Da worden zer-  
stört die mauern Caodice. Bübli. Beritij vnd Sidonij/ fast grosse stert. Vnd  
Hertzog Friderich vnser Keyfers sun/ oberster feldt hauptman/ satz ihm fur/ zū  
belegern die groß statt Accaron/ die gar starck vnd mächtig was/ vnd solck reich  
Enrbot da Künig Budo von Hierusalem/ der auch Christen was auß Frank-  
reich/ der lertst Künig nach Gottfrid von Bullion der das Heilig landt inn hatt/  
durch ein erbere botschafft/ den trurigen todt seines vatters/ mitt begerung das er  
ihm zū schickt ertliche menner/ durch welcher rhat vnd glauben er mitt dem zeüg  
möcht fürfaren/ dann ee das er die belegerung anfieng/ wolt er gern wider gewinnē  
die stat die Saladinus der Türck/ dem Christen herr angewonnen. Da wurden  
im geschickt/ von des Künigs seiten/ Balduinus petracensis schloß her/ vnd ein rit-  
ter auß Pictauien/ dise zwen kamen zū ihm/ mit einer erberen gesellschaft/ vnd vß  
irem rhat/ kerten sie sich gen Antiochia/ inn ein volle stat leiblicher narung/ den  
zeüg vnd das folck dazu ergetzen vnd trösten/ da funden die Teütschen/ ein über-  
fluß aller lustigen narung/ vnd wess man geleben soll vnd not was/ als sie nun nach  
irer gewonheit/ des leibs pflegen wolten/ vnd sich als vnglücks so sie bißher gehept/  
vnd leidens ergetzen/ wurden sie foll/ des essens vnd trinckens. Vnd über kurze zeit  
darnach/ vnd vülleicht auß vngewonheit des warmen luffts/ od überfluß der speß  
dauon sie sich nitt mässigen kundten/ als der Teütschen gwonheit ist/ da ist ein solich  
plag über die Teütschen kōmen vnd ein so grosser sterbent nach gefolget/ das von  
dem so großmächtigen zeug/ gar wenig lebendig bliben/ vnd waren schier alle ge-  
storben/ gleicher weis/ als ob gott nitt wolt. das die glider lenger leben solten/ weder  
das recht haupt.

Darumb so ließ der jung herr/ Hertzog Friderich von seinem fürsatz/ vnd  
anschlag/



anschlag/die andern stett des Türcken weiter zubekriegen/vnnd verkert sein an-  
schlag/vnd schiffet gegen der statt Cyrum/da selbst ließ er begraben vn̄ zū der er-  
den besterigen/seines vatters leichnam/mit Keyserlicher würdigkeit vnnd zierden/  
den er biß daz̄ar het stets mit ihm geführt. 2c.

Wie die statt Accaron gewonnen ward /  
vnd Hertzog Friderich starb/ vnd die Teütschen  
kamen wider in teütsche  
land.


Das xcviij. Capitel.

**S**unnach in dem iar des herren M.C. Lxxxix.  
Da Künig Guido vō Hierusalē/sahē dz die Christen so nach bey im waren/zū be-  
schirmung vnnd behaltung der statt Hierusalem/ein vertruß hetten/das sie also  
soltē stilligen. Sunderlich so die Keyserlichen so nach waren/vnnd sie ihnen wol  
möchten/wa not wer/zū hilff kummen vnnd gesellschaft leisten/da versamlet er ein  
rhat/mit den besten so er het/vnnd wurden eins/die statt Accaron zū belegeren/  
das auch Hertzog Friderich müther/als vorgesagt ist. Dann man sagt es  
wer der gröser theil/von dem Heiligen Chreuz noch darin/das der  
Türk Saladinus den Christen genomen het/im Krieg vor Hieru-  
salem. Da nun das Saladinus der Türk vnd Soldan ver-  
nam da schickt er sein volck/zūhilff den seinen/die ih̄n der  
statt belegeret waren/vnnd als das volck zūsam-  
men kam/da schlug er sein leger gegen der chri-  
sten leger/vnnd da was grosse rüstung  
gegen einander/der gleichen zū  
dem theil hie nach  
angezeigt.

Wie sie



Von dem Keyser  
 Wie sie in beyden legeren starck  
 gerüst waren/und mit diesem gerüst  
 mag man grosse feürpfeil über  
 ein statmauren ein-  
 schiessen. 2c.






# Barbarossa

lx

## Wit disem gerüst Testudo genant

stat auff vier starcken redern/ darmit fere  
man an ein thurn oder statmauren/  
stoßet ihn umb vñ löchert ihn  
biß er umb  
felt. 2c.



Ein ander gerüst Testudo  
mit zweyen widern  
Ro. vulturius im zehend bünd



## Von dem Keyser

**D**al man nun lang mit einander facht / vñnd ein zweifel was/wer das veld behalten wurd/das ward Herzog Friderich vnser Keyser Barbarosse sun/zñ Tyro inren/durch Künig Buido/vñ macht sich auff mit den seinen die er noch bey ihm het/vñ wolt zñ den Christen ziehen gen Hierusalem. Da das der Türck Saladinus hörte/wie des Keyseris sun über land daher zñhe/auch zñ diser belegerung/da schickte er ihm ein volck entgegen/das sie ihn solten hinderen oder abwenden/in hoffnung/wa sie nit zusammen kämen / er wolt sie dan beide wol niderlegen vñnd überwinden/dan er wist wie jr vil waren vmbkomen zñ Antiochia/so wist er wol/wienul deren von Hierusalem waren/vñnd wie starck. Des hetten die Christen Fürsten/ so auff des Keyseris seitten waren/ein bedenkens vñnd ratschlag/was zuthun were. Aber nicht destminder/als sie sahen/das der Türcken so wenig waren /die sie wolten hinderen/da rüfsten sie sich mit ihm zuschlagen. Vñnd aber das selb forcht vñnd besorget der Soldan auch/vñnd wandte die seinen ließ sie wider hinder sich beruffen/das sie nit flühen. Da kam Herzog Friderich des Barbarosse sun/ zñ Künig Buido von Hierusalem/da sie erwan manchen tag vor der stat lagen. Aber zñ lest gefigerten die vnseren/durch gottes genad vñnd beystand. Diweil man aber die stat/mit vil not bekriegeret het /da kam Herzog Friderich das feber an/also starck/das er sterben müßt/der streng Fürst/vñnd redlich dapffer hauptmander Christen. Als er nun gestorben was/vñnd der tod oder sterben der Pestilenz noch in dem volck vmbgieng/das er yetz schier sechs jar lang gekriegt het/vñnd in dem land der vngleubigen gehörscht/da füren sie daruon on ein hauptman/vñnd kamen wider in Teütschland/mit grossen güte vñnd reichthumb/in dem jar des herren M. C. xcj. Etlich schreibend/Keyser Friderichs sun hab die stat beleget vñnd mit Künig Buido/des er lang darnor wartet ihm zuhilff kommen/das nit beschabe/des müßt man auffbrechen/vñnd von dem krieg lassen / got weist wol wer recht hat /damit laß ich es bleiben. Diß ist gewesen das end des grossen zugs Keyser Friderichs Barbarosse/welchen/wa sie got het wellen lenger gesund lassen vñnd behüten / so hetten sie in zehen jaren/den Türcken vñnd Soldan gar vertriben/aber es hats got anderst haben wollen/das villeicht also besser ist. Hiemit ist das versamelt Christenvolck/Keyser Friderichs/zerritten vñnd wider heim kommen. Doch acht ich/sie seyen vor mit Künig Buido wider heim gezogen gen Hierusalem /das nit ferr dauon was/die heilig stat auch zñbesehen/so sie doch so nahe darbey waren/vñnd jr erst fürnem was in Teütsche land/darumb sie dan erstmals versamelt vñnd berufft waren/den grossen langen zug zuuolbringen/vñnd daselbst erst durch hilff Buidonis/auff das mör: geseßen vñ heim gefaren/wie der gemein brauch ist gen Venedig. ic.

Wer nach Barbarossa Keyser ward  
vñnd wie es da ergieng.

Das xciiij. Capitel.

**A**ls man nun zalt nach der geburt Christi M. C. xciiij. oder nach anderer meinung M. C. xc. jar/da starb Pappst Clemens/ vñnd ward Celestinus erwolt/da erhüb sich Künig Heinrich / Keyser Friderichs Barbarossa



barossa sun/der noch bey leben seins vatters gekrönt ward zu Ach/sir ein Römischen König/als hie vorgesagt ist/ durch verwilligung aller anderen Fürsten/vnd sohe herlich im Italien/vnd darnach gen Rom. Da ward er von dem Papst Celestino/würdiglich vñ herlich empfangen/als sich einem solchen Keyser zimpf zu empfangen/mit allen Eeren. Vnd von dem Papst/mit gunst vñ willen aller Römer/sampt seinem gemahel Constantia/mit Keyserlicher kron vñ würdigkeit/gezieret vñ gekrönt auff den Ostermontag. Vñd Heinrich der sechste des nammens genant. Was aber diser Keyser Heinrich gethon hab/befilhe ichs andern nach kommen zu schreiben/des ist gnüg. Aber Blondus vñ Platina schreiben anders hie von. Vñd sagen das diser zug/geschehen sey/einer andern ursach halb.

Dann als zu der selbigen zeit im Sicilien regiert König Wilhelm/ein brüder der genanten frauwen Constantia. Vñd er aber kein laibs erben hett/da gab er das Königreich Sicilien/vñd dz land Apulien/König Heinrichen obgenant /zu einer Eestett Welche herschafft/nach Keyser Lotharius tod/von de Römischen reich gewonnen ward/durch rogerium/vñd von dem Papst Innocentio/bestettiget/des die von Sicilien/nur wol zu friden waren/vñd der Keyser noch minder. Darnach aber über lang/het Papst Celestinus /nur wol fürgnit/das wider streben der Sicilier/vñd ihr vñeinigheit/hett sie gern züfriden bracht vñd vertragen.

Vñd demnach als Keyser Heinrich von ihm gekrönt ward/da band er ihm ein/das er das Königreich Sicilien/mitt eygnem costen solt wider einnemmen/vñd zu dem reich lbehalten/wie es auch vor gewesen was/vñd jährlich der kirche dauon einen zins oder tribut geben/als ein lehen gele.

Vñd auff das diß dester leichter möchre geschehen/da ließ er ihm bring

en/frauw Constantiam auß dem Closter von Canormi-

tan die da was ein dochter des genanten Rogo

ri/vñd ein Schwester König Wilhelms

die gab ihm da der Papst zu

der Ee für ein gemahel

vsß Päpstlichem ge-

walt vñd

oberkeit.

ic.


L Aber



Von dem Keyser  
Aber von der statt Accaron wie sie gewonnen  
ist worden vnnnd die Türcken vertriben.

Das .xcix. Capitel.

Tholenon wegen? Libro .iii. Cap. xxi.





**I**n dem selben iar vñnd zu der zeit/ funden sich bey  
Künig/ Philipus von Frankreich vñnd Künig Rychart auß Engel-  
land/ inn einer stat des Künigreichs Sicilien/ genant Messina/ die auch  
auß gefarē warē/ wie ob stat/ dz heilig land zu gewinē/ vñnd die Türckē  
zu bekriegen über wasser vñnd auff dem meer /wie vnser Keyser Friderich  
Barbarossa/ über land gethon hat/ als sie sich dann des vor langem vereint hettē  
durch den Papsst Clemens. Als siemun dahin füren/ vñnd vernamen auff der fart/  
wie man vor der stat Accaron leg/ kamen sie auch dahin. Des ward Künig Gui-  
do von Hierusalem fro/ das er sich so wol gesterckt het/ mit des Keyseris vñnd beyd  
Künig folck/ vñnd mit allem dem/ so zu dem streit gehört/ vñnd teglich angriff/  
auff die inn der stat/ vñnd inn mitter zeit/ dieweil man also die stat belegert hettē/  
vñnd ernstlich an der sache was von tag zu tag /on vñnderlaß/ da starben vil der Ed-  
len Fürsten vñnd Herren/ vñnder denen/ auch was Hertzog Friderich auß Schwa-  
ben/ der sun Barbarosse/ wie vor gesagt ist. Aber inn dem anderen iar der beleger-  
ung/ lieffen die burger der stat/ vñmb einen friden reden/ wie sie die stat wolten vff  
geben/ dann sie hettē villicht mangel/ an hilff des Türcken vñnd anderen stucken  
meer/ oder vertruß/ der langen not vñnd stertigen arbeit/ angst vñnd sorgen/ so sie  
teglich erlitten. Vñnd geschach das inn dem iar. M. C. xcj. da die stat Acca oder  
Accaron ward auff geben. Wie es aber darnach mit den Türcken gang  
en ist/ die inn der stat waren/ vñnd wie sie haben müssen abzie-  
hen/ mitter was pact oder abscheid/ wilt du dz wissen/ so

süch inn der Cronica Johannis Maule  
rij Tübingensis Veneratio .xl. in  
dem leben Keyser heinrichs des  
sechsten. da findestu den han-  
del überflüssig/ bis  
zu dem end

## Beschlußred des wercks/ von dem gelobten land/ vñnd der stat Hierusalem.

Das. C. Capitel.

**I**c aber das heilig land/ inn der Christen ge-  
walt/ vor langem yezund kummen was/ vñnd sunderlich die stat  
Hierusalem/ vñnd darnach wider verlorē/ vñnd sich da inn dis-  
em zeitig/ vnser Keyser Barbarossa/ wie oft gesagt ist/ die ganz  
welt der Christenheit sich so mächtiglich gerüst haben/ das zu  
rechen/ widerbringen/ oder gewinnen vñnd erobern/ wie zu dem theil hieuor gesagt  
ist. Wilt du das wissen so liß apt Urspringsis. Inn dem iar. M. C. lxxxvij. da  
also stott. Als vor zeiten das land Hierusalem. Die Griechen vñnder deren gewalt  
es was/ verlorē hettē. .xc. Bis dahin/ von den Italianeren. .xc. Der schreiber den  
ganzen handel/ gar herlichen vñnd glaublichen/ wie es ist ergangen. Welches ich hie  
vñmb kürze willen diser hystorien/ laß faren/ dann es ist nicht mein fürnehmen oder  
anschlag/ hie der stat Hierusalem handel/ wöllen beschreiben.

L ij Dann



## Von dem Keyser

Dann es Hienor/Michael Ricins vnnnd Doctor Sebastian Brand/meyn gü-  
ter Hertz vnnnd günner. Auch meyn rechter landfman/inn latein vor allen anderen  
warlich beschriben hatt vnnnd verzeichner/inn dem Büch das er genant hatt von  
dem vrsprung der güttten Künig/das ich Adolffus von Straßburg/auch her an  
gefangen zu Teütschen/Dort weiß das end/dann ein anderer hatt mich fürkomen  
Das liß inn dem namen des Herren/der sey mit einem yeden getrauwen leser di-  
ses wercks/das gemacht vnnnd vollender ist/durch Gottes hilff.

In  
der loblichen Statt Schaffhausen/an dem Rhein gelegen  
vnder Costanz. Daselbst ich dann der zeit/  
vnwürdiger statt arzt genant vnnnd be-  
stele binn. Inn dem jar des  
Herren M. D. XXXV.

## Beschluß Dises Wercks.





## Ein kurtze erzalung der iar des regiments Keyser

Friderichs/ auß der Chronica Mauerli.

In dem jar des Herren. M. C. liij. Ward Keyser Friderich zu Künig erwolt/  
im dem jar seins alters. xxxij.

In dem jar. M. C. liij. Ward Keyser Barbarossa gescheiden an dem rechte  
zu Constantz/ von fraw Adila/ Marggraff Diebolds tochter/ vmb sibschaft.

In dem jar. M. C. liij. Zohe Keyser Friderich gen Rom das erste mal.

In dem jar. M. C. lv. Ward Keyser Friderich gekrönt von Papsst Adriano.

In dem jar. M. C. lvj. Da zohe der Keyser in Lombardien vnnnd krieget die  
Meyländer auff zwey jar.

In dem jar. M. C. liij. Zohe der Keyser zu dem anderen mal für Meyland/  
vnnnd zerstöret die statt.

In dem jar. M. C. liij. Da zohen vnserm Keyser die Fürsten nach/ vnd starb  
Papsst Adrianus/ an des statt Alexander kam/ der den Keyser verbannt/ vnd er-  
hüb sich das Scisma/ der zweyer Papsst/ vnnnd weret bey zwentzig jaren.

In dem jar. M. C. lv. Zohe Keyser Friderich zu dem dritten mal in Italien  
vnnnd gewann die statt Crema.

In dem jar. M. C. lvj. Ward der Keyser von den Meyländern vertriben.

In dem jar. M. C. lvij. Da zerbrach Keyser Friderich die statt meylandt in  
grund vnnnd boden.

In dem jar. M. C. lvvj. Wolte vnser Keyser Friderich wid die römer ziehen/  
vnd schickte vor im anhin die zwen Erzbischoff von Meynz vnnnd Cöllen.

In dem jar. M. C. lvvij. Wurden die Rhömer geschlagen von den genannten  
Bischoffen/ vor Tusculan.

In dem jar. M. C. lvvij. Zohe er wider in Teütsche land/ vnnnd hatt Tus-  
culan eingenomen/ vñ steler nach vil erbschafften seinen künden/ das wert vff. vij. jar.

In dem jar. M. C. lvvj. Ward die statt Alexandria von vnserem Keyser be-  
legert/ vnd wich von im der Hertzog von Saren/ den er demnach gar seins lands  
vertreib.

In dem jar. M. C. lvvj. Hüb der Keyser wider an die Lombarder zu bekrie-  
gen/ da ward der friden zu Venedig gemacht von seinem sun.

In dem jar. M. C. lvvj. het er einen grossen hoff vnd Reichstag zu Meynz  
da ward sein sun Künig.

In dem jar. M. C. lvvij. Hielt er ein tag mit allen Lombardern zu Co-  
stantz.

In dem jar. M. C. lvvj. da macht vnser Keyser Friderich ein hochzeit sei-  
nem sun/ Künig Heinrich/ zu Meyland.

In dem jar. M. C. lvvij. Da ward angeschlagen der gemein zug durch  
alle Chastentheit/ wider die Türcken/ gen Hierusalem di heilig land zügewinnen.

L iij In dem



## Von dem Keyser

In dem jar. M. C. lxxxviii. Namen schier alle Christen König/ Fürsten vñ herren/das Creutz an/zü ziehen über die vngleübigen.

In dem jar. M. C. lxxxix. für vnser Keyser Friderich dahin gen Constantinopel.

In dem jar. M. C. xc. Ertranc Barbarossa inn Klein Armenien. In dem anderen jar darnach ward sein sun König Heinrich Keyser zñ Rom / vnd gewan man die grosse stadt Accaron inn der Türckey.

Nun folget hernach Keyser Friderichs gebote  
vñnd fridbrieff/die er dazumal aff setzte. etc



## Fridericus von Gottes genaden

Römischer Keiser alwegen Augustus

Es zimpe sich vnser treuwe/zñ fürsehen /durch fleiß vnser fürsichtigkeit/die zeit mit rñw vñ fri den der völker vñ der land auff das/so wir fürtreffen inn krafft der herschafft in den vnderthonen/das wir auch alle vñ yede vnfromen vñ lesterlichen/treibē durch straff vnser gerechtigkeit/von der vnbilligkeit d vnderthonen. Dañ so wir betrachten/was schaden/wie groß zerstörung/der menschen vñnd der land/durch auffrñr vñ brand entsprungen seind/vñnd auch wievil forcht des künfftigen über sollichen/bringen/die ding/so mit dem gewissen vñnd rath der fürsten/ vñnd anderer vnser getreüwen/sie seyen frey ledig oder dienst/zñ niderlegen den übermüt der brenner / vnser Keyserlicher gewalt hat auffgesetzt/wellen wir bekant sein/allen treüwen des gemeinen reichs. Vñnd wie die ding inn der burg Nürenberg geordnet vñnd bestätet sein/gebieten wir steiff zñhalten. Darumb an dem ersten von den brenneren/gebieten wir gemeinlich/das/so ein frey lediger mensch / gñts geschlechts dienst/oder welcherley wesens er sey/ein brandt volbringt/für sein krieg/für ein freünd/für sein vater/oder auß vrsach einer yeden andern sachen/ der soll als bald gehalten werdē vñnderworffen der Acht/von Keyserlichem sentenz vñnd gericht. Da werden auß genommen ob vñlleicht inn offnem krieg/die schloß offentlichen einemen/ vñnd ob da vor etlich vorbeuw oder an der hñten ligen/das sie mit feür anzünden. Es werden auch auß genommen/die richter/die da müssen auß erfoderung d gerechtigkeit/die straff brauchen wider die übelthäter. Vñnd ob yemand ein brand thut inn einem fürsten



thut so soll in d selbig i. verkünden vnd auß spreche/vir ein verschreiben ächter/  
vñ dēnach auß gewalt seiner gerechtigkeit inn ächten das selb sollen auch thun/die  
Krieggrauen/Pfalzgrauen/Landgrauen/vnd andere Brassen/vnd deren kei-  
nem sey erlaubt ein sollichen zu entledigen/dann allein dem Keyser. Wer auch ein  
brenner inn seinem hauß wissenlich animpt/vnd im rat oder hilff gibt/der soll nach  
seinem vermögen widerlegen den schaden vnd vnbilligkeit/dē der in da leidet. Aber  
dem reich soll er bezalen zehn pfunde der münzen/von dem Bistumb darinn es  
volbracht ist vnd dem Herz Keyser/soll er schicken/nach seinem willen vnd gnaden.  
Ob aber yemand über sollich schuld/sein vnschuld probiern oder zeygen wolt der  
soll sich mit zweien warhaftigen meynern/inn gegenwertigkeit des reichs reinigen  
Ob aber yemand einem solchen aufflegt/das er ein brenner auff gehalten hab.  
Vnd er inn darumb mit recht wolt anlangen/das soll im inn keinen weg erlaube  
sein/er thue dann an dem ersten den eyde der vnbilligen anklag.

Der herz Keyser soll auch niemand absoluieren noch entledigen/von dē vrtheil  
der Acht/er vertrag sich dann an dem ersten mit dem geschedigten/von dem vn-  
billigen schaden/vnd thut es dann mit verwilligung vñnd wissen des richters.

Aber den verschreiben ächter/da yederman wissen ist/das er vmb den brand ein-  
gefallen sey/inn das vrtheil der acht/so sol der Bischoff des Bistumbs(wan er vn-  
gehorfam ist/gnug zu thun) scheiden vñnd außwerffen/von gemeinschaft dē Kirch  
Wortes/vnd der Christgleubigen vñnd soll im frembd machen/nit absoluierē/bis  
das er dem geletzten den schaden wider legt.

Vñnd herwiderumb wehn ein Bischoff/mit ordentlichen zilen berufft auß erfor-  
derung der gerechtigkeit/verbannet vnd das einer dem richter verkündet/so soll in  
der richter/auch mit dem bann der acht vrtheilen vñnd im nit ehe ledigen/bis das  
vor dem Bischoff für dz/vmb welches er verurtheilt ist gnüg thut.

Vñnd so er von solcher acht/inn gemeltet/weiß absoluiert ist/vnd einē Bischoff  
will gehorsam sein. So soll er an dem ersten den brandt verscherē/darnach stand  
es inn des Bischoffs willen/was straff er im will auff setzen/zū suchen das heilige  
grab/oder sant Jacob. Wan aber der ächter/inn die weiß als gesagt ist/begert  
entlediger werden. so soll er dem Herz Keyser/außer dem reich schweren/jar vñ tag

Wan aber einer von der acht/vnd d ban des gleichen/nit absoluiert/wirt in jar  
vnd tag/der solt gehalten werden/entsetzt vñ beraubt/alles rechten/vnd gesatzlich-  
keiten/also das er zeugnüß zu geben/oder vrtheil sprechen/ hin für im kein weg sey  
zu gelassen/vnd soll auch inn ewigkeit/alles lehen rechtes manglen.

Item wann inn einer reisen eins herzen/bey dem herzen des die reiß ist/yemande  
were/der ein brand thut als oft geschicht. So soll der herz des die reiß ist/schweren  
auff das heilighumb/das er das nit gethon hab/mit seinem wissen/geheissen od  
willen/vnd den thäter soll er von im thun/vnd nimer wider anemen/wan er aber  
den/nach dem gnüg thut/wider an nimpt/so ist er schuldig/allen schaden zu wiß  
legen den der gethon hat.

Item wann aber sich begeb/das ein herz gewaltiglich inn einem dorff leg/vnd  
von geschicht sich begeb/das ein hauß verbrandt/vñnd angezündet wirt/vñnd der  
dem d schaden geschicht/den herzen anlangt/das es auß seinem geheiß/willen oder  
wissen/geschehen sey/so soll er dem den schade abtrage.

Item wan der brenner gefangen wirt vnd er vor dem richter verleignen wolt

L iiii das er



## Von dem Keyser

das er den brandt nit gethon het/vnnd es vllleicht nit künlich ist durch das landt mag inn dan der richter mit sibem/rechten zeigen beweisen der soll enthaupet werden. Ist aber künlich/so darff man kein zeugnüß süchen/sund als bald enthaupeten. Item wann die schloßleut eins herzen/abgon von dem schloß ires herzen vnd ein brandt thun/so der herz nit im land ist/so soll darumb des herzen schloß nit verbrandt werden.

Aber die güter der breier/wo sie außerthalb dem schloß fundē werden/sollend verbrandt werden/aber nach des herzen widerkeren/wann dann der herz den breier behalten will vnd nit von im treibt/so sol man ihn das schloß auch verbrennen. Item wann der richter vmb des brandts willen inn ein hauß flühet/auf dem mann inn nit haben mag/das hauß werd dann an gezündt. Vmb des brandts willen/würt einer kein breier/aber er soll den schaden wider kerē vmb den brandt. Item wan ein breier vertriben würt zu fliehen auff ein schloß/vnnd der herz des das schloß ist/wer vllleicht sein herz oder lehentrager/oder gesippter freind. So sol inn der herz/nit über antwortem dem verfolger/sunder soll ihm helfen von dem schloß/inn einen wald oder sunst/da er inn sicher dunckt. Ist er aber nit sein herz nach lehentrager noch freind/so soll er inn als bald überantwort dem nachfolger oder mit im inn der selben schuld ston. Wir setzen auch vnd gebieten festiglich mit disem gebott/das welcher einem andern vnderstot schaden zu thun oder in letzen/der soll inn vor vff das minst drey tag/durch seinen gewissen botten warnen/ob aber der geschedig verneinen wolt/das er gewarnt wer/so soll der selbig bott/ist er noch innleben/schweren das er im widersagt hab von wegen seins herzen/anzeigen zeit vnd stat. Ist aber der bott todt/so soll der herz schweren in bey sein zweyn warhafftigen meiern/das er im hab abgesagt/auff das nit yemant möge beschuldiget werden/durch mittel des berrugs/den glauben brochen haben. Zu dem/sezē wir auch inn disem gebott/das wer einem sicherheit gibt oder gleit/es wer dann bestimmet vnd auß genommen/inn was weiß er das halten solt oder nit halten/das er inn vor dem gesetzten tag nit mag absagen. Thut er aber das/der soll geurteilt werden als ein glaub bruchiger. Item wer ein botten schediget/darüb dz er gesant würt ab zusagen/der het sein glauben brochen vnd soll hyn für aller seiner Eren manglen/vnnd soll im hienach niemant mee absagen. Auch von den pfaffen künde vnd bauren diacken/gebieten wir das sie inn kein weg den rittergürtel anemen. Vnd welche das yetz angenommen haben/die sollen getriben werden durch dē lande richter/von der ritterschafft. Vnd ob inn irer herzen einer/wider des richters verbot/vnderstatt bey der ritterschafft zu halten/so soll der herz dem richter/inn 2. pfund verurtheilt sein. Aber der knecht soll beraubt werde/alles rechten ritterschafft. Wir setzen auch das/ob yemant reben oder baumgartē abhawet der soll vnder worffen sein der adē vnd bann der breier.

Auff das aber ein sollich nützliche ordnung/alle zeit steiff verleihet vnd in sollicher weiß/als gesagt ist/vnuerbrochenlichen bestand. So haben wir sie geheissen inn schreiben/zū dem gesetz vnserer vorfaren Keyser vnd künig/vnnd inn ewigem rechten behalte. Welchen ob yemant auß gedürstiger freuelkeit/vnderstat zu widerston/der sey schuldig der vngnaden Gottes des Allmächtigsten vnd vnser ewiglichen/das geschehe das geschehe.

Actum Nürenberg/inn gegen sein der fürsten/mitt irem rhat vnd willen. Inndem jarnach der geburt Christi Tausent hundert Achtzig vnd sibē jar. an dem dreyßigsten tag des Janners.

Diß



Diß Mandat des fridens/ setze Abt  
Dispringensis.

**S**

Riderich der erst/ Barbarossa. Genant von der geburt ein Schwab an sun Herzog Friderichs zu Schwaben/ ein brüder Künig Conrads/ auß dem durchleuchtigen geschlecht der Karlen geboren. Ist im dem jar des Herren. M. C. liij. Nach Künig Conrads zu Franckfort/ mit gemeiner wal der Churfürsten. Römischer Künig erkoren worden vnd regiert. XXX. viij. Jar. Als er nun erstlich alle zwir künigkheit im Teütschen landen/ zu friden vnd einigkeit gebracht het/ da zohe er mit grossen hös im Lombardien/ für die statt Tortonam/ vnd nach der eroberung der selben/ mit solcher eil gen Rom/ dz sich der Papsst vor im besorget/ vnd mit den Cardinālen in die alten statt flohe. Dann sie forchten den Keyser. Aber nach vil hin vnd her geschickter botschafft kam Key. Friderich zu dem Papsst/ dem er bittet er gebürlich Eer mit demütigen geberden/ vnd sichert im/ vnd empfing die Keyserliche Kron von im/ die selben weilt/ hielten die Römer der stat thor oder porten beschlossen/ darnach überfielen sie die teütschen/ die hieaußen mit grosser krafft lagen/ vnd bliben beider seiten vil todt. Vnd wiewol sich der Keyser/ darab erzürnt/ yedoch ward er durch den Papsst wider gegütiget. Darnach zohe er wider im teütsche land vnd ließ sich von seinem gemahel Marggrauen Diebolt von Hochburg Dochter/ von lipschafft wegen des blütz/ scheiden/ vnd vermähelert sich mit iungfrawen Beatrix/ des Brauen von Burgunde Dochter/ zu der Ee.

Zu der selben zeit/ macht/ er den Herzog von Böhmen zu einem Künig/ vnd die Österreichischen Marggraffschafft zu einem Herzogthumb.

Als aber Papsst Adrianus gestorben was/ da begund der Keyser/ demnach kōmenden Papsst Alexandro/ zu mal wie er wertig sein. Also das er Crema die reiche statt/ im Lombardia/ belegert/ vnd da zwischen/ land vnd stett der Römischen kirchen zu stend/ angriff.

Auch die statt Tortonam blünderen sie/ vnd Meyland der er denn gleich schleyffen/ vnd das volck daselbst zeihen meyl von der statt zu wonen bedrungen vnd darnach der stat Crema/ vil beschwerd zu gefieget. Nun gieng solliches annderen Welchen völkern zu Herzen. Also das die von Bern Padua/ vnd Württemberg/ ein bündnuß wider den Keyser machten.

Als die ding an den Keyser langten/ da rufft er seinen teütschen allenthalben zu sammen/ vnd füret die mit hilff vnd bestandt/ deren von Passy vnd Cremona/ für Bern.

Vnd nach dem sich aber der Keyser/ vor dem Papsstlichen gewalt besorget/ da handelt er mit dem Papsst Alexandro listiglichen.

Vnd



## Von dem Keyser

Vnd als aber Otto sein sun zu Venedig gefangen ward/ vnd Keyser Friderichs vergebung vnd ablas/durch fleiß der Venediger /als vorstat/erlangt/da begab er Sebastianum den Herzog vnd seinen nach Komen vnd den rat zu Venedig/mitt vil zierden vnd freyheiten.

Da nun Keyser Friderich zu erst vmb sein handlung wider die kirchen /gegen dem Papst auß gesönet was/da hielt er versamlung der Fürsten ein tag zu Türenberg/daselbst besterigt er den friden/vnd schickt die frids brieff durch teütsche land/vnd nam das Creütz an sich wider die vngleübigen/vnd mit .xj. wagenburg zöhe er durch Hungern/Bulgarij vnd Traciam gen Constantinopel /von dannen halff ihm Isaac der Griechisch Keyser gen Bosphorum so vil fiersiger als vil er sich lange zeit vor seinem gewalt vnd mächtigkei mehr besorget hatte. Also erobert er erstlich vndem Türcken die stat Philomeniam/ vnd zug fürter für Icaonium/die selben vnd auch die anstossenden/ mitt raub vnd brand verwißend. Darnach reiset er fürter in klein Armenien/daselbst bracht er alle ding inn seinen gewalt/also das sich Saladinus der Türckisch Keyser/weder vor noch nach nie meer seiner außtilgung besorgt. Alber ein vn selige stund /vnderzucht solch hoffnung der Christen/dann als er eins tags mitt hitz vnd schweiß beladen ward/da reit er vnbesonnen inn ein streng fließend wasser/vund er tranck/inn dem jar.

M. C. XC. Diser Keyser was/ein großhättig/künmütig/streng / vnd ein red gesprech mann/vnd außserhalb der kirchen veruolung inn vil dingen also hoch berümpft/das nach dem grossen Keyser Karolo/vnd ein großherzigkeit der geschichten/ kaum einer der seins gleichen gefunden würdt.





Getruckt in der loblichen statt Straßburg  
durch Bartholomeum Grüninger in dem jar nach  
der geburt des Herren vnseres Seligmachers.  
M. D. XXXV. Und vollendet auff  
Sant Thomans des heiligen  
zwelffoorten a-  
bende.  
.cc.



*Handwritten note:* Hiltl. Geschichte der Holzschneiderkunst p. 90 - Grüniger



